

A. C O U L E I I
PLANTARUM

Libri duo.

—*Habeo quod Carmine sanet & Herbis.*
Ovid. Met. 10.



L O N D I N I,
Typis J. Flesher, & prostant apud Nath. Brooks
sub Signo Angeli, in vico vulgò dicto Cornhil, 1662.

W^s Stukely M. D.
Grantham 1728.

A D

Celeberrimum Collegium
S. S. T R I N I T A T I S
in Illustrissimâ Academiâ
Cantabrigiensi.

S Anctâ mihi semper Nutrix, & ad ubera
(cujus

Jam redeo nimium dulcia penè Senex,
Accipe parva libens Horti Plantaria nostri,
Ingenii sicco pauperis orta solo.

Uberiora quidem, Cultrix doctissima, ferre
Debuit illa tuâ consita terra manu.

Debuit, at sacri pars infœcunda laboris,
Pars (pudet ô) tibi nos inficienda sumus.

Sed tribulos, loliûmque, & viles inter avenas

Si reperis frugis germina pauca bona,
Hæc Mea sunt, dicas; hæc olim semina cultæ
Mandavi Terræ; cætera sponte tulit.

A 3

Lectori.

LECTORI.

Consideranti mihi aliquando quàm incredibile studio summi semper Poëtæ hortos & rura & nemora coluissent, ità ut ubique aliàs exulare Musarum regno sibi viderentur, admirari profectò subiit, quo malo astro Plantarum effectum sit, ut nemo adhuc illarum tantam pulchritudinem tantasque virtutes versu celebraverit. Ingens verè Sylva materiarum, & innumerabiles deliciarum flores, nec minores utilitatum fructus redditura; quæque præter ipsarum jucundissimam historiam (quæ quàm latè pateat omnes nòrunt, vel potius nemo noscere valet) totam humani corporis fabricam & universam Medicinæ rationem complectitur. Unde equidem inducor setè ut credam illos tantos Viros, non quòd hæc minùs apta nata essent Poëtarum culturæ, sed infinità rei magnitudine & inexplicabili penè varietate fuisse deterritos, atque ità cum spe absolvendi operis voluntatem abjecisse incipiendi. Ego igitur Homuncio Literarius, vix Algæ prout merita est laudandæ idoneus, id aggrediar quòd Semidei illi non ausi refugerunt? Quidni aggrediar scilicet? Illis enim turpe videbatur non Omnia, mihi gloriosum est vel Parum facere.

Lectari.

facere. Satîs mihi honori fore putabo, si paucis incisum Truncis nomen meum, vel (quod Regale esse dicitur) paucis Floribus inscriptum legatur. Itaque nè tot quidem germina colligata in hunc fasciculum videbis, quot unius Medicamenti compositionem aliquando ingrediuntur; & binos hosce Libellulos tanquam exiguas tibi Pillulas offerre videor, ex diversarum Herbularum quasi farragine confectas, & nitore quodam styli deauratas: quarum quidem in delectu non ità multum laboravi, sed velut sorte ductis aut fortuito oblatis contentus fui, quia nulla ferè sit quæ non abundè succorum possit effundere, si apto modo & artificiosè exprimantur, neque ullam certè invenies tam jejunam & tam sterilem, ut materiam nequeat ad Librum integrum, si bene excutiat, copiosissimè suppeditare. Modus autem mihi maximè genuinus & proprius huic operæ videtur, non ut illarum vires crudâ simplicique enumeratione tanquam in pilâ simul contundantur; sed ut lento poëticarum ambagum igne lenique tormento quasi distillando evocentur: neque ea potissimum conjungenda judicavi quæ vim essent similem naturamque nacta, nè fastidium pareret satietas; sed diversa & quàm maximè discrepantia connectere malui, ut vividius gratiusque ex vicinitate contrariorum colores elucerent. Notas autem breves placuit subungere, non eruditionis ostendendæ gratiâ (quæ hîc magna sanè non est; quid enim facilius quàm unum & alterum Herbarium evolvere?) sed quia præter ipsos Medicos (quos

A 4 ego

Lectores.

Ego non docere velle, sed oblectare, præ me fero ; non ità multi fortasse Lectores inveniuntur qui in historiis Plantarum satis sint versati ad ipsa aliquarum nomina intelligenda. Est enim pars quædam Philosophiæ extra publicas plateas aut itinera usitata, inter avia atque inculta doctrinæ ferè posita. His igitur mihi vicem Lexici supplere visum est. Sed & ipsarum quoque Plantarum gratiâ ; nè poëtico more tractari fraudi possit esse illarum veræ gloriæ, atque ipse videar non ejusmodi facultates attribuisse quas Natura dederit, (quæ quid esset optimum factu cogitavit, non quid verbis bellissimè possit exornari) sed eas affinxisse quæ materiam præberent ad pompam atque inanem voluptatem uberio-rem. Nam quia nobis aliquando mentiri concessum est, eaque libertate immodestè abutuntur aliqui, ità in totum fides omnis abrogatur, ut non sine hæsitatione credatur cum dicimus,

O Laërtiade, quicquid dicam, aut erit, aut non.

Hor. Serm. 2. 5.

Itaque Testes adhibere volui Idoneos, hoc est, liberâ solutâque oratione usos ; ea enim cum Versu comparata solenne Jusjurandum est : duobus autem (qui legitimus est numerus) contentus sum, & Plinium atque Fernelium potissimum elegi, quòd Ille sit indubitatæ Latinitatis Author, & Hic inter recentiores ut optimus sentiendi, ità non malus dicendi Magister. Priorem verò si quis recuset, tanquam sublestæ Græcorum fidei nimium credentem quàm cui tutò credi possit ipsi, profecto ità inve-

nie

Lectori.

inveniet nihil ab eo memoratum super hâc materia quod non ab omnibus rei herbariæ scriptoribus repræsentetur. Neque Te tamen, quia Plantarum voces sermonesque hîc audis, tanquam si esses in Sylvâ Dodonæâ, Oracula expectare jubeo, quæ in hoc solo vereor nè versus nostri referant, quod fortasse tam mali reperientur quàm quos ipsi Dii olim consulentibus ex adytis suis effuderunt.

Rationem facti mei reddidi. Sed siqui in hunc Librum inciderint qui priorem legerint non ita pridem à me vernaculo sermone editum, metuo nè ansam indè arripiant ad quædam reprehendenda, de quibus abs re non erit purgare me breviter in antecessum. Ac me primò quidem ab aliquibus nimiarum deliciarum & levitatis accusarum iri prævideo, quod susceptis ingentibus argumentis, in usque duorum aut trium quasi dierum itinere confecto, aut fatali quadam lassitudine ac desperatione meæ subsistam, aut veluti novo quodam cæstro percitus in aliam repentè viam me conjiciam; ita ut non solum Dimidium (quod aiunt) sed Tertia pars operis sit semper Toto meo major. Apage (inquierent) Desultorem hunc Pegaseum! at quo spiritu, quo hiatu, quàm præclara minitatus, exordiris! — *Bella cano, Fatigue vices.* Tu Bella, ignavissime, qui vel arma tam citò abjicis, vel ad alia castra te proripis, ante Tubam penè Transfuga? vel si pugnam unquam capeffis, Gallorum veterum ritu, plus quàm Vir eam inis, plus quàm Mulier statim deferis? At qui Poëmati animum applicas, tanquam
si

Lectori.

si Uxorem duceret, siue gratae facilisque res, siue durae & penè intractabiles occurrant, neque tadio ab illo abhorrere, neque novis amoribus avocari debet, neque Divortium meditari, neque ullo tempore relinquere, donec ad supremum usque Umbilicium, velut ad Terminum vitae naturalem, perduxerit. Atque hoc quidem quod mihi vitio vertunt cum negari non possit, rectene an secus factum sit videamus.

Primum igitur, quod de Vitâ humanâ verissimè dictum est, plus quàm mihi opus est in Poëmata mea quadrare suspicor; Optimum esse non Nasci, proximum, quàm ocyssimè vitâ fungi, & si ad Omega usque perducantur (quò certè Homérica singulari felicitate adhuc vegeta pervenerunt) magnum esse periculum nè prius delirare incipiant. Sciam esse Ineptiarum gratiam, Tempestivè, hoc est, citò, desinere; nimiumque longè progressum esse Authorem qui Lectores suos ponè se relicturus est defatigatos. Hæc, si malè scribimus, facilè brevitatem, non ità facilè susceptionem operis excusabunt; neque tam Inconstantia mea, quòd inchoata non absolvam, quàm Constantia damnabitur, quòd nova subindè inchoare non cessem, nimiumque (Fortunæ more) Constans in Levitate meâ videbor. Sin ea quæ tibi apponimus (quod ô utinam, Lector!) arrideant stomacho tuo, boni profectò consulere debes, quòd eâ moderatione utamur, ut neque Esurientem Te, neque nimium cibo oneratum ac nauseabundum, dimittamus. Adde quòd hæc nostra qualia-

Lectori.

qualiacunque tentamenta aliorum industriam poterunt forsitan excitare, qui ad eadem vel nobiliora perficienda majori animo majoribusque opibus instructi accedent; sicut Agefilai olim non ita magni in Asiâ progressus, sed in eo genere primi, ad eam totam gloriosissime subjugandam Alexandro Magno viam aperuerunt. Postremo (nequid tibi Amico (ut spero) dissimulem meo) non tam consilio quam æstu quodam Mentis hæc ago: nam neque nihil facere possum, neque aliam aberrationem à molestiis habeo; itaque tædio rerum humanarum ad hæc solatia literarum amceniorum (nimium fortasse naturâ consuetudinèq; grata) æger animus se confert, & non ita diu postea, earum ipsarum subeunte paulatim odio, interrupto cursu ad alia deflectit. Gravius autem instare, & quasi meo me gladio ferire, videbuntur, qui eâ mihi in memoriam redigent quæ contra veterum fabularum in re poëticâ usum, exoletarum jam & repetitâ millies interpolatione tritarum, tam atroci indignatione declamaverim, cum ipsa Veritas, in sacrosancto Dei Volumine & reverendis Ecclesiæ monumentis, novum Ingeniis hominum & ampliorem ditiorèmq; Mundum Poëticum patefecerit.

Hæc tu (inquier) cum & dixeris ipse, omnibus bonis applaudentibus, & exemplum aliis in *David* de tuâ dederis, tanquam Apostata Judæus, fastidito Mannâ, ad Ægyptiorum allia capàsque reverteris? post adventum Christi ipsius in carmen tuum Dæmoniorum Oraçulis silentium imponentis, iterumne

Lectori.

rúmne Apollinis vocem è Tripode tuo profano audiemus? recuperatam ex Monstris & purificatam Sionem iterúmne illa pulforum Deorum *Nexya* occupabit? & (quòd Propheta tanquam Ultimùm in malis minitatur) *Occurent Dæmonia Onocentauris, & Pilosus clamabit alter ad alterum?* At hoc non minùs Musæ tuæ pudendum ac miserandum videri debet, quàm si recidiva Magdalenæ rediret ad Lupanar. Et vide quàm te pœna peccati tui non sequatur, (ut scelestos solet) sed certè comitetur: ipsa materiæ humilitas tibi penas subsecat; cum Herbulis tuis humo affixus es; non potes hîc, ut olim, In altos nubium tractus. Neque Te quidem, tanquàm Vulcanum illum (jam tuum iterum) in fabulis, cùm è Cœlo decideris, claudicare miramur.

Vehemens accusatio, & primâ facie terribilis! Ego verò illud quod admiranda Dei opera celebrat non longè abesse arbitror à sacro Poëmâte; multarum autem Plantarum viribus vix quicquam reperiri potest in natura rerum admirabilius: itaque inter alia sonantiora, hoc etiam nomine à divino Poëta Numen laudatur, *Quòd producat in montibus fœnum, & herbam usibus humanis.* *Psalm. 146. 8.* Neque ea (puto) Libertas impudenter sumpta videbitur, quâ Loquentes eas introducam, cùm & Sacer ipse Codex alloquatur illas tanquam Intelligentes. *Benedicite universa germinantia in terrâ Domino, laudate & superexaltate eum in sæcula.* *Dan. 3. 76.* Non sunt habenda pro Mendaciis

Ecc
bus
Poë

Lectori.

Mendaciis quæ neque credi possunt, neque credi sibi postulant. Quòd autem aliquando Deorum nomina & Transformationum fabulæ intermisceantur, ipsa profectò materia me coëgit invitum ut id facerem, quæ aliâ ratione noluit splendescere, si hâc modo splendeat. Nulla picta vestis nativo Veritatis habitu vivisque coloribus pulchrior existimanda est; sed aliquibus personis & aliquo in loco potest esse convenientior. Nè Regem quidem ipsum aliquando Saltare dedecet; at profectò indecorè faceret, si Saltaret augustum illum indutus ornatum in quo inauguratus est. Non est itaque in hoc opere styli illius Heroïci requirenda Majestas (quâ pro comperto habeo nullam unquam Plantam fuisse usam;) quoniam nullo hîc modo Volare animus est, sed pauca quædam in Horto spatia sanitatis partim gratiâ, partim delectationis, Ambulando conficere.

Tertium restat, & quod difficilius fortasse dilue-
ur. Nam & Ipse mecum jamdudum statui finem
acere scribendorum Carminum, idque tam solenni
nore sum professus publicè, ut penè pondus habeat
juramenti; nec negari potest,

Siquidem herclè possim nil prius, neque fortius.

Ennuch. Scen. I.

Ecce autem de novo. Quâ de re quoniam versibus rationem reddere me memini, lubet sanè (quod Poëtam posse suo jure facere Martialis affirmat) Epistolam

Lectori.

Epistolam iis claudere. Erant autem ad Amicum scripti doctissimum ingeniosissimumque, sed eodem Cacoëthe, quanquam mitioribus, ut aiunt, cum Symptomatis, laborantem.

Ergo iterum Versus? dices. O Vane! quid ergo
Morbum ejurasti toties, tibi qui insidet altis
Non evellendus vi vel ratione Medullis?
Nuncne Poëtarum (merito dices) ut Amantium
Derisum videre Deum perjuria censes?
Parsius hæc, sodes, néve inclementibus urgo
Infalicem hominem dictis; nam Fata trahunt me
Magna reluctantem, & nequicquam in vincula minacem.
Holleborum sumpsi, fateor, pulchrèque videbar
Purgatus Morbi; sed Luna potentior Herbis
Insanire iterum jubet, & sibi vindicat agrum.
Illa jubet, Calamum posco, victusque trecentos
Manè malas fundo Versus; quos jam Furiosus
Facto ceu Lapides, ut quisquam occurrit, in omnes.
Te quoque, Amice, meis, Ἐκείνη βόλα ὅσπερ Ἀπόλλων,
Missilibus ferio, Δεινὴ δ' ὀπρὶνέσο κλαυρή.
Quid facias homini quem nec * mala publica possunt,
Néve à cantando sua detertere, vel ipso
Frigore vocalem, cæloque pluyente Cicadam?
Nimirum, ut Quadam, bene quam juvenesque senesque
Et pueri nōrunt, Video meliora, proboque:

* Namque hæc omnia scripta sunt paulò ante sælissimum Regis reditum.

Sed

Lectori.

*Sed malè Naturam Cataphraſtam armatus inepti
Aggredior Furcâ. Tydides certè Ego non ſum,
Nec poſſum ſuperare Deam; cedamus oportet.
Tu quoque, ni fallor, qui Mundi arcana futuri
Voce tonas populo, myſteria magna locutus,
Eſſet de Cælo Elias tanquam ipſe reverſus,
Noſte, domi paulatim hominem atque humana reſumens,
Poſt Bacchi calices & fumos nobilis Herba,
(Nempe ſcio moderatè, ut & ipſe quoque uxor utriſque)
Neſcere carmen amas tenerum, lepidòque furorc
Non ſine requiſitiis reſolutum ludere doctis.
Ergò eadem peccanti æquum eſt te ignoſcere Amico;
Nam neque Nos nullo nugarum ſine protervi
Semper ineptimus, ſed habemus ſcilicet Ipſa
Intervalla quidem meliorum lucida rerum.*

LIB.

ERRATA.

Pagina 1. v. 29. lege Aureum. Pag. 67. lin. ult. Accer-
 scitur. Pag. 75. v. 10. Ren. Pag. 78. v. 4. It vaga.
 Pag. 80. v. 5. Tenuis. Pag. 81. v. 22. Comma sequi debet
 Illorum. Pag. 102. v. 21. Tantam. Pag. 103. v. 29. At.
 Pag. 112. v. 7. Huic. Ib. v. 27. Odorum.

111

P
 I
 Qu
 H
 Qu
 C
 Qu
 A
 Et
 C
 No
 C
 Inci
 P
 1. His
 E
 Num
 Et
 Qu
 At
 Qual
 R
 2. Ad
 Et

P L A N T A R U M

L I B. I.

INfima regna cano, sed longè maxima, *Vita* ;
Plantarum omnigenùm regna decora cano.
 Quæque ferum in sylvis agitant immanibus ævum,
 Naturæ utentes simplice *Lege* suæ ;

Quæque sub humanâ discunt manufciscere curâ,
 Hortorùmque *Urbes*, & data *jura* colunt :

Quæque levant sursum se *Patriæ* ad oscula *Solis* ;
 Quâsque humiles *Terra* brachia *Matriæ* habent :

Quæ *Fontes* *Fluviô*que bibunt ; quæ sicca tenentes
 Admittunt solum pro *Ganymede* *Jovem* :

Et quascunque sacrum *Judæi Principis* olim
 (*Hæu miserè amissum !*) nobilitavit opus.

Non Ego, *Nestorea quercus* si suppetat ætas,
 Carminibus cunctas posse referre putem.

Incipiam tamen, & *Nemoris* primordia *Sancti*

1. *Parva*, sed *arboreis versibus* apta, dabo.

His alius plures adjungeret forsitan *Umbras*,

Et dignus tandem *Numine* *Lucus* erit.

Numen ades jam nunc, *Divûm doctissime Phæbe*,

Et *Planta* & *Vases* nam tua turba sumus.

Quâ tuæ venis, fundas circum *Lucémque* *Calorémque*,

Atque omnis *Vitâ* sit via picta novâ.

Qualem te sentit *Brumalis* vincula *Mortis*

Rumpentem magico lumine vernus ager,

3. Ad *Colchos* *Aries* cum te vehit *Aureus aureum*,

Et solida *Arcton* gaudia *Mundus* agit.

- Unde iter ingrediar ? nam me blandum allicit omnis,
 Et pulchris ad se nutibus *Herba* vocat.
 Non ego me methodo astringam serviliter ullâ,
 Sed temere *Hyblæ* morte vagabor *Apis*,
 Quò me spes prædæ & generandi gloria mellis,
 Liberâque *Ingenii* quò faret ala mei.
 Non hic arcolis *Hortorum Emblemata* iustis
 Prostituent fastus vermiculata suos ;
Natura sed nos effusa sine ordine dona,
 Ditis, & immensas non numerantis opes,
 Et variæ reverenda imitabimur avia sylvæ.
 Munera *disponit* non nisi *parca* manus.
3. Tu primæ *Augurium* da, flave *Diespiter*, *Herba*,
 Et faustum incipiens dirigat *Omen* iter.
Omen adest faustum ; bene habet ; sperare jubemur :
 Grandia non lævus respicit orsa *Deus*.
4. Nam te prima oculis offers, *Vettonica*, nostris ;
 Opportuna mihi, Planta benigna, venis.
 Opportuna venis, generosa *Patrona Cerebri* ;
 Si sapis, ô *Cerebri* sit tibi cura mei.
 Non te (crede mihi) nihil hoc, *Vettonica*, tangit :
 Tu cave nè malè sit, Téque Tuâsque cano.
 Te verò ut merita es, viridis stirps optima Gentis,
 Quis canet ? aut tantas vel numerabit opes ?
 Ille quidem *Hercynia* sælicia germina *Sylvæ*,
 Et poterit *Pæsti* dinumerare *Rosæ*.
5. *Musa* tuas iusto celebrâsse volumine laudes
 Dicitur, & partem præteruisse puto.
 Ipse suos *Cæsar* voluit memorare Triumphos.
 Fac, precor, ô *Victrix Cæsar* major, idem.

1. *Versibus, i. e. Ordinibus.*

2. Cum Sol intrat signum *Arietis*. Ad *Colchos*, i. e. ad populos septentrionales ; hi autem præ cæteris nominantur, quia *Aries* ille ex *Colchide* in cælum pervenisse dicitur, ibi vellus ejus Aureum à *Phryxo* consecratum est.

3. *Vulgò Jovis cognomen, sed per initia Idololatriæ Jupiter & Sol distincta Numina non fuerunt; quod etiam confirmatur ex nominis hujus derivatione: sed tamen tollenda ambiguitatis gratiâ, Epitheton Flavi additur.*
4. *Vetonica, Vettonica, vel Vettonica. Ubi licet antepenultima (ut & in Betonico) à Sereno corripitur; tamen quia penultima in Vettones, seu Vettesones, à quibus Herba nomen sine dubio deductum est, à Lucano, cujus multò potior est auctoritas, producitur, tutius videtur hunc quàm illum sequi. Luc. libr. 4.*

Vettonésque leves —————

5. *Antonius Musa, Augusti Medicus.*

Vettonica.

1. **Q**UI mea cuncta tibi breviter cupis acta referri,
Frustrâ es; nam totus non capit illa liber.
Quâ patet humanus nostra est *Provincia Mundus*,
Candida purpureum quâ sola *Flumen* obit:
Porrectum medio cernit quodcunque sub *Axe*
Seu *Polus* hic *Capitis*, seu *Polus* ille *Pedum*.
2. Sed data præcipuè *Capitis* mihi cura regendi,
Et me *Mens Aula* præficit ipsa suæ.
Firmo fatilcentem, & sinuosa palatia purgo,
*Obscurâ*que veto *Luminis* esse domum.
Illa oriunda polo, dilapsa nitentibus astris,
Illa *Creatoris Filia* magna *Dei*,
Hei mihi, quàm fragilem pauper jam cogitur ædem,
Quâ nque ruinolam, *Mens* habitare *casam*!
Pestiferi infælix patitur contagia tecti,
Accensæ flammis uritur ipsa *Domus*.
3. Sæpe aliquis Sacri correptus *Fulmine morbi*
Procumbit subito, triste *Bidental*, humi.
4. Sæpe *Caput* celeri circum *Vertigine* fertur,
Atque *Ixioniâ Mens* agitata rotâ est.

- Sæpe gravis dolor *Incudem* sub vertice tundit,
 6. Stat juxta *Fornax*, & vigil *Ignem* furit.
7. Sæpe aliquas *Motus* partes *Sensibusque* relinquunt,
 Ambulat (heu monstrum!) *semicadaver Homo*;
8. *Mærenti* superat furias, & corpore eodem
 Conjungit *vivis mortuæ* membra *Lues*.
9. Ast alios premit integrâ caligine *Torpor*,
 Et toto *Lethi* pondere sæva *Quies*.
 Heu *Vitam* affinem similemque per omnia *Morti*!
 In sola *Vitam Mors brevitæ* refert.
10. Sæpe agitat vanis *Rationem Insania* visis,
 Et misera in *Somnis* ambulat illa suis.
11. Sæpe etiam absumpto *Nervorum* divite succo,
 (Quem solâ *ætherium* cernere *Mente* licet)
 Perpetuum vinclis quatiuntur membra solutis
 Ambigua, & laxo *machina fune* tremit.
 Hæc, & quæ noceant sacro mala mille *Cerebro*,
 (Cui mala mille nocent ambitiosa loco)
 Me *Pater æterno* jussit compescere bello,
 Et *Regnum* dixit, *Nata*, tuere meum.
12. Ac velut *Ænea Mater*, vel. (13.) *Mater Achilli*,
 Sic fabricata mihi cœlitus arma dedit.
14. *Divinum Folium* informans unum omnia contra
 Telâque mortuorum fatiferâsque minas.
 Additur & *Succi* non enarrabilis humor,
 Et supero arcanus qui pluit orbe *Calor*.
Phœbe Pater, non me ignavam cœlestibus armis
 Donas, *Rubigo* néve ea carpet iners.
 Non *Caput* absolvet solum me crimine tanto,
 Absolvent *Capiti* subdita *Membra* suo.
15. Cû n *Corda* oclusis *Pulmonibus* occupat *Humor*,
 Aeriôsq; aditus vis inimica tenet,
 Imparibus tentat conatibus excutere hostem,
 Et petit externam languida *Tassis* opem.
 Me petit; advenio: referatur semita *Cordis*,
 16. Blandâque per notos pertinet aura favos.

- Vitali Zephyro mulcentur Pectoris æstus,
Mitescitque tuus, *Torrída zona*, Calor.
17. Pellitur à siccis *serpens Quartana* cavernis,
18. *Ascites*que suis pellitur *Hydrus aquis*.
19. Tristia pelluntur Stomachi fastidia crudi,
Assiduóque viget læta *culina* foco.
20. Sedatur torti *Tempestas* turbida Ventris,
Postico iratus murmure *Flatus* abit.
21. Eluitur croceo *Tinctura* inamabilis ore ;
22. Gutta feros *Lapides* (nec diuturna) cavat.
23. Lentus inhærescens venis *Lunaque rebellis*
Cogitur *obscænus* præcipitare *Cruor*.
24. Alba sed illiciti hauritur *sentina fluoris* :
Hei mihi ! *Spurcities* non *aliena* sat est.
25. Sistitur ipse etiam, *rubroque* remittitur orbi
Qui velit, in justâ Sanguis abire viâ,
Sistitur insanos *Matrix* motura tumultus,
Longinquum telis ausa ferire *Caput*.
26. Maternúsque tumet non fluxo pondere *Venter* ;
Funera nec nasci dimidiata sino.
Sed cùm *Natalis* sacer ingruit *impetus hora*,
Vis eadem inceptum fortior urget opus.
27. Quid quòd & *Articulis Podagram*, discedere cogo ?
Tarda licet, celeri me fugit illa gradu.
28. Quid quòd *Serpentum* furialia pello *Venena*,
Et mea *Serpentes* dia *Venena* necant ?
Illos subtili ferit arcanâque *Sagittâ*,
Et perimit cæco vulnere acutus *Odor*.
Sic, *Paser* arcitenens, victum *Pythona* fuisse
Arbitror, & succis illita tela meis.
29. Quid quòd de membris per me Dolor omnibus actus,
Atque exul toto corpore mæstus abit ?
30. Quid quòd defessis redeunt virésque vigórque,
Atque *Oiii* fructum percipit ipse *Labor* ?
Nec miseræ satis est *incommoda* tollere *Vitæ*,
*Ornat*ur donis *luxuriâ*que meis.

Per me purpurei formosum lumen honoris,
 Et niveam illustrat gratia viva cutim.
 Talem me genuit faustis Hispania sylvis,
 Omnibus & terris terra benigna dedit.
 Nec Trajanum Orbi magis est genuisse regendo,
 Ac Dominum Domina læta dedisse suæ.
 Implevit numerum certè Laudum ille mearum,
 Et mihi multiplici par bonitate fuit.
 Sed bonus, ah! Princeps Fatorum quàm breve donum est?
 Tantarum ex hæres quàm citò Mundus opum?
 At nostrà æternùm gentes virtute fruuntur,
 Sùmque Orbi semper quod fuit Ille semel.

1. *Vetonica, vel Betonica. Anglicè Betony. Vettones in Hispaniâ eam (invenerunt) qua Vettonica dicitur in Galliâ, in Italiâ autem Serratula, à Græcis Cestron aut Psychotrophon, antecunclæ laudatissima. Exit anguloso caule cubitorum duum, spargens folia serè Lappi, serrata, semine purpureo. Folia siccantur in farinam plurimos ad usus. Fit vinum ex ea & acerum stomacho & claritati oculorum: tantùmque gloria habet, ut domus in quâ sata sit tuta existimetur à piaculî omnibus, Plin. lib. 25. 8. Itaque Italicè proverbiali elogio dicitur aliquis Tot virtutes habere quot Vettonica, scilicet Innúmeras. Calida & sicca existimatur recessu secundo, incidendi detergendique vi prædita.*
2. *Cerebrum vel odore solo recreat, Fernel. & alibi, Cerebrum mirè leuat.*
3. *Morbus Comitialis, ἰεῖδν ὑβόνμα vel quodd à Diis immissi credretur, (& sanè in Historiâ Evangelii Dæmonis attribui videtur;) vel quodd non nisi divinâ ope sit curabilis, unde veteres incantationibus eam exigere tentabant; vel quodd divinam hominis partem occupet; vel quodd sit Magnus (unde & Hercules morbus vocatur) ἰεῖδν qu. τὸ Μῆζα vel quodd Detestabilis, ut Auri sacra fames. Comitiales sanæ Vettonica in Oxymelite drachma, Plin. lib. 26. 11. Comitibus furiosisque medetur, Fernel.*

Quicquid

4. Quicquid fulmine tactum sub religione mansit, donec ad prodigii procuracionem Ovis bidens immolaretur, vel, ut alii volunt, binæ pecudes, unde Bidental dictum est.

An quia non fibris ovium Ergennâque iubente
Triste jaces lucis evitandumque Bidental,

Perfius.

5. Ad vertigines, omnēsque Capitis morbos, vel quæ à Capite proveniunt, *Vettonica* præscribitur.

6. *Inflammatio.*

7. *Paralysin* serpentiâque membra per sanat, *Fernel.*

8. Mortua quinetiam jungebat corpora vivis,
Componens manibûsque manus atque oribus ora,
Tormenti genus ———

Virg. de Merentio.

9. *Leschargus.*

10. Contra *Insanias* *Vettonica* bibitur, *Plin. lib. 26. 11.*

11. Tremor. Hac dicuntur ex clarissimi *Glyssonii* nostri sententiâ (quam veram esse arbitror) de succi nutritii per nervos distributione, quam vide in nobilissimo illius opere de *Anatomiâ Hepatis*. Utilissima *Vettonica* nervis discurreribus per scapulas humeris, spinæ, lumbis, pota, ut in jecinore, *Plin. lib. 26. 11.* Nescio quamobrem non omnibus dixerit, nam quæ Cerebro conscrunt ea omnia Nervos omnes juvant.

12. *Æn. lib. 8. (13.)* Thetis Achilli *Ilia*. 18.

14. *Virg.*

Divinum clypeum informans unum omnia contra
Tela Latinorum ———

15. Tussis, Asthma, Phthisis. *Vettonica* Phthisicis ccligare cum melle faba magnitudine, *Plin. l. 26. 11.* Ad lateris & pectoris dolores *Vettonica* farina bibitur ex aquâ calidâ, *Id. cap. 7.* *Vettonica* obolis tribus in aquâ contra purulentas contrâque cruentas exscreationes, *Id. cap. 5.* Stomacho & Dyspnæa medetur *Vettonica* tusa pondo, libra mellis Attici, semuncia ex aquâ calidâ, quotidie bibentibus, *Id. cap. 7.* Pulmonis, Fecoris, Lienisque vitia expurgat, *Fernel.*

16. Spongiosos poros pulmonum.

Quartanis

17. *Quartanis Vettonica drachmam in aqua mulsa cyathis tribus, Plin. l. 26. 11. Bibitur in horroribus Vettonica farina, quæ omnes horrores coerçet, Ib. Siccis &c. quæ nempe ex Melancholiâ adustâ orta creditur.*
18. *Præcipua Hydropis species, ab 'Aoxde, Utris. Hydropici Vettonica drachmæ duæ in duobus cyathis vini aut mulsi Plin. ib.*
19. *Cruditates quæ nauseam faciunt digerit Vettonica; eadem pota à cœna concoctionem facit, in oxymclitis cyathis tribus drachmæ pondere, & crapulam discutit, Id. c. 11. Vettonica aliàs gravis stomacho, vitia tamen sanat pota vel foliis commanducata, Cap. 7. Faciles præstat Vomitiones Vettonica radix, Hellebori modo, 4 drach. in passo aut mulso, Ib. Sistit vomitionem Vettonica farina ex aquâ, abstergit fastidia cruditatésque digerit, Ib. Betonica crudorum concoctionem adjuvat; datur acidum rustantibus & stomachicis; dolorem capitis ex ventriculi sympathiâ sedat, Fern. Stomacho laboranti prodest, ejusque concoctionem juvat, Id.*
20. *Tormina Ventris. Caliacis in vino austero datur. Tormini discutit quodcunque Panaces & Vettonica, Plin. l. 26. c. 8.*
21. *Icterus, Morbus Regius. Impugnatur Centaureo potu, Vettonicâ, &c. Id. cap. 12. Regium morbum sanat, omnibus denique obstructionibus expediendis & cum febre & sine febre accommodatissimæ, Fernel.*
22. *Vesicæ malis contrâque calculos auxilio est Vettonica. Ad Calculos quidam Vettonicam & Verbenacam & Millefolium aquis portionibus ex aquâ pro singulari remedio bibentia addeunt, Plin. l. 26. 8. Renum lapides exterit, Fernel.*
23. *Menses ducit, Fernel. Vettonica drachmâ in vini cyathis tribus bibitur contra omnia vulvarum vitia, aut quæ à partu fiunt, Plin. l. 26. 15.*
24. *Vettonica utilis prægnantibus, & quibus alba sordida illuvies ex utero manat, Fernel.*
25. *Vettonica farina è lacte caprino pota sistit ex ubere fluentem (sanguinem) Plin. l. 26. 13. Sed & ad sistendam quamcunque sanguinis fluxionem, nisi mensium, efficax est.*

Betonica

26. *Betonica* uterum expurgat, & nihilominus corroborat, & conceptum retinet, Fernel.
27. *Podagricis* inter cetera passim præscribitur, itémque *Ischiadicis*.
28. *Morsibus* imponitur *Vettonica* præcipue, cui tanta vis perhibetur, ut inclusa circulo ejus *Serpentes* ipsa sese interimant flagellando: datur ad ictus semen ejus denarii pondere cum tribus cyathis vini, vel farina drachmis tribus sextario aqua imponitur, Plin. lib. 25. 8. Potu omnia mala medicamenta exigit per alvum *Vettonica* semen in mulso aut passo, vel farina drachma in veteris vini cyathis quatuor; vomere cogendi atque iterum bibere. Iis qui quotidie gustent eam nulla nocitura mala medicamenta tradunt, Ib. cap. 10.
29. Ad omnes corporis dolores succum *Vettonica*, Id. l. 26. 11.
30. Lassitudinem discutit.
31. Pota colorem plumbeum corporis privatim emendat, gratiorémque reddit, Plin. l. 26. 11.

Capillus Veneris.

1. **N**OSTRA *Capillaris* cum sit domus optima gentis,
Me Patronam omnes constituere suam;
Pro cunctis voluere loqui: numerosa propago,
Nec Plantas inter *Fassio* parva sumus.
2. Et *Filices*, quarum est dominatio lata per agros,
Contingunt nostrum proximitate genus.
3. Quidam etiam ætherios hinc deduxere *Cometas*,
Junctaque cum *Superis* germina multa putant.
Sed *Consanguineos* libet haud agnoscere tales,
Odimus & mores turba benigna feros.
Funditur augurio noster meliore *Capillus*,
Et non de nihilo nomen *Amoris* habet.
Ipsa mihi multum scit se debere *Venustas*,
4. Ipse meis telis retia necit *Amor*.

- A me formosi lasciva volumina Crinis,
 Plaudentisque humeros umbra decora comæ.
 Me cole quisquis amat; lætam nutrire memento
 Cæsariem, & toto vertice tende plagas.
 At nudum sine honore caput, tritisque capillis
 Fannosum, inclusas quam malè jactat opes?
 Nimirum, teneræ nec credunt ista Puella,
 Nec curant; Oculis serviat omnis Amans.
 Sic Veneri (delector enim Cognomine Diva)
 Præsto operam (quamvis ipsa modesta) meam.
 Ipsa modesta quidem, contentaque simplice cultu:
 5. Rusticus en nullo flore superbit Apex.
 6. Sobria præcipue; nec dulcia Flumina libo,
 Nec fiunt labris Stagna minora meis.
 Propinat plantis cum Jupiter ipse salutem,
 Largaque cœlestis pocula fundit aquæ,
 Germina multa vides totum exhaurire liquorem,
 Et non civili proluere ora modo.
 Vitiferi credas habitantes litora Rheni
 Germanos festum concelebrare diem.
 Me pudet hoc; tactos foliis trepidantibus imbres
 Executio, & madidum sicca saluto Fovem.
 Non equidem invideo bibulis, nam læta viresco,
 Nec succum exhaurit Bruma vel ipsa meum.
 Me tamen immergunt Medici crudeliter undis,
 Cogor & invisio fusa liquore mori.
 7. Persequor Humores odio post fata perenni;
 Persequor: Humores & Cinis ipse fugat.
 Per Fecoris Splenisque vias Renūmque meatus
 Hostem ago: flumineâ labitur ille fugâ,
 Et multos prono secum vehit agmine Morbos,
 Horrida quæ falsis Monstra feruntur aquis.
 His Ego pro meritis poteram meruisse videri
 8. Vel Berenicæ altior ire Comis.
 Sed vertente polo recipit si Sidera Pontus,
 Plus mihi vel Cælis arida Terra placet.

1. *Capillus Veneris*, sic primò, ut arbitror, ab Apuleio nominatus ; nam *Plinius* Veteresque *Adiantum* appellant. Si *Plantis Πολυωνυμία* non sit minus honorifica quam *Diis* olim existimata est, profectò hæc nostra honoratissima est. Græcè dicitur Ἀδίαστος, Πολύτριχον, Καλλίτριχον, Ἐβενότριχον. Latine, *Capillus Veneris*, *Adiantum*, *Polytrichum*, *Callitrichum*, *Terræ Capillus*, *Cinnamalis*, *Capillaris*, *Crinita*, *supercilium Terræ*, *Coriandrum putei* ; Anglicè, *Maiden-haire*, *Venus-Haire*, *Our Ladies Hair*. Pluresque aliæ species ad hoc genus referri possunt : ut *ruta Muraria*, vel *Adiantum album* (*white Maiden-hair*) ; *Trichomanes*, quod raritati capillorum medetur (*English Maiden-hair*) ; & *Polytrichum aureum*, vel *Adiantum aureum*, vel *Muscus Capillaris*. Virtutes autem quæ ei attribuuntur etiam *Nominibus* longè numerosiores sunt, quarum pauca tantùm hîc delibantur.
2. *Ramuli* nigro colore nitent, *foliis Filicis*, ex quibus inferiora aspera & fusca sunt, *Plin. l. 22. 21.*
3. Propter communem nominis notationem.
4. Quidam *Callitrichon* vocant, alii *Polytrichon* ; utrumque ab effectu : tingit enim capillum, & ad hoc decoquitur in vino cum semine *Apii*, adjecto oleo copiosè, ut crispum densumque faciat : defluere autem prohibet, *Plin. Ib.*
5. Semper virescit, nunquam floret.
6. Aliud *Adianto* miraculum, æstate viret, brumâ non marcescit : *Aquas* respuit ; persusum mersumque secco simile est, tanta dissociatio deprehenditur, unde & nomen à *Græcis*, (nempe ὅτι ἔσθαι μέλας non madescit) alioqui frutici *Topiario*. *Umbrosas petras parietumque aspergines ac fontium maxime specus* sequitur, & saxa manantia ; quod mireretur, cum *aquas* non sentiat, *Plin. Ib.*
7. *Urinam* cient — Decoctum ex his prodest *suspiriosis*, & *jecinori*, & *licni*, & *felle suffusis*, & *Hydropicis* : *stranguria* illinuntur & renibus cum *absinthio* : *secundas* cient & *Menstrua*, *Plin. ib.*
8. Fuit hæc *Berenice* (nam plures eo nomine *Ægypti Regina* fuerunt) *Ptolemæi Philadelphi* & *Arfinoes filia*, quæ *Ptolemæo*

Ptolemaeus Evergeta fratri suo nupsit; qui cum paucis diebus à Nuptiis expeditionem in Asiam suscepisset, Berenice criminem se deconsuram vovit si salvus rediisset: cujus voti damnata abscissam comam in Templo Veneris consecravit: quæ cum postmodum non apparuisset, agrè id ferenti Ptolemaeo Conon Mathematicus (gratiam ejus captans) inter sidera relatum affirmavit, septem ei ad caudam Leonis stellas ostendens figurâ nominève non antea donatas. Vid. Eleg. Casul. de Comâ Berenices.

Salvia.

1. **S**alvia, quæ multis titulum Virtutibus implet,
Salvia, quam magni Vita beata facit;
2. Cum damnosa tuo fugiant oblivia dono,
Salvia, non possum non memor esse tui.
3. Mnemosyna charam celebrabunt jure Camæna;
Et non ingratas esse querere Deas.

Celso Monte super saxo circumdata Mentis
Stat Domus, & latè subdita membra videt.
Artifici fuerit dextrâ Fabricator oportet,
Nam Parva, at Mundi totius illa capax.
Hic sacra Spirituum glomeratur turba potentum,
Corporis humani proxima turba Deæ.
Concilium hic summis magnum de rebus habetur;
Discurritque frequens, itque reditque cohors.
Fervet opus, portusque vagum ruit omnibus agmen;
Candida nec Solis densior aura pluit.
Scilicet ætherios artus Bombycina vestit
Materies, rapidum nec remoratur iter.
Omnia sed longo labefacta labore fatiscunt,
Membræque perpetuum fortia frangit opus.
Sæpe etiam intentos operi passimque vagantes
Grassator duro devorat ore Calor.

Sæpe *Venus* toto prædatrix corpore raptos
Avehit, aut liquido mergit in igne *Merum*.

Indè graves sensus invadit plumbea *Pestis*,
Et glaciæ *Vitæ* munia *Torpor* iners.

Colluvies animam *Morborum* frigida inundat
Milite nudatam præfidiisque suis.

Indè tremunt nervis perterrita membra solutis,
Et nutat dubiè mox ruitura *Domus*.

Vix ori calices sitienti dextra vacillans
Ferre valet, trepidam ferre *Venena* pures.

Tum demum apparet quantum tu, *Salvia*, possis ;
Implorantque tuam digna pericla fidem.

Frigore vallatum densisque humoribus Hostem
Vividus obsessâ dejicit arce *Calor*.

Spiritibusque fatigatis certamine tanto
Spiritus afflatur te veniente *novus*.

Et nova *Vita* redit (liceat si dicere) *Vita*,
Corpore quæ jacuit penè sepulta suo.

4. Et nervis jam membra suis religata tenentur,
Nec *Fluctus Puppim* sed *Moderator* agit.

Cuncta tuo adventu stabilis : tam fortia quisquam
Crederet è *Fibris Vincula* facta tuis ?

Non fragili laxos solidas ferrumine dentes,
Cogis & alveolis ritè manere suis.

Ah ! nunquam ruat hoc tam pulchrum atque utile Vallum,
Nève suo cedat *Terminus* iste loco.

5. Lubrica tu firmas teneri primordia sætis,
Atque uteri fluxam non finis esse fidem.

Mors fera, parce, precor, *Vitam* anticipare vel ipsam :
Ut *Moriatur Homo*, Sit, precor, ille prius.

Ah nimiùm properas, siquidem in *Navalibus* ipsis
Naufragium faciat vix tabe cæta *Ratis*.

Parva quidem memoro. Tu coràm absentia sistis,
Nec tu *Præteritum* præterisse finis.

Sed fluidarum animo signas vestigia rerum,
Et non futilibus figis inusta notis.

Nè malè diluto fugiant pigmenta colore,
Tu prohibes Oleo mista perire tuo.

1. Nostri qui nunc sunt Herbarii Elelisphecon Græcè, Latine Salviā vocant, &c. Plin. lib. 22. 25. Sed puto Ἑλελίσφακον unam tantū speciem σφακῶ, i. Salvix, esse, fortè sylvestrem. Salvia cerebrum idcirco juvat & corroborat, quòd illi totius substantia similitudine familiaris sit, Fernel, Id. lib. 5. de Meth. Med. Salvia calida primo, sicca secundo: quæ angustiore folio, efficacior habetur; ea leniter astringit, & emanantem sanguinem cohibet, Ventriculū atque Cerebrum corroborat, torpentem appetentiam excitat; peculiariter autem Nervos firmat, eorūque vitiis omnibus medetur, in idque vires obtinet Castoreo finitimas.

2. Quia inter præcipua medicamenta habetur quæ Memoriam confirment.

3. Memoria, Musarum Matri meritò dicta.

4. Salvia confortat Nervos, manuumque tremorem
Tollit———

Salernitan. Iidem honorificentissimè de hâc herbâ, &, pro talibus Poëtis, etiam Poëticè, rogant,

Cur moriatur Homo cui Salvia crescit in horto?

5. Agrippa eam sacram herbam appellavit, & scripsit Leanas eam manducare ad partus facilitatem. Aërius dicit, Gravidæ Mulieres si fluidæque laxæque sint, eâ utilissimè vescuntur; nam Conceptum retinet, & vitalem reddit. Aiunt in Copto & Egypti post sævas pestilentias ab his qui supersuerunt ad ejus succum bibendum Mulieres coactas fuisse, plurimosque fructus inde productos, Heurnius.

Melissa.

1. I T E procul Cura, (nimium mihi Turba solalis)
Ite; venit Vari læta Melissa suo.

Lata

Lata venit, Sertisq; volens me cingit odoris :

Me cane (ait,) Merces ipsa Canentis ero.

Jamdudum insolito juvenescunt corda sereno :

Agnosco afflatum, nobilis Herba, tuum.

2. *Jure tuam frondem signaris imagine Cordis ;*

Te solet inter opes Cor numerare suas.

Vultibus impressum veluti Regalibus Aurum

Partis & Effigiem Principis ipsa geris.

Te fugiunt Pluvix, te Ventis & Nubila Mentis,

Auratúmque aperit pax inopina diem.

Nec Bacchus plus ipse juvat, cum rore superbo

Fervidus in venas purpureúsque fluit,

Dulcia mortalis portans obliuia sortis,

Spemque renidentem, Divitiásque breves.

Nescio quid plerumque bonis turbatur in illis,

Visus & impuro est surgere fonte Lepor.

Nec sævum occidit Bacchus, sed vulnerat Hostem ;

Viribus iratis fortior ille redit.

At tua lenè fluit, sine vi, sine fæce, Voluptas,

Nec pungunt Caudis Gaudia sæva suis ;

Nec nimium Melli vicinus Aculeus hæret :

3. *Blanda Melissa, tuas non imitaris Apes.*

O Munus cœleste datum mortalibus ægris !

O Numen, Cura si medicamen habes !

Infestant alix pestes, hæc possidet Orbem,

Hoc uno ægrotat quisquis ubique Malo.

Gaudeat innumeris & abundet Floribus ætas ;

Hæc Flores ipsos tingit Amarities.

Circumfert humana suum Natura Vencnum,

Atque opus Antidoto Vita habet ipsa tuo.

1. *Melissa, Meliphyllum Virg. Melissophyllum & Melittis*
Plin. quibusdam Apiastrum, quorum eadem omnibus origo
nominum, quod sit herba apibus gratissima. Citrargo etiam
dicitur, ab odore. Citrargo, quæ & Melissophyllum, calida sic-
câque recessu primo, demulcet quoque astram bilem ; con-
feret

fert ad timores & tristitias quæ occasione nullâ ex atrâ bile suscitantur, latâque facit somnia, simul quoque aliquantum deterget, Fern. Et idem alibi, Melissophyllum syncopen ex frigida causâ, mœrorem tristitiâque excutit. Rases (reserente Heurnio) ait, Melissa animi hilaritatem, coloris amœnitatem & jucunditatem, bonâque coctionem creat, & canitiem retardat. Quâ de causâ vino indi solet. Multis aliis facultatibus celebris est, sed hic de hac unâ agitur. Anglice Baume.

2. Qui Signaturas rerum consulantur, observant Melissa folia Cordis figuram referre.
3. Melissophyllo sive Melintide si perungantur alvearia, non fugiunt Apes; nullo enim magis gaudent flore: copiâ istius examina facillimè continentur. Idem præsentissimum est contra ictus earum vesparumque & arancorum, item Scorpionum, &c. Plin. lib. 21. cap. 20. Unde Virgil. alvearia eâ illini jubet;

— Huc tu iussos insperge saporés,
Trita Meliphylla & Cerinthæ ignobile gramen,
Gcorg. 4.

Cochlearia.

1. **E** S T Morbus, nomen Scorbuto Saxones induunt,
Arctoo latè qui populatur agros.
2. Felix barbaricum quæ ridet Gracia nomen !
Ah fœlix quod non cultius ipsa dedit !
Monstrum atrox ! nullum quo misit tetrius unquam
Prædatum in terras vindicis ira Dei.
3. Centum illi horribiles, centum (mirabile !) Formæ,
Bis centum armatas arbitror esse Manus.
Inter limosas Abdominis ille paludes,
Sulphureas inter nascitur Hydrus aquas.
Illum & Desidia, & nimii peperere Labores ;
Illum et Luxuries, & Dolor ipse parit.

Sæpe

Sæpe etiam *Febris* defunctæ sævior *Hares*,
 E *Cinere* & sicco proflit ille *Rogo*.
 Nascitur exiguus, faciliq; domabilis arte.
 Hei mihi ! quàm parvo tempore *Magnus* erit ?
 Sic stupet ingentem *Nilus Crocodilon* ab *Ovo*,
 Vix tantùm immerfis *Ipse stupendus* agris.
 Humore obsceno & salibus nutri-ur adultis ;
 Ipsi illum *Flatus*, atque alit ipse *Vapor*.
 Ille nec in *Cunis* tentat nihil *improbis Infans*,
 (*Desidia* ô *Proles desidiosa parùm* !)
Herculei citiùs non incepere *Labores* ;
Monstrorumque Hostis Monstra imitantur opus.
 Qui modò natus erat, jamdudum membra fatigat
 Insultans ; ipsa *lassa Quiete* labant,
 Et languent, paréntque *Anima* non læta moventi ;
 Nec nôrunt ubi sit, cùm sit ubique, *Dolor*.
 Pectore deducto vix æger anhelitus exit,
 Sanguine vix ripæ prætereunte tument ;
 Mox latè dat signa sui fidentior *Hostis*,
 Damna nec *Autorem* tanta latere sinunt.
 Tetra situ putri, fraudatæque dentibus *Ora*,
Mortis Odor scædus, *Mortis* ubique *Color* ;
 Nauseæque, & Vomitus, & clausi tormina *Ventris*,
 Et ferrugineis *Crura* inhonesta notis ;
 Offusæque *Animo Tenebræ*, *Sensûs*, ue ligati ;
 Quicquid & ut sibi sit *Vita* odiosa facit.

4. Hoc *Monstrum* mihi tale dedit *Natura* domandum,
 (Namque *Herbis* non est *Monstra* domare novum.)
 Sic *Taurum* vigilémque *Draconem* vicit *Iâson* ;
 Non memini *siccis* usus an *Ille* meis :
 Sed vicit, rediitque potitus *Virgine* & *Auro*.
 (*Eveniant Medicis* talia sæpe, precor.)
 Gaudebam quòd dura mihi provincia cessit :
 Quò major, certè *gratior Hostis* erat.

Ipsa (fatebor enim) capior dulcedine I. audis,
 Et juvat in Medicis nomen habere libris :
 Invidetque illis quas magni charta Galeni,
 Aut Cœi celebrant scripta verenda Senis.
 Invidit meritò Juvénis Pellæus Achilli :
 Dissimilis questûs nec mihi causa fuit.
 Cùmque aliæ Græco florent nomine Plantæ,
 (Nàmque honor in Græco nomine summus inest)
 5. Tunc ego litoribus crescebam inhonora Britannis.
 (Terra Britanna quidem tunc inhonora fuit)
 Crescebam infelix Gothici procul accola Ponti,
 Nec fuerat foliis vilior Alga meis.
 Nunc decet obscuræ damnum deformæ Juvēta,
 Tam longas Fama nunc reparare moras
 Et decet, & facio : nunc inclyta gloria nostri est,
 Et nota in terris omnibus Herba legor.
 Quis meruisse negat, cùm nostro Marte Tyrannus
 Vincitur Arctoo qui vagus orbe furit ?
 Dicite Io Paan ! ter Io sonet ultima Thule,
 Ter resonent Gothici litora vasta Maris !
 Ille ferox Morbus manibus post terga revinctis,
 (Dicite Io !) currus ducitur ante meos.

1. Cochlearia à figurâ Cochlearis nomen mutuatur, peculiari-
 ter Scorbuto dicata, & providentiâ Divinâ in iis regionibus
 abundè crescens ubi hic Morbus grassatur. Quædam inferiori
 Saxonia incolæ Scorbock, aut Scorbuck, à torminibus ven-
 tris appellant, unde Nomen Scorbuti. Angl. Scurvy, & herba
 Scurvy-grasse.

2. Licet Græcis innotuisse videatur hic Morbus, nam cum
 exatè describit Hippocrates in Lienis morbis ; tamen ita in-
 frequens fuit in Graciâ, ut proprium ac peculiare nomen
 nullum nactus sit.

3. Tanta morborum & symptomatum sarrago in hoc morbo
 concurrir, ut vix alius sit tam πολύμορφος, & qui sub
 morborum

morbis speciebus latet. Sennertus eum autem sic definit :
Est prava quadam corporis nutritio vel Cachexia ab humore
melancholico peculiari modo corrupto orta, conjunctam habens
crurum debilitatem & maculas, gingivas tumidas & san-
guinolentas, dentium laxitatem, & plura alia symptomata.

4. Cochlearia facile primas inter ista medicamenta tenet, &
malo huic peculiariter adversatur, ut longa experientia do-
cuit; Sale enim volatili acri cum amaritudine conjuncta
abundat, unde aperit, penetrat, crudos illos & crassos humores
volatiles reddit, discutit, per urinam & sudores expurgat,
viscera roborat, Id.

5. Eadem esse creditur à quibusdam ac Britannica Plinii,
quod abunde in hac Insula nostra crescat.

Cassythia.

1. **N** E C Folium, Cassythia, tibi est, nec Caulis egenus,
Nec Radix? Vita pensilis ortus ubi est?

Tota quidem Magica es: nec jam Miracula miror

Plurima quæ facias; grandius ipsa mihi es.

Herbarum ut capias vires, tua Retia Temet

Tendis, Venatrix & simul ipsa Plaga.

O animatum *Ænigma*! tuæ mysteria plantæ

Qui cantu celebret Vale opus Oedipode est.

Non tu vicinas sine causâ amplecteris herbas,

Cum tibi sint Corpus Brachia sola tuum.

Stamina larga quidem tibi nent vitalia Paræ:

Sed nec Subiegmē, Tela nec ulla datur.

Fallor? an hinc gaudes Filum præbentia Lina

Non scrutabilibus complicuissē modis?

O bene dilectæ Conjux fidissima Plantæ!

Quo nullum exemplum clarius edit Amor.

Jam pudeat lascivam Hedera memorare, Cupido:

Illius amplexus sola Libido facit.

Corpore perfruitur placito : Divortia rebus
 Apparent aliis ; Res habet illa suas.
 Sunt vires frondésque alix, nec Fructus & ipse,
 Testis Adulterii, Conjugis ora retent.
 Et Radix aliis satiatur libera succi,

2. Et vel adhuc nomen Nuptia Parentis habet.
 At bona de solo pendet Cassytha Marito ;
 Nil habet illa suum, sed nec habere velit.
 Illius & succo nutritam, & Siphone sultam,
 Et folio ornatam se putat esse satis.
3. Gaudet & illius quodcumque est sumere Nomen,
 Et fieri cunctis una eadéque modis.
4. 5. Tali animo Alceste fuit, & Capaneia Conjux,
 Et paucæ eximius quæ celebravit Amor.
 Et puto te, Cassytha, mori pro Conjuge Lino
 Velle ; sed eveniant prosperiora tibi.
 Hic Viventis Amor ; claram post funera reddit
 Altius humane Nomen Amicitia
6. Quam Fecori præstas Splenique si eliter ægro,
 Quos recreas victos obsidióque levas.
 Unde, precor, tantas tantillo in corpore vires,
 Unde, precor, Planta pauperis Uxor, habes ?
 Quis fore crediderit Jecur ut Medicamine tali,
 Tam miserâ tantum Viscus egeret ope ?
 Utere vel Minimis : ne e dedignare superbus
 Quod servant homines Parva ; Minora necant.

1. Καρύδα (quæ veteribus Græcis ignota) à καρύω Com
 suo, quia quasi filis quibusdam herbas implicat; unde & Epi
 linum (quæ maximè celebris est Cassytha species) vocatur 2.
 Ανόδοτος, Vinculum Lini. In officinis Cuscuta dicitur
 Angl. Dodder. Cassytha primo ordine calida, sicca secunda
 amaroris astringentisque particeps, Melancholiam tum herbi
 tum semine propriè insidit atque detergit, obstructum Lini
 nem expedit, deinde & Jecur, arquatúmque nigrum
 febris, lentas diurnasque pellit, quandoquidem venas om
 niáque

niâque vasa à putridis humoribus expurgat, servato Ventriculi & reliquorum viscerum robore, Fernel.

2. Neque enim nomen mutuatur ab arbore quam amplexatur, sed ubique nomen Hederae retinet, quod Cuscuta non facit.
3. Quae Thymo se implicat Epithymum vocatur, quae Thymbra Epithymbrum, quae Urtica Epiurtica, quae Rubo Epirubus, &c. nec tantum nomen adsciscit planta cui inhaeret, sed & virtutes ejus participat.
4. Cum Apollo à fatiis impetrasset ut Admeto Regi produceretur vitæ terminus, siquis pro eo diem obire veller, Uxor Alceste conditionem accepit, vicemque ejus ipsa subiit.
5. Evadne Martis & Thebes filia, quae sese in mariti sui rogam projecit.

Turbine quo sese charis projecit audax
Ignibus Evadne, fulmenque in pectore toto
Quæserit —————

Statius.

6. Hepatis & Lienis infarctus expedit, usam ex bile melancholicam eluit, &c. Heurnius.

Absinthium.

1. **I**Nfaustum Pueris & detestabile germen
Credor, & à Furiis Persephonêque legi.
Insanire putant Medicum, vel ludere certè,
In me si succum dicat inesse bonum.
Sed neque famineo scio me placuisse palato,
2. Multa licet Sexus debeat ille mihi.
Et puto vix paucis tristem arridere saporem :
Hei mihi, quàm paucos Jupiter æquus amat !
Dulcia sola placent ; sed dulcia quantus amaror
Consequitur, serò post sua damna vident.
Longa Voluptatis subeunt fastidia curæ,
Dilectæque nimis Nausea scæda dapis,

- Dat stomacho pœnas, quem læserat antè, Palatum ;
 Odit & optatos, cùm rediere, Cibus.
3. Tum gravis inferno spirare *Mephitis* ab orbe,
 Mœstâque *Lernaus* surgere in ora Vapor :
 Tunc primùm succos non fastidire *severos*,
 Tunc & *Amariticum* dissimulare meam.
4. Nec frustra ingredior stomachum, nec inutilis Hospes ;
 Sed fero præsentem, Numinis instar, opem.
 Non aliter *Solem* recreor sentire tepentem,
 Cùm mihi post hyemis frigora longa venit.
 Illic sæpe mihi *Stabulum* purgare nefandum,
5. Et libet *Herculei* ferre laboris opus.
 Pondere discusso repetit sua munia lætus,
 Et vivo Stomachus percoquit igne cibos.
Purpureamque avido *Tincturam* devorat ore,
 Nec venis operam dat *Chylus* ille gravem.
 Paulatim roseum depingit gratia vultum,
 Purgato roseus spirat ab ore vapor.
 Quid præstet mea planta boni *Venus* ipsa fatetur ;
 Nec *Dea* tam dulcis *Dulcia* sola probat.
 Illa meis prudens aspergit gaudia succis,
6. Et cum *Latitiis* miscet *Amara* suis.
 Scindimur *herbosa* studia in contraria *Gentes*,
 Atque habet *Authores* *Factio* quæque suos.
 Sunt quæ defendunt *Epicuri* dogmata *Plantæ*,
 Quæque *Voluptatis* læve sequuntur iter,
 Et gaudent dulces populariter edere *Fructus*,
 Et cingunt lætum *floreæ* sarta caput.
 At pars *Zenonis* rigidam colit altera *Sectam*,
 Virtutumque ferax & malè culta cohors :
 Nec pompas amat aut vana oblectamina sensû ;
 Fecisse officium, non *Placuisse*, juvat.
 Et nulla in terris magis est me *Stoica* planta,
 Cauliculo fulta est *Porticus* ipsa meo.
Delescent aliz, nostra est *Prodesse* *Voluptas* :
 Gratia tarda quidem, sed mihi longa venit.

Utilis est *Censor* corruptæ asperrimus Urbi :

Talis Ego, & talis tu, *Cato* noster, eras.

Nec feritate tamen nec vindice fulminor irâ ;

Prudentem *Irasci* cùm *Schola* nostra veter,

Nulla magis nostris compesco crimina regnis,

7. Et fugit aspectum *Bilis* amara meum.

Me simul ac videt ingressam stomachoque receptam

Acria non humili bella parare modo,

Nec Venis nec mille remotis ausa latebris

Fidere, postico territa quærit iter.

Et sequor & fugienti insto ; Vestigia fumant,

Et via fervet adhuc quâ ferus hostis abit.

Nec minùs undantes exhaurio corpore fluctus,

Advena *Diluvium* cùm meditatur *Hyems*.

Nec magis obscænas *Belga* exsiccare paludes,

Aut cursum obstantis vertere doctus aquæ.

Sæpe etiam obstructis Renum canalibus arctis

Ad Fontes refluunt *Flumina* salsa suos.

Prodigium infelix ! vicinis undique membris

Turbatur, totis & trepidatur agris.

Quid vos ignavæ (sic increpo) sistitis undæ ?

Mecum ite, en vobis rumpere claustra paro.

Rumpo ; patent ; notasque suus vehit alveus undas :

Lætantur magno membra levata metu.

8. *Cannibales* toto pello de corpore *Vermes* ;

Iustaque cum scædâ prælia gente gero.

Vermis edax, certus post funera corporis hæres,

Differ adhuc epulas (nec mora longa) tuas.

Visceribus gens illa ferox pinguescere gaudet

Infantum, & tenero læta cruore tumet.

Expectare piget donec *Mors* præparet elcas :

Præripiunt avidâ sercula cruda fame.

Quid de *Pulicibus* ? vita salientia *Puncta*,

Pulvereosque hostes enumerare piget.

Vix mihi majores vacat enumerare triumphos,

Et latitant numero multa *Trophæa* suo.

- Sæpe *vagum* toto dispergitur æthere *Lethum*,
 Atque *Elementa* terox occupat ipsa *Lues* ;
 Egrotat *Tellus*, egrotat luridus *Aer*,
 Egrotant alveis *Flumina* leata suis :
 Et miseros vastis *Mors una* amplectitur ulnis ;
Vitalis Vitam (quis putet ?) *Aura* rapit.
 Auxilia in tantis Numen non pauca periclis,
 Nec minimum è multis *me* dedit *Auxilium*.
 Et sæpe una seror (nec sum quoque maxima) planta
Bella Elementorum sustinuisse trium.
 Non igitur frustra, nec, credo, sine *Omine* sacro,
 Cuncta subacturæ Genti in honore fui.
9. Ipse triumphalem *Victor Certaminis* haustum
 Germinede nostro (præ:nia magna) tulit.
 Nobilibusque tenens spumantia pocula guttis,
 Clamavit, *Mercēs ista* valere dabit.
 Nec quod sit gustu minis illa placebit amaro ;
 Per quem jam *Vici* sic *Labor* ipse fuit.
1. *Absinthii* genera sunt plura : *Santonicum* appellatur à
Gallia civitate, *Ponticum* à *Ponto*, ubi pecora pinguescunt
 eo, atque ob id sine felle reperiuntur ; neque aliud præstantius,
 multoque *Italico* amarior : sed *Medulla Pontici* dulcis. De
 usu ejus convenit dicere, herba facillima atque inter paucas
 utilissima, &c. *Plin. lib. 27. 7.* ubi totum caput enumeran-
 dis ejus virtutibus impendit. *Fernel.* breviter in hunc modum :
Absinthium calidum primo gradu, siccum secundo, astrin-
 gens, amarum & acre, excelsaciens pariter & detergens,
 roborans & desiccans : ejus decoctum stomachum corroborat,
 bilem ejusque inhærentem pituitam detergit, vacuatque rum
 per alvum rum per urinas. Hinc morbo regio correptos sa-
 nat, malaciam stomachi & inflationes discutit, appetitum
 excitat, nauseam arceat, lumbricos pellit. *Coma*, folia & se-
 men usurpantur ; sed succus stomacho insensus, &c.
2. *Urinam* ac *Menses* cient tres quatuorve ramuli cum *Gal-
 lici Nardi radice* una cyathis aqua sex — *Menses* priva-
 tim

tim cum melle sumptum & in vellere appositum, Plin. Ib.
Abstergit etiam uterum,

3. Putor ex corruptis aquis.

4. Astringit stomachum, bilēque detrahit — Malaciam stomachi & inflationes discutit cum Sili & Nardo Gallico, aceto exiguo addito — Fastidia abstergit, concoctiones adjuvat, cruditates detrahit, cum ruta & pipere & sale — Stomachum corroborat, & ob hoc super ejus in vina transfertur, Plin. Ib.

5. Qui Augia stabulum purgavit.

6. — Non est Dea nescia nostri

Quæ dulcem curis miscet Amaritiem,
Catul.

7. Absinthium quod in venis biliosum est per urinas expurgat, Fernel.

8. Ventrīs animalia pellit, Plin. Ib. unde & Anglice nomen obtinet.

9. Sacris Pop. Romani celebratur peculiariter : siquidem Latinarum Feriis quadriga certant in Capitolio, Victōrque Absinthium bibit. Credo sanitatem pramio dari honorificè attributis majoribus, Plin. Ib.

Nymphæa.

1. **N**um me cœnosa contentam habitare paludes,
Et mistam plebi spernis Arundinea?
Non ego de Vulgo viridi, neque Filia Terra;
Incolo cognatas nobilis hospes aquas.
Nympha fui, Dea postremæ non infima classis;
Venit Amor; quid tum profuit esse Deam?
Flammipotens jubet Ille: accendor in Hercule viso,
Tōtque Triumphorum pars Dea parva fui.
Mirabar famam Herois, fulgentiæque acta,
Membræque mirabar vel Pare digna Jove.

Et

Et me paulatim subiit scelerata cupido,
Ferre Virum torum qui tulit ipse *Polum*.
 Verum equidem fatear, *Noctem* mirabar & illam
 Quinquaginta Animas quâ genuisse ferunt,
 Nunc pudet, atque *Herbæ* tam scedos odimus actus :
 Sed fuit eximix *Nox* ea *Nequitia*.
 Ille meos (quid multa ?) ferus decerpfit honores,
 Ille mea *Florem Virginitatis* habet.
 At vagus ille *Fovem* fallus levitate *Parentem*,
 Noluit unius tædia ferre tori.
Monstra subacturus, *pejorâque Monstra Tyrannos*,
 Percurrit *Vindex* sedulus omne solum.
 Sed semper *Monstri* *Merces* fit *Virgo* subacti,
 Sed semper *Natas* ille *Tyrannus* habet.
 Fœmineûmque genus mihi jam pro *Pellice* totum est,
 Nec caruere ipsæ suspicione *Deæ*.
 Nè valeam, sed & has mihi *Sirius* hauriat undas,
 Et possim exusta sicca palude mori,
Funonis nomen fuerim nisi torta per ipsum,
 Crediderimque Odium ni simulare tuum :
 Forsan & ille meos (dixi) jam ridet amores,
 Pellicibûsque feror *Fabula* læta meis.
 Vexant ira, dolor, pudor, indignatio mentem ;
 His tamen invitis omnibus hæret *Amor*.
 Visum est æterni nisi solâ morte doloris,
 Ad finem certâ quærere morte viam.
 Fata obstant, sors obstat *Amantûm* dura *Dearum*;
Infinitem urget *Vita* *perennis* onus.
 Interea lacrymas fundo noctemque diemque,
 Hâc mihi *Clepsydrâ* tempora longa fluunt.
 Fit *Lacus* è denso tandem mirabilis imbie,
 Et collecta meos alluit unda pedes.
 Siqua fides (magni quæ gloria tetra doloris)
 Gaudebam *Luctûs* fertilitate mei.
 At tandem ætheriis serò miseratus ab oris
Jupiter, Ipsa tuas incole, dixit, aquas.

Jussit abire *Dea* macro de corpore formam :

Iussa abiit ; multum dempsērat antè Dolor.

2. Descendite terram *Radix nodosa* sub altam,
Et nimium *Clava* me meminisse facit.
Perpetuumque bibunt folia insatiata liquorem,
Ad Dominam lacrymæ jam rediere suam.
3. Candor adhuc veterisque manent vestigia formæ,
Pallor adhuc nostro pristinus ore sedet.
Nunc equidem totos dego genialiter annos.
Crede mihi, *Planta* turba beata sumus.
Nos sapimus melius *Solem* & cœlestia dona ;
Nos *Zephyri* mulcent & tepida aura fover.
Nectaros nobis calices *Aurora* ministrat,
Ambrosias nullo terra labore dapes.
Certè hominum miseret, quos mille incommoda vitæ,
Et ferus exercet, *Maxima pestis*, *Amor*.
Non ignara mali, veterumve oblita dolorum,
4. Extinguo *Flammæ*, sæve *Cupido*, tuas.
Victoremque meum tandem vicisse triumpho.
Injusta has justum est *Regna* subire vices.
Nè te mireris victæ cessisse, *Cupido*,
Me meus *Alcides* vincere *Monstra* docet.
Et nè fortè tuo credas, *Hilarissimè Nequam*,
Non nisi *Deformes* posse carere jugo ;
5. Ipsius & Vultus nostræ medicamen in herbâ est,
Et se formosam spontè pudica videt.
Et faciem *Veneris* tribuo morēsque *Diana*,
Atque in Tutelâ *Numen* utrumque meâ est.
Sed nè fortè suas alieno nomine *Flammæ*
Occulter sævus (nec caret arte) *Deus* ;
6. Institui nullos non debellare calores :
Odi omnes ; Hostem me *Calor* omnis habet.
Seu furialis, urî superâ in regione *Cometes*,
Occupet insanum flamma inimica Caput ;
Seu vaga perrumpat Ventrîs fornacibus imi,
Et fumos corpus spargat in omne suos ;

Seu *Phlegetontas* accendat sulphure Venas,
 Seu stringat summam mitior illa cutim :
 Qualiscunque meis metuit concurrere succis,
 Përque poros omnes exanimata fugit.
 Quid nictas ? quid dimidio me lumine spectas ?
 Sentio, vim Radix nostra *Soporis* habet.
 Et putò tam longus Somnos inducere possit
 (Si vis illa absit) Sermo. Viator, abi.

1. *Nymphaea Heraclia* Plin. *Mater Heraclana* Apuleio, aliis *Alga palustris*, *Papaver palustre*, *Clavus Veneris*, in officinis aliquando *Nenuphar*, Anglicè *Water-Lily*. *Nymphaea* nata traditur à *Nymphâ Zelotypiâ* ergà *Herculem* mortuâ, quare *Heraclion* vocant; aliqui *Rhopalon*, à radice *Clava* simili, &c. Plin. l. 25. 7. Nescio quâ autoritate ductus *Calepinus* hanc *Nympham Dejaniram* fuisse asserit, sic enim ait, Quod *Dejanira* audiens, (nempe mortem *Herculis*, cujus ipsa autor innocens fuit) dolore percita *Herculis Clavâ* se interfecit, ex cujus sanguine postea nata est herba qua *Nymphaea* & *Heraclion* dicitur. Hac ille; quem secutus non sum, cum quòd *Ovidius*, cum mortem *Herculis* narrat, istius fabula non meminit, tum quòd vix satis convenire cum *Plinii* verbis videatur: nam *Dejanira* neque propriè *Nympha* appellari potest; neque *Zelotypiâ*, sed dolore mortua est. Utcunque se res habet, licere mihi existimavi fabulam pro voluntate meâ concinnare.
2. *Marcellus* eam *Clavam Herculis* appellat.
3. Duo sunt genera, quorum unus flos luteus, alterius candidus est.
4. Eos qui biberint eam duodecim diebus coitu genituraque privari, Plin. ib. *Venerem* in totum adimit *Nymphaea Heraclia* semel pota in quadraginta dies. *Insomnia* quoque *Veneris* à jejuno pota & in cibo sumpta. Illita quoque radix genitalibus inhibet non solum *Venerem*, sed affluentiam genitura; ob id corpus alere vocemque dicitur, Plin.
5. Illita maculas omnes & vitia tollit ——— *Alopecias* emendat

emendat *Nymphae* & *Cicuta* radix, si una trita illinantur, id.

6. *Nymphae* tota refrigerat ordine secundo, ejus radix atque semen exiccat, flos humectat; isque naribus ac fronti admotus, capitis ex bile dolorem lenit, somnum conciliat, sumptusque omnem extinguit ardorem, Fernel.

Asplenium.

1. **N**EC Caulem Natura mihi, nec Floris honorem,
Nec mihi vel Semen dura Noverca dedit,
Nec me Sole fover, nec cultis crescere in Hortis
Concessum, & Foliis gratia nulla meis.
Herba invisâ Deis poteram cœloque videri,
Et spurio Terræ nata Puerperio.
Gens hominum specie rerum captatur inani,
Atque Oculis Mentem tradit inepta suis:
Pauperibusque Horti nunquam patet area plantis;
Scilicet his regnat picta Tulippa locis.
Non ita Dii: Phœbus me præfert mille Tulippis,
Et Cœus Phœbo proximus arte Senex.
Nam cum Membra suis divisit finibus Autor,
Imperiûmque Herbis certaque regna dedit,
Tum mihi præ reliquis Provincia dura tributa est,
2. Moribus ille ferox indomitûsque Lien.
Comprimo luctantem, sævôque humore tumentem.
Aggeribus crebris obstruit ille vias,
Nequicquam; perrumpo aditus, commercia reddo,
Et via per Splenem libera tota pater.
Ni faciam, sine more furit, dirûmque vaporem
Victor & horribilem spargit ubique luem:
Purpureos Anima crudeliter inficit Amnes,
Dêque Venenato Flumine Vita bibit;
Et summa immundi depascunt corpora morbi,
Et facies Lethi concolor Omen habet.

Hinc

Hinc lacrymæ curæque malæ vigilæque labores,
 Et dolor, & præcox Carnificina Metus :
 Hinc Laquei deformis Amor, præreptæque Fato
 Mors placet ; hinc vitæ tædia longa brevis.
 Monstra pæx, precor, avertat tam turpia genti
 Jupiter, atque Herbæ vis operosa meæ.
 Non malè Trajanus Fisco assimilare Lienem
 Consuevit ; Corpus, cùm tumet ille, macrum est.
 Quid rides ? num Romana quod nescia non sim
 Historia ? Stipes, non ego Planta forem ;
 Tempore tam longo si tot Doctoribus usa,
 A tantis possem nil didicisse Viris.

Et didici, & proferre tibi miracula possem
 Plurima ; sed nunquam garrula planta fui.
 Propositum ut repetam ; Multis animalibus ipsa
 Immodici absumo triste Lienis onus.

3. Creta quidem Mendax, sed & illi credite, grates
 De Porcis referat cùm mihi Creta suis.
 Splene tumente gravis durisque laboribus impar,
 Implorat nostram pauper Asellus opem.
 Ille meâ pastus (miseret nam Pauperis) herbâ,
 Assuetum repetit lætus & acer opus.
 I nunc & vanos Florum mirare colores,
 Deliciasque breves, Purpureâmq; fugam.
 Formosi lætisque virent (quis denegat ?) illi ;
 Nos tristes Formam Lasciviâque damus.

1. Asplenium multis nominibus notescit. Græcè Ἀσπλήνιον
 (quod splenem diminuat) Σπλήνιον, Σκολοπένδριον,
 (propter similitudinem Scolopendra vermis) Ἡμίονιον, &
 Theophr. Πτέρυξ (quod ex filicum genere videatur esse)
 Lat. Splenium, Scolopendrium, Scolopendra, Mala Herba,
 & Ceterach pharmacopolis. Anglicè Spleen-wort, Milt-wast.
 Asplenium sunt qui Hemionium vocant, foliis trientalibus
 multis, radice limosâ, cavernosâ sicut filicis, candidâ, hir-
 sutâ. Nec Caulem nec Florem nec Semen habet. Nasceitur

in petris parietibusque opacis, humidis ; laudatissima in Cretâ, Plin. lib. 27. 5.

2. Hujus foliorum jure in aceto decocto per dies quadraginta pote Licnem absumi aiunt, Ib. Ille dubitanter ; audaciùs Fernel. Nullâ saporis insuavitate folio solo Lienem diebus quadraginta absumit, sedâmq; ex obstructione colorem detergit, atque calculos etiam in vesicâ comminuit. Et alibi, Syrupus Scolopendrii crassam terrenâmq; Melancholiam extenuat, mollit, fluxâmq; reddit, Lienem obstructione liberat, tumentemque solvit ; Melancholia, quartanis diuturnis-que febribus apprimè utilis.
3. Vitruvius ait in Cretâ, ubi magnâ copiâ nascitur Asplenium, Porcos ἀσπληνας, i. e. sine splene, inveniri. Dicuntur & Asini splene laborantes eodem sese curare.

Lactuca.

1. **A**ngustum sanâsse olim quod diceris ægrum,
Quidam inter laudes hoc posuere tuas.
Nasone infamem pulso & Cicerone necato
Certè ego te nollem restituisse Virum.
Sed puto tu neutrum nôsti, Mundi que Tyranno
Non miror si sis gratificata libens.
Utilis ipsa quidem es cunctis Medicina Tyrannis ;
Et rabies sacro frigore tacta fugit.
Cinge, precor, Caput illorum meliore Coronâ,
Inque illis Mundo, si potes, asser opem.
Ipse tuo quondam jussu de corde perusto,
Ipse Tyrannorum Maximus exit Amor :
Falsus Amor ; neque enim tentas expellere Verum,
Qui titulum justî Regis amandus habet.
Invisus merito est tibi Sirius ille Cupido,
Qui necat Igne Herbas, & fera Monstra parit.

Eadem.

Eadem.

Adde Oleum Panemque mihi, nec deinde queraris
 Pauperiem astivis mensibus esse gravem.
 Has epulas habuit teneri Gens aurea mundi,
 Et Cœna ingentis tunc Caput ipsa sui.
 Semideumque meo creverunt corpora succo,
 Materiam tanti sanguinis ille dedit.
 Tunc neque fraus nota est, neque vis, neque fœda libello:
 Hæc nimii proles sæva Caloris erat.
 Sit sacrum illorum, sit detestabile nomen,
 Qui primi Servæ regna dedere Gula.
 Hinc vitiiis patefacta via est, Morbisque secutis
 Se Lethi facies exeruere novæ.
 Ah! fuge crudeles Animantium sanguine mensas,
 Quasque tibi opsonat Mors inimica dapes.
 Posces tandem Eger, si Sanus negligis, Herbas.
 Esse Cibus nequeunt? at Medicamen erunt.

1. Divus certè Augustus Lactucâ conservatus in æritudine fertur prudentiâ Musa Medici, Plin. lib. 19. 8.
2. Lactuca tum admota tum sumpta cum cibo acres demulcet humores, desipientiam sedat, vaporisque suavitate somnum conciliat, idque blandè & citra offensionem ullam, Fernel. Et alibi, Frigida est initio tertii, humida secundo, idque simpliciter, citra asfrictionem aut ullius qualitatis excessum, crudâque estur; aquæ frigida modo refrigerat, ventriculi & prae cordiorum astum compescit, bilem servidiorémque sanguinem frangat: neque tamen ut aqua emollit, aut ventriculi prae cordiorumve robur solvit; sed nullâ offensione pro succo servido temperatorem proferit, eumque benignum ac probum. Eâ temperatione somnum accersit, Veneris insomnia coërcet; ad quæ etiam ejus semen usurpari solet.
3. Quidam Eunuchion vocant, quia hæc maximè refragetur Veneri.

Veneri. Est quidem naturâ omnibus refrigeratrix — Pecul-
liares earum vires somnum faciendi, *Veneremque* inhibendi,
astum refrigerandi, stomachum purgandi, sanguinem au-
gendi, &c. Semine trito ex vino poso libidinum imaginationes
in somno compesci, Plin.

Euphrasia.

Ingredere, ô, *Oculos*, Hospes dulcissima, nostros ;
Ingredere, & *Vati* grata medere tuo :
Si bene de vobis merui, si carmine in isto
Plantarum stabili *Flore* perennat honos.
Talibus orabam recubans in gramine mœstus,
Cum subito ad nostros astitit illa pedes.
Mirabar *Funginum* ortum tam nobilis *Herba* ;
Nam nec eam vidi, nec, puto, ibi antè fuit.
Dodrantalis erat fusco velamine *Caulis* :
Crênatæ frondes subviridèsque tegunt.
Stipite de medio lepidè *Flos* emicat albus,
Quem flavi tractus purpurei que striant.
Agnosco *Euphrasiam* bello cum nomine bellam ;
Patronæ arrident *Lumina* læta suæ.
Prodigium, ecce, novum ! mihi *Flore* & stipite toto
Annuir, & *viridi* talia voce refert,
Submissè ; namque est *Herbis* mos ille *modestis*,
Nec rauca *Arboræa* murmura gentis amant.
Florentis Vates (sic incipit) *Unice Mundi*,
Fortia frondosæ qui canis acta domûs,
Non cuivis voces *Herbarum* audire tributum est :
Hoc tibi *Planticolâ* pro pietate datur.
Non *Hominum* ingratos imitamur *Germina* mores,
Queis *Vatum* æternus nullo in honore labor.
Vellem equidem *Radix* possit tibi nostra mederi ;
Nec dubium est *Cives* hoc quoque velle meas.

- At si *Natura* culpa immedicabilis obstat,
 Heu ! n'bil *Herbarum* natio tota juvat.
Natura nobis haud iussa infringere fas est :
Servimus ; *Domina* est ; quod libet illa facit.
 Gaule si qua dedit, nè irascere si qua negavit :
 Crede mihi, parca est illa benigna manu.
 Sed cum debilitat *Morbi* vis improba *Visum*,
 Aut *Vinum*, aut cæcus, *Luminis* olor, *Amor*,
 Aut *crapula*, aut curæ vigiles, aut putridus aër,
 Aut quæ præterea millia multa nocent ;
 Tunc *Ego* non frustra poscor : quot fundimus hostes,
 Quas serimus pugnas si numerare velis,
 Antè bonus versâ me proluet *Hesperus* urnâ,
 Et requietuos *Nectare* pascet agros.
2. Sæpe ferox *Capitis* decurrit vertice *Flumen*,
 Et se falsum *Oculi dulcibus* addit aquis.
 Qui solet esse alibi lacrymarum fertilis autor,
 Hic *Dolor* à *Lacrymis* nascitur ipse suis.
3. Sæpe rument albæ peregrino sanguine *Venæ*,
 Et domus accensa est *Hospitis* igne novi.
 Ah ! cave nè subito parvi *Sol* occidat *Orbis*,
 Lumine sanguineo cum furiale rubet.
4. Sæpe obversantur *Fumi Muscæ*que vagantes,
 Et nebulas inter ludicra *Monstra* volant.
 Fume, quid hîc facias ? nullos propè cernimus *Ignes* :
 Quidve (malum !) hîc sibimet *Musca* molesta velit ?
5. Sæpe *Nivis falsa* obruitur caligine *Visus*,
 Atque induta *Albam* *Nox* venit ipsa *togam* ;
 Distantumque olim simulachra fidelia rerum
 Sæpe alio, nullo sæpe colore micant.
- 6.7. Quid memorem *Ægilopas* & *Carcinnotata* fœda,
 8.9. *Phlyctanâs*que gravæ, aut *Epicauma* ferox ?
 Innumerasque ipso metuendas nomine pestes ?
 Et re cui *Nomen Fistula* dulce nimis ?
10. Hæc *Ego* cuncta domo : quâcunque iter æthera purgo ;
 Nubila diffugiunt, subsequiturque dies,

Et ridet lætus diffuso lumine vultus.

Quantum, ô, Lætities illa decoris habet ?

11. Scis nostrum *Arnoldum* (si *Arnoldum* legeris unquam)

Vel *Cæcos* opibus restituisse meis:

Restituit certè, & mer multum cognita virtus

Prodigio in tanto debet habere fidem.

Ille quidem foliis (bene miscens utile dulci)

Tingere *Vina* jubet (*Tingite Vina*) meis.

Illa dabunt verè tibi *Lucem* & *Pocula sacra* ;

Illa dabunt *Munus Lætitiamque Dei*.

Illa puer trullâ fundat tibi *vina capaci* ;

Posce, & *Amicarum Nomina* tota bibe.

Et, *Bene vos Oculi*, dicas, *Oculisque propines* ;

Illi (crede mihi) *pocula nostra bibent*.

Sed nimium cessamus : *Abi* ; non immemor esto ;

Et mea victuro carmine dicta refer.

Dixit, & avertens festina evanuit *Herba*.

Lector, habes verâ dicta relata fide.

1. *Anglicè* Eye-bright. *Veteribus ignota erat. Herba Oculorum usibus, isque (quod sciamus) solis à Naturâ destinata : eos autem mirificè & super alia omnia juvans.*

2. *Epiphora, sive salus & acris humor è vertice & sinapite lacrymarum specie defluens.*

3. *Ophthalmia, sive Lippitudo Celso; Inflammatio adnata tunica à sanguine acris & bilioso orta, cum rubore, ardore & lacrymis, & magnâ distensione Venarum.*

4. *Suffusio, ὀφθαλμία, Humoris præter naturam vel in pupillâ vel inter Rhagoidem Tunicam & Crystallinum humorem concretio. Principio Fumi tantum & vapores obversari ante oculos videntur ; postea Musca & alia simulacra, pro diversâ figurâ suffusionis.*

5. *Leucoma, Albugo, alba macula in Corneâ, tandem totam occupans & obsecans.*

6. *Tumor inter majorem oculi angulum & radicem nasi, qui nondum ruptus Anchilops vocatur, ruptus Ægilops.*

D 2

Carcinomata,

7. *Carcinomata, Cancri, tumores duri, inaequales, cum dolore (quo distinguuntur à Schirris) ab airâ bile nati, qui aliquando in ipso oculo oriuntur.*
8. *Vesica parva aquâ plenâ ab acri & seroso humore orta, à ferventis aqua bullis, quæ φλύκταινας vocantur, similitudinis causâ nominata, quæ in corneâ & adnatâ tunicâ frequenter ebulliunt.*
9. *Vclut ex igne facta crustulosa ulceratio nigro oculi adveniens.*
10. *Σύριγξ, κόλπος, sinus angustus & longus in quo fistulam repræsentat, Ægilopa consequens.*
- fl. *Arnoldus de Villâ novâ, Libr. de Vinis.*

Vesicaria,

1. **S**Æpe mihi (ut mos est) tacitæ non pauca putanti,
 Et pudor & mentem nobilis ira subit.
 Plantarumque genus (nisi queis præcordia Titan
 Effinxit paucis de meliore luto)
 Indignor non posse hyemem nec frigora ferre,
 Sed plusquam humanâ vivere mollitie.
 O frustra Patre Sole & Terrâ Matre creatas !
 Semper & hæc fixa est, semper & ille viger.
 Mirum delitiis ni cedant Tempora nostris,
 Pellatûrque Anni finibus exul Hyems.
 Nos Deus Elysiis mirum ni conferat Hortis,
 Nè stringat teneras aura molesta comas.
 Scilicet Halcyones sumus, & producere scetus
 Haud lubitum est, toto ni sit in orbe quies.
 Nec tantùm hæc parvas ignavia possidet Herbas,
 Nec repit semper dedecus illud humi :
 Patricias Ulmos, Quercûsque effœminat ipsas,
 Atque Anima in duro Cortice mollis inest.
 Nec pudet hæc virides Sibaritica vita Gigantas ;
 Æ stare in cœlos scandere velle putes.

Eia ! actum est, illis Tergum si verterit *Annus*.

Eia ! sub terram *Vita Gigantis* abit.

Hic Facet, ingenti possis incribere *Trunco*.

Proh pudor ! *Hic Faceas* : sit tibi terra *gravis*.

1. Ast Ego, quæ *Fruicis* vix ausim assumere *Nomen*,

(*Quamquam* illud dederit *Plinius* ipse mihi)

Provoço terribilem pulchro certamine *Brumam* :

Impavidam feriet si *Polus* ipse ruat.

Bruma venit, Ventique mihi pluvixque minantur;

Armata innumero Milite *Bruma* venit :

Tunc Fructus produco meos ; ante ora *Tyranni*

Expono, & dico, *Nunc age, siquid agis*.

Funde tuos *Imbres* ; saturatas murice *Baccas*

Incocto nullis diluit Imber aquis.

Funde *Nives* ; Nivibus renitescit *Purpura* junctis,

Et rubrum in puro *Vase Torcuma* placet.

Sic prodest *Labris* albi vicinia *dentis*,

Sic decorat roseas candida forma *genas*.

Hisce rudimentis Morbos victura rebelles

Virtutem induto consoli loque meam.

Sic didici immenso perrumpere *Saxa* labore,

Et *Tyrocinium* mite fuit *Glacies*.

Non etenim solas (cùm de malè fortibus *Herbis*

Hoc faciant aliquæ) vis mea pellit *Aquas* :

Sed *Lapides* duros *Silicūmque* obstacula rumpo :

Vix penetret tales *Hannibal* ipse *vias*.

Ah nimium infelix *Scopulum* qui impingit in istum,

Jactaturque suis *Naufragus* *Æger* aquis !

Ah miser, *Indigena* qui urgetur pondere *Saxi*,

Et dignus quem vel *Sisyphus* ipse flect !

Ah quantum *Extinxis*, quantum invidet ille *Sepulcris*,

Impositus tantum cùm premit *Ossa Lapis* ?

Huic Ego non ferrem auxilium ? mihi Terra dehiscat,

Si tantum dicar non miserata malum.

Tunc ego de durâ genitam me rupe fatebor,

Et *Silicūm* venas *Caulis* habere loco.

Sed miseresco equidem, molémque liquore resolvo
Caucaſeam ; impulſu diſſilit illa meo.
 Obſtructúmque diu prono ruit impete *Flumen*,
 Et ſecum aduerſæ fragmina *Rupis* agit.

1. *Veficaria*, *Halicacabum*, *Alkakengi Arabibus*, *Anglicè Winter-Cherries*. Si qua planta ſignaturam officii ſui à Natura impreſſam gerat, hæc proſectò illa eſt, cuius fructus & *Vefica* & *Calculus* in eà concludum manifeſte reſert. Eſt autem è *Solanorum* (ϩϩϩϩϩϩ) genere: Quorum alterum (inquit *Plin. lib. 21. 31.*) cui acini coccinei, granoli ſolliculi, *Halicacabum* vocant; noſtri autem *Veficariam*, quoniam *Vefica* & *Calculus* proſit.
2. Frutex eſt ſurcuſoſus veriùs quàm Herba, ſolliculis magnis latiſque & turbinatis, grandi intùs acino, qui maturſcit *Novembri menſe*, lb.

Rorella.

1. **P**OL tibi ſe præbet nimiùm Natura benignam,
 Et Vitæ tempus dapſile mollis habes.
 Flos micat *Argento*, tegitur *lanugine* Corpus
Purpureâ, & Venis *Aureus* humor ineſt.
 Nec non in *Calicem* ſolium tibi quodque cavatum eſt :
 Et potu nunquam non tumer ille *Calix*.
 Exſiccare illum non *Comeſſator Apollo*,
 Non acris *Poter Siring* ipſe valet.
 Arētes circùm deſpectas turgida campos,
Fluminibùſque ipſis invidioſa mades.
 Et bibis, & rides ſitibundos improba *Menſes* :
Hydra rebullit aquæ prodigioſa novæ.
 Tætyus irrorat *Nilus* de Fonte latenti,
 Et jubet invita *luxuriare Fove*.

De Eâdem.

Abjectis hinc sume *Hederis* tibi, *Bacche*, *Coronam* ;

Hæc est temporibus dignior *Herba* tuis :

Copia quam diti perfundit lubrica *Cornu*,

Hæres perpetuum *Copia* facta sibi.

Sic tu, *Bacche*, bibis, sic non frue aliter hauris,

*Exhaustus*que tibi se *Cadus* ipse repiet.

Sic tumet epotus renovato *Nectar*e *Crater*,

Ambrosias celebrat cum *Jovis* aula dapes :

Nec labor est *Phrygio* calices implere *Ministro*,

Succurrit libimet pro *Ganymede* *Calix*.

2. Sic bina antiati pulcherrima *Pocula Cordis*

(In quibus ipse *Animus* *Vitam* *Animam*que bibit)

3. *Pocula* divinum divini opus *Alcimedontis*,

Purpureo spumant semper onusta mero.

Natura absument sine damno prodiga census ;

Vena micans aufert, *Vena* quieta refert.

O *Radicalis* plantæ prælivitis humor !

Quid mirum si tu languida corda foves ?

Corpora quid mirum si tabescentia sistis,

*Membræ*que non vano glutine firma tenes ?

Quid mirum dubiæ nictantem *Lampada Vita*

Tam vivaci *Oleo* si renovare datur ?

Quid mirum si grata venis *Pulmonibus* *Herba*,

Et nunquam exhaustis *Spongia* gaudet aquis ?

Grata ades & *Veneri* meritò, quæ plena caloris

Intus, & externo tosta calore, mades.

Hæc duo sunt *Elementa Libidinis* ipsa, *Calorem*

Illa Anima, *Humorem Corporis* instar habet.

1. *Rorella*, *Ros Solis*, *Rorida*, & corruptè apud vulgus *Rosa Solis*, *Anglicè* *Sun-dew*. Quæ nomina sortita est quòd, magno naturæ miraculo, *Rorc* semper madescat, & tum maxime

maximè cùm Sol ferventissimus est, quasi ab ipso sole Ros in eam dilaberetur ; itaque meridie colligi jubent. Alio nomine Anglicè Lust-wort appellatur, quia pecudes ex illius esu incendi libidine credunt. Vcteribus nota non erat, itaque Græcum (misella) nomen non habet. Ex eâ liquor ille fit satius vulgaris, multique usûs, Rosa Solis dictus ; nam & omnibus affectionibus Cordis ac Pulmonum auxiliatur, & corpus tabescens reficit restauratque. Folia illi rotunda cavâque, subviridia, sed operia lanugine purpureâ, pediculo etiam rubro & lanuginoso inhxerentia, semper liquore vel lentore potiùs quodam tincta ; interque ea parvuli rubicundi caules exsurgunt, quasi clavos quosdam candidos pro flore ferentes, in quibus semina continentur ; radix capillaris. Aqua ex eâ stillatitia flavo coloris est, eoque argentum tingit, si immergatur.

2. Duo Ventriculi Cordis.

3. Virg. Eclog. 3.

————— Pocula ponam

Fagina, cœlatum divini opus Alcimedontis.

Quod nomen Ἀλκιμέδοντος & non minùs quàm Ὀψιμέδοντος, quod Homero frequens est, Deo convenit.

Cyclaminus.

1. Sanguine stillantem Naris quæ occludere Venam,

2. Posticæ partis Venam aperire soles,

3. Nec rationis eges ; nam jure Patulcius hujus,

Alterius debet Clusius esse loci.

Eadem.

4. Ecce superbit ovans generosa Vite fugatâ,

Et Capite inflato vile tumescit olus :

Vitricem Regum debellat rustica Plantam

Præssica ; sed prope Te stare misella nequit.

Nemp

Nempe *Cibum Medicamentis* decedere fas est ;
Inseruit Morbis Ille, sed ista fugant.
 Non alias Herbas morésve *immaris avara*
 Humanos, quorum *Mors* benefacta facit.
 Ipsa tuâ frueris Virtute, & viva vidénsque
 Exerces ; *Horto Tu Medicina* tuo.

Eadem.

5. Docta mihi dederit cum *Gracia* nomen honestum,
 Quod meruit Folii bella figura mei,
6. Gens inimica novum cuderunt Pharmacopolæ,
 Queis Græcæ vocis nec sonus ipse placet.
 Fœdorumque (nefas !) Animantum injuria nostros
 Indigno titulos stigmatè inusta notat,
 Non ego tam *Porcis*, quàm vobis præbeo *Panem* ;
 Vos estis *Porci* quos Ego semper alo.

Eadem.

7. Ulcera desicco putri manantia tabo,
8. Mollitiésque cuti non aliena redit.
9. Nec mihi duritiæ *Vari* (10.) *Panique* resistunt,
11. Nec se munit Aquâ, nec satís Igne tumor,
12. Non *Ambustorum* patior vestigia fœda,
Vibicum infames nec remanere notas.
13. Nec florere diu picta *Exanthemata* possunt,
14. Nec turpes latè crescere *Lenticula*.
15. Et *Vitiligo* fugit, fugiunt & (16.) *Ephelides* ipsæ,
 A nostro quamvis ortum habuere Deo.
 Nec patior vultu quicquam apparere puellæ,
 Quò minùs in *Speculo* gaudeat illa suo.
17. Fallor ? an & mollem forsan minùs obliquo sexum,
 Quòd mileræ relevo *Parturientis* onus ?

Eadem.

Eadem.

18. Igne meo falsum Iſſerici conſumitur *Aurum* :
(Vix equidem *Vero* plus nocuiſſe datur.)
19. Per me poſticiſ ductus canalibus ater
Sanguis abit, ſœdâ dignus abire viâ.
20. Flaventem Bilem, Pituitam pellimus albam ;
Fructuâ & uterque color *chara Metalla* refert.
21. Pellimus ex Oculo Nubem & *Meteora* maligna,
Et parvo obſcurat quicquid in orbe diem.
22. Pellimus Articulis ſævi mala ſemina Morbi,
Quæque habet infelix uda Elementa dolor.
23. Pellimus & Spinâs, infixâ que corpore tela
Tracta ſtupent nullâ ſe remeare manu.
24. Parva loquor ; Membris depellimus omne Venenum,
Et Mors poſſeſſâ cedere juſſâ domo eſt.
25. Durâque creſcentes in Vitæ incommoda Fœtus,
Ac nondum Miſeros, pellimus ex utero.
O ſcelus ! exclamant omnes ; num *Morbus* habendus
Hoc ipſum Naſci ? Creſcite, *Morbus* hic eſt.
Si volumus verè rationem ducere, *Vitam*
Reſtaurare minus, quàm Prohibere, bonum eſt.

1. Κυκλάμιον, Ἰχθυόστροφον (quod piſces devoratum ne-
cet) Cyclaminus, vel Cyclaminum, Tuber Terra, Rapum
Terra, Umbilicus Terra, Malum Terra (quod nomen Ari-
ſtolochia frequentius attribuitur) Rapum porcinum, Orbi-
cularis, & in officiis vocatur Cyclamen, Panis Porcinus,
Artamita, Angl. Sow-bread. Folia habet minora quàm he-
dera, nigriorâque, & tenuiora, ſine angulis, in quibus albi-
cant maculæ, caule exiguo, inani, floribus purpureis, radice
latâ, ut rapum videri poſſit, cortice nigro. Naſcitur in um-
broſis : noſtris Tuber terræ vocatur, in omnibus ſerenda do-
mibus, ſi verum eſt, ubi ſata ſit, nihil nocere mala medica-
mentis.

menta. Amuletum vocant, Plin. libr. 25. 9. Et, In vepribus nascitur Cyclaminum; Flos ejus Coloſſinus in coronas admittitur.

2. Sistit profluvium Nariſ, atque ejuſdem aperit Venas Hamorrhoidas ſuccus in Lenâ applicatus.
3. Nomina Fani, Ovid. Faſt. 1. Quod,
Omnia ſint ejus clauſa patētque manu.
4. Ipſum olus quo Vitis fugatur adverſum Cyclamino aſcendit, Plin. lib. 24. 1.
5. Ἀπὸ τοῦ κύκλου, à circulo, quia & folium & radix rotunda ſunt.
6. Panis Porcinus, quid à porci mirè appetatur.
7. Cyclamini radix vel per ſe vel ex aceto vel cum melle ſanat manantia ulcera, & contra ſtatomata efficax, Plin. l. 26. 14.
8. Qualis eſt ulcerum molliſ.
9. Vari, tumores duri & exigui ex frigido craſſoque humore quaſi in callum concreti.
10. Panus, Phlegmone in adenum locis emergens.
11. Neque ex pituitâ, ut Oedemata (quorum etiam quadam Hydroa vocantur) neque ex Bile proveniens.
12. Ambuſta ſanantur radice Cyclamini cum Ἀἴζωο, Plin. 26. 12.
13. Puſtula, Variola, Morbilli.
14. Subnigra aut ſulva faciei macula.
15. Angl. Morpew; cujus tres ſpecies, Alphus, Melas, Leuce.
16. Ἐφελος Celſo cum e ſcribitur, & ſignificat aſperitatem quandam mali coloris; hic autem intelliguntur Ἐφελιδες Galeni & Hippocratis, qua ſunt macula à Sole, ab Ἡλίου.
17. Gerardus noſtrâs, Herbarius diligentiffimus, dicit ſe experientiâ comprobâſſe, folia Cyclamini pudendo immiſſa ſacilem partum reddere: Alii, Radicem etiam adalligatam id præſtare.
18. Icterus ſanat, qui & Aurigo dicitur, & Morbus Regius, fortè ab Auro Rege Metallorum. Cyclaminus calida & ſicca tertio gradu; radix in uſu eſt; Incidit, terget, aperit digerit reſolvitque, Licnâs durities & tumores ſorti aut illitu perſanat:

persanat: tum recens tum aridus arquatum sistit, & biliosum sudorem ciet, Fernel.

19. Hamorrhoidas aperit.
20. Bilem & pituitam purgat.
21. Ad Hypochysin & caliginem Cyclaminon in pastillos dilunt, Plin. lib. 25. 12. Meteora, nempe Albuginem, qui crassus est & albus in corneâ Meteori instar concretus humor; item alia mala Oculorum, quadam frigidorum, alia calidorum Meteororum similia. Cum melle infunditur.
22. Medetur Podagræ, & membris luxatis, & pernionibus, &c. Plin. Ib.
23. Cyclamini radicibus cum melle omnia corpori infixæ extrahuntur, Plin. lib. 26. 14.
24. Ex vino bibitur denariorum duû pondere contra serpentes omnes, Id. lib. 25. 9.
25. Suum tamen venenum ei est, traduntque, si prægnans radicem transgrediatur, abortum fieri, Ib. Succus ventri illicui alvum subducit, sed Fætum interimit, Heurnius.

Lens Palustris.

INgentem Ranam conditam Lente palustri,
 Esse dapem dignam vel Jove jurat Anas;
 Et quoddam tam lautam si doctus Apicius escam
 Novisset, vel adhuc viveret ille libens.
 Non sumus ergo nihil, nec pondus inutile stagni:
 Sed (mihi crede) Anatis non ego nata gulæ;
 Nec virides constravit aquis Natura Tapetas,
 Futilibus Ranis gratificata parens.
 Nascor ad humanæ non vilia commoda vitæ,
 Quæ latuere diu, nunc quoque multa latent.
 Currit in exiguo Doctorum industria Circo;
 Et spatium angustè clausa recurrit idem.
 Germina quid memorem vastum dispersa per orbem?
 Quæ scitur, pars est quàm propè nulla mei?

Curtum

Curtum aliquid scitur ; majoraque dicere vellem,
 Sed *Phæbus*, sed me *Fata* silere jubent.
 Pauca loquar : Tosto liventes sanguine Cancros,
 Et flavæ prolem Bilis *Erysipelas*,
 Corporis & fissi parvas extinguimus *Ætnas*,
 Quocunque erumpat fomite flamma vorax.
 Frigore natali & genitalis viribus undæ,
 Quo sim nata loco, quaque parente, probo.
 Cúmque dolore truci & subjecto corporis igne
 Articulorum *Ollis* clausa rebullit Aqua,
 Frigida ferventem compescit nostra *Lebetem*,
 Et *Rore* aspersus detumet ille furor.

1. *Lenticula palustris. Anglicè Ducks-meat. Est & palustris*
Lens per se nascens in aquis non fluentibus, refrigeratoria
natura, propter quod collectionibus illinitur, & maxime
Podagræ, & per se & cum polentâ, glutinat & interanea
procidentia, Plin. lib. 22. 25. Lentic. Palust. frigida &
humidâ ordine secundo, collectionibus calidis, podagræ, &
igni sasso commodè illinitur cum polentâ, Fernel.

Rosmarinus.

De Morsu Tarantulæ.

- 1.2. *S*edula, nec telis vel adhuc cessura (3) *Minerva*,
 Impendens operi viscera & ipsa tuo,
 4. Unde *Lepos* oritur tibi, *Arachne* *Daunia*, sævus ?
 Unde vacas *tristi* *ridiculôque* malo ?
 Unde vel ingenium mœstæ *joculare* nocendi,
Seria vel *Mortis* ludicra *pestis* agis ?
 Ille furit quicumque tuo *vix* tangitur ictu :
Vulnera *vix* sentit, sed tamen ille furit.

Exiguû

- Exiguæque *Aconit* non percipienda *Vener*
 Mox victrix toto corpore vasta sedet.
 Occupat arcanis Mentem in penetralibus ipsam;
 Et captam miseris raprat acerba modis.
 Hic filet, ille altis clamoribus æthera rumpit;
 Hic stolidè astantes verberat, ille timet:
 Solvitur hic *Lacrymæ*, quassatur & ille *Cassidinis*:
 Mille habitus idem, mille habet ora furor.
 Omnes una tenet *Saltandi* dira voluptas,
 Nec datur ulla quies; nocte dièque tenet.
 5. Nam pulsus simul atque resulset *Musica* chordis,
 Aut magicos reddat *Tibia* plena sonos,
 Saltat *Anus* tristis, saltat *Lethargicus* ager,
 saltat inæquali *Claudus* & imple pede.
 Ipse potest, hilari correptus membra veneno,
 Saltando *Satyros* penè necare *Senex*.
 O misera, & *Cantus* sirenum digna *Chorea*,
 6. Cùm faciat furiis Mens agitata *Modos*!
 7. O *Designator* *Ludorum* pessime *Morbe*!
 8. O quantum hæc intus *Pyrhica* pondus agit!

- Talem ego, & ignoto causarum fonte fluentem,
 Quid taciam. *Medici*, tollere iussa licem?
 Namque ita me calidus juvet & conservet *Apollo*,
 (Qui sanctum & vobis & mihi Numen habet)
 Obcuri (nè vera negem) sum nescius ipse
 Ævè vobiscum quæ sit origo mali.
 Seco *Urdi* & *Cerebro* (mihi quæ provincia cessit,
 Scitis, nec vobis dicere falsa juvat)
 Agmina *Spirituum* sæpe auxiliaria mitto
 Nostrorum, & firmo milite cæstra novo.
 Mulà ne se comites tanti bona germina belli
 Jungant; nec sub me, cre o, merere pudet.
 9. Icta *Meliphylla*, & *Serpentum* *Ruta* *Venenum*,
 10. *Centaurea* minor, (11) *Corycisi*que *Crocus*:

12. Tūque à pellendis nomen sortita *Secundis*,
Quæ renuis vinctos carmine habere poter.
13. *Medica* nec mihi *Malus* opem fulgentibus armis,
14. Nec mea clara Soror *salvia* ferre negat.
15. Nec *Lauri* *Myrtive* aut frondiferæ *Tamarich*,
Aut *Hedera* baccæ, *Juniperive* negant.
16. *Celeica* nec *Nardus*, nec dulcis (17.) *Amaracus* auræ,
Nec negat *Abrotonum*, nec negat *Angelica*.
18. *Plantago*, & sacro cognomine *Carduus* adfunt ;
Utilis *Abfinthi* clarus amaror adest.
19. Semen adest *Daucique*, *Anisique*, albique *Cumini* ;
20. Caste tuum *Vitex*, pulchra (21.) *Nigella*, tuum.
22. *Scorzonera* venis sæclo non nota priori,
Tormentilla venis, & *Rosa* rubra venis.
Allia nec pudet, & graveolentes jungere *Cepas* :
Has ego *Dux* acies instruo ; *Signa* canant.
23. Indignor *Stomachor*que unum, quod *Musica* mollis
Arroget hanc laudem præcipiatque sibi.
Ut sunt Mendaces, dicent verum esse *Poëta*,
Gratiâque hæc *Domina* facta libenter erit.
At foveat *Insanos*, non curat, (testor *Amantes*)
Et dat *Stultitia* longa alimenta brevi.
Hic debellando blanditur inepta *Tyranno*,
Magnâque pars *Morbi* est quod nimis illa placet.
Pars *Morbi* est vano quod jactant membra labore :
Pars *Morbi* est ; casu sed *Labor* ille juvat.
Nulla quiescendi loca sunt nec tempora pesti,
Moribus immodicis exagitata fugit.
Nos quoque *Naturæ* se jam relevare paranti
Adsumus auxilio, porrigimusque manum.
Hoc aliquid certè est ; sed *Casus* scilicet ipse
Fit *Medicus*, *Morbus* fit *Medicina* sibi.

1. *Epiphanius Ferdinandus*, qui in hujus admirandi *Morbi*
naturâ & curatione diligenter laboravit, quinque remedia
experientiâ comprobata commendat, quorum secundum est
Quinta

- Quinta Essentia Rosmarini ; & quàm sit sanè Capiti salutaris (quod præcipuè hoc veneno afficitur) omnes sciunt.
2. Tarantula ex Phalangiorum (seu araneorum genere est, à Tarento urbe celeberrimâ Apulia nominata, quâ in regione frequens est ; in sulcorum squallore latitans (inquit Scaliger) imprudentes vel Messores vel Venatores pungit : eam ob causam interfuit Indigenarum munimenta pedum excogitare ; itaque ocreis calceati metunt.
 3. Quia Arachneper invidiam Minervæ in Arancam conversa, admirabilius jam, ut ait Ovid.
- Antiquas exercet Aranea telas.
4. Daunia, i. e. Apula, à Dauno avo Turni, Pilumni & Danaes filio, qui in Apuliâ regnavit. Est & fluvius in Apuliâ. Daunus nomine.
 5. Visi sunt à nobis languidi solutique in tantum accendi calorem ex Ascauli sono, ut saltando lassarent oculos spectatorum, Scal. Exercit. 185. Refert autem Epiph. Ferdinand. Histor. 81. Senem 94. annorum aded debilem, ut nisi scipione innixus ambulare non possit, auditâ Musicâ velut Capreolum statim tripudiâsse.
 6. Modi, Mensura in cantando aut saltando observati ; unde in omnibus inscriptionibus Comædiarum Terentii additum videmus, Modos fecisse Claudium, aut alium.
 7. Qui Ludis præest Funebribus.
 8. Laboriosa saltatio quam veteres integrè armati exercuerunt, unde *Εὐόπλις dicta. Vocabant Pyrrhicam, non à Pyrrho Achillis filio, tametsi ab eo saltatam aiunt, viâto Eury-pilo filio Telephi ; quippe ejus pater Achilles ante ipsum dicitur ab Aristot. ad Patrocli rogum eam saltâsse. Itaque πυρρικὴν παρὰ τὴν πυρᾶν, Scal. lib. 1. Poëtic. Sed scriptio priori Etymologia magis faver.
 9. Melissa, Anglicè Baum. Lata, quòd Latiniâ pariat.
 10. Dicitur & Centaurium, & Centauréa Virg. plur. num. & Centauréa sing. num. Duo autem genera sunt, majus, & minus, Anglicè Small Centory.
 11. Corycii pressura croci, —

Luc.

Ultima Corycio quæ cadit aura Croco,
Mart. & omnes poetæ hoc quasi solenni quodam Epitheto
utuntur. Corycus nomen Urbis & Montis in Ciliciâ, ubi
laudatissimus Crocus nascebatur.

12. *Aristolochia*. Nicand. & addit penultima, *Ἀριστολοχία*,
quam literam derivatio nominis optimè admittit: sed Latini
non ita scribunt. *Anglicè* Birth-wort.

13. Media fert tristes succos tardumque saporem
Fælicis mali, &c.

Virg. Georg. 2. Quod ego Citrum interpretor, quidam
dissentiant.

14. Soror, simul in iisdem hortis semper ferè sata, & iisdem
propè facultatibus prædita.

15. Frondifera, per excellentiam; nam dicitur à Græcis Μυ-
ρίαν à Μίρις, propter infinitam multitudinem minusissi-
morum foliorum. *Anglicè* Tamarisk-Tree, or Shrub.

16. *Lavendula*.

17. *Majorana*.

18. *Carduus Benedictus*.

19. Dicitur album vel propter colorem seminis, vel quod è vino
potum pallorem gignat; unde à Persio Fallens, ab Horatio Ex-
sangue Cuminum, vocatur.

20. *Agnus Castus officinarum*.

21. *Anglicè* Gith, sicut etiam Latine à Plinio appellatur.
Μελαγδίου.

22. Non ita pridem hæc herba virēsque ejus à servo Mauro in
Hispaniâ inventa sunt; & ab effectibus aliis nominibus dici-
tur, *Viperaria*, *Serpentaria*, insigni virtute contra venena.

23. Rectè tu Muscâ curari negas, labore namque & sudore
tum vincitur tum expellitur venenum, *Scal. Exerc. 185.*

E

Mentha.

Luc.

Mentha.

1. **A**mbiguïs, Homines, moneo, nè ludite dictis :
 Quis pudor *Humanè Grammaticæ*que loqui ?
 Si nè vulgentur *Mysteria* vestra timetis,
 (*Quæ bene curta via est*) sit *Tacuisse* satis.
Quid Tormenta juvant dubii crudelia sensus,
 Quem subigit longus dicere falsa dolor ?
Hæc Ego jure queror ; *Veterumque Oracula nigra*
Stigmata trasserunt quàm diuturna mihi ?
Quot conjecturas movit *Sententia turpes*,
Tempore quâ Belli me vetuere feri ?
Leſtorem obscuri dicti juvat esse malignum,
Ingenioque suo cuncta licere putat.
2. Hinc aliquis, *Mentham* bene *Mavors* oderit (inquit ;)
Dilectæ Marti Mentha inimica *Dea*.
Mars generare homines, non tantùm perdere, gaudet,
Officii prædam materiàmque sui.
At Venerem enervat *Semenque effeminat* ipsum,
 3. *Seminarè*que facit *Salmacis* *Herba* Viros.
Adjuvat errorem (*facile enutritur ut Error*)
Quòd Lac densari, quòdque coire veto.
Quâ virtute vetem, tum vos, *Gens docta, docebo*,
 (*Sed certè hæc solâ conditione loquar*)
Cum mihi dixeritis, quo res *comprehendere Mentem*
Contingat vobis, quo *Meminiſſe* modo.
Hoc dicam audaſter ; *Veneris me Lampada sacram*,
Quam vitali Oleo nobile *Semen* alit,
Exhilarare meo, blandùmque fovere *Calore* :
Quid fidum Veneri, si *Calor hostis* erit ?
Ignorémne illam nimium *Proserpina* novit,
 Et purgor *penâ* (*proh ! nimis*) ipsa mea.
 4. *Quid ? quòd nulla magis Stomachum* corroborat *Herba* ?
Nulla magis læto digerit igne *cibos*.

Injusta est talem nisi amet *Dea Cypria* plantam,
 Ingratum est grates & nisi *Semen* agar.
 Ergo alias alii non parèe reddere causas ;
 Et causam qui non invenit, ipse facit.

5. Nempe recrudescunt nostro loca saucia tactu,
 Me nova *vulneribus vulnera* ferre volunt.

6. Quis pudor ? astringens mihi vis & sicca tributa est ;

7. Et fœdum nostrâ detumet ulcus ope.

8. Sanguinis & fluxus sisto, medicarier ausa
Natura ipsius *Vulnera* facta manu ;

9. Factâque *Serpentum*, rabiosi facta levare
 (O quàm plaga levis bellica !) dente *Canis*.

10. Vix memorare ausim quod ab *Intertrigine* tutus,
 Vel dextrâ siquis me gerat, esse potest.

Rideris ? patior lege hac, ridere vicissim
 Vestra quoque ut liceat tot maledicta mihi.

11. Quorum prætereo reliqua ; atque exponere verum,
 (Hic *Lingua* in medio substitit icta sono)

Quanquam animus meminisse horret, luctûque refugit,
 Incipiam. (Et *virides* hic maduere *genæ*.)

12. Non Ego vestrorum pars (credite) semper odora
 Hortorum, at quondam *Virgo* decora fui :

Nigra quidem (nam me genuit *Cocytius Amnis*)
 Sed fuit in nigro multa colore *Venus*.

Nè quis mentiri me sortè existimet, ore

13. *Veridico* meminuit *Naso* Poëta mei.

Lucus erat moestâ Patri gratissimus umbrâ,

Quem tacito æternum præterit ille pedes

Sunt illic *Taxique* & funereæ *Cyparissi*;

Et ferrugineis *sylva* severa comis.

Hic me secreto spatientem tramite vidit

14. *Tertius inferni Jupiter* ille poli.

Vidit, &, heu ! placui ; nam vultu exardet in omni ;

illi forma placet *Candida*, *Nigra* placet.

- Ah ! si nescitis, *Deus insatiabilis* ille est ;
 Et vi crudelis, non prece, semper agit.
 Me rapit, amplexus quanquam perterrita fugi :
 Nè valeam ad *Mortem* ni mihi visa rapi.
 Quid facerem ? sævum est & inexpugnabile *Numen*,
 Et *Fratri* vires *Omnipotentis* habet.
 Quid multa ? invitam secretum ducit ad antrum,
 Virgineoque ferox corpore perfruitur.
 Nescio quo casu (namque hoc silnere *Poeta*,
 Nec licuit tali tempore scire mihi)
 Ecce venit scelere in medio *Plutonis* *Conjux*,
 Et mea humi miseræ corpora strata videt.
 Nec purgare data est, nec me relevare potestas ;
 Semper at, illa inquit, fixa manebis humi.
 Dixit, & extemplò compagem diffluere omnem,
 Et rapidâ sensu membra soluta fugâ.
 Venaque radices sub terram quælibet (ex quâ
 Cauliculus surgit mox rubicundus) agit.
 Cauliculósque ornat florum rubicunda *Corona*,
 Et folia obscuro scissa virore nitent.
 15. Et bellam efficio *Mentha*, cognominis herbæ,
 Areolam jacui quæ resupina modo.
 At duram *Infernus* sortem miseratus *Adulter*,
 (Illa vel *Infernos* digna movere *Deos*)
 Pro formâ humanâ, pro Virginitatis honore
 Vim magnam foliis jussit inesse meis.
 Ditavitque humilem multis Virtutibus *Herbam*,
 16. Quas inter dulcis vix numerandus *Odor*.
 Hæc bene cùm *Veteres* (ut erant certissima) scirent,
 Relligio est animis non levis orta piis. *
Plutoni sacram duxere, atque *Omen* habere
Mortis, & hinc *Bello me vetuere seri*.
 Errârunt ; alios nè rapter sedula curo,
 Nève ad *Plutonem* quis nisi serus eat.

1. *Arist. Probl. Sect. 20.* Μίνθον ἐν πολέμῳ μὴτ' ἔστι μὴτε φύτιν. ἢ ὅτι καὶ α-ψύχῃ τὰ σώματα ; διηλοῖ δ' ἡ τῆ σπέρματος φθορά· τὸτο δ' ἀπινυσσίων πρὸς ἀνδρείαν καὶ θυμὸν, ταυτὸν δὲ τὰ γένει.

2. *Ut damna belli resarciantur, eo tempore majorem liberis operam dare convenit, huic autem rei Menthae usum dicunt esse alienum ; quidam, quod arcanâ proprietate Conceptionem in feminâ prohibeat ; alii, quod in viris semen absumat. Plin. hac habet lib. 20. 14. Ipsa acescere aut coire densarique Lac non sinit, quare Lactis potionibus additur, ne hujus coagulati potu strangulentur : datur in aquâ aut mulso. Eâdem vi resistere & generationi creditum, prohibendo genitalia densari. Alii addunt rationem dicti esse, quod absumpto semine Milites ; Eunuchorum instar, minus strenui redduntur.*

3. *Salmacis herba, per appositionem. De Salmacide Fonte nota fabula. Ovid. Met. 4.*

*Quisquis in hos fontes Vir venerit, exeat indè
Semivir, &c.*

4. *Mentha ipsius odor animum excitat, & sapor aviditatem in cibis ; ideo embammatum mistura familiaris, Plin. Stomacho apprimè utilis est, appetitum excitat ; & in condimentis peculiarem usum invenit : humores frigidos crassosque exco-
facit, attenuat & absorbet ; singultus, vomitiones, choleram-
que sedat, sed conceptioni resistere creditur, Fernel. Singul-
tus & vomitiones cum succo granati—arida quoque sari-
nam tribus digitis apprehensam stomachi dolorem sedare in
aquâ, Plin.*

5. *Cass. Dionys. Geop. 12. Mentham impositam vulnera ex-
spectare, eoque nomine belli temporibus minùs esse idoneam.*

6. *Mentha utraque calida & sicca est tertio ordine, gustu
acri, subamaro, tenuium partium, astringendi & exsic-
candi vim habet, Fernel.*

7. *Ulcerâ in capite infantium mirè sanat—Epiphoris illi-
nitur & omnibus in capite eruptionibus, Plin.*

Ari. 8. *Æquè maribus ac feminis sistit sanguinem ; & purga-
tione*

- iones feminarum inhibet—sanguinem excreantibus in for-
bitionem datur—Sanguinis fluxiones intus emendat, Ib.
9. Sumitur contra Scolopendras, & Scorpiones marinos, &
ad serpentes, Ib. De Morsu Canis rabiosi alii.
10. Intertrigines si vel teneatur prohibet, Plin. Ib.
11. Rondeletius causam proverbii putat esse, quod semen Men-
tha homines efficiat nimis furibundos. Falsum! & satis in-
eptè excogitatum! Hearnia putat veteres ad Myrsinaxian
reflexisse, quod inimicitiae immortales esse non debeant, nam
Mentha semel sata durat ætatem.
12. Cocytii filiam Mintham cum Plutone deprehensam à Pro-
serpinâ Poeta fingunt, ab eâque in hanc herbam transmu-
tatam.
13. Fœmineos artus in olentes vertere Menthas,
Persephone, licuit?
Ovid. Met. 10. Fab. ult.
14. Pluto. Poli, quia & Inferi ex pœtarum sententiâ
—— Cœlûmque suum, sua sidera norunt.
15. Literâ tantum mutata, nam virgo Mintha vocabatur, &
Gracè quidem sine ullâ mutatione.
16. Mentha nomen suavitas odoris apud Græcos, cum aliqui
Mintha vocaretur, unde veteres nostri nomen declinaverunt.
Grato Mentha mensas odore percurrit intrusici dapibus, Plin.
l. 19. 8. id est, Cum Myrsin prius Gracè vocaretur, postea
Ἡδύσμων ab odore appellaverunt.

Viscus Quernus.

- 1.2. **V**iscus (Io!) magni donum Teutatis opimum,
Profilis è Quercu sanctior ipse sacra.
Solennes Aras de cespite ponite vivo,
Et totum vario sternite flore locum.
Ritè Deos orans purâ cum veste Sacerdos
Astantum elatus colla manûsque super

Scandat adorati felicia culmina Trunci,
 Et veniam Fruticis supplice voce roget,
 Tum verò auratâ demessum falce decenter
 Candenti excipiat candida turba Sago.
 Et duo cudentes immuni corpore Tauri
 Lucentes tinguant, Victima grata, focos,
 Tum læti celebrate dapes, plaususque secundus
 Concutiat totum, seu gravis *Aura, nemus.*
 Hos habuit *Viscus Diis invidiosus honores:*
 Non *Apis* tantos ipse repertus habet.
 Nec sibi vîla minor *Dodona Quercubus olim*
 Fatidicis, *Viscum* siqua beata daret.
 Scilicet hanc veteres Plantis magis omnibus unam
Patronam Vitæ constituere lux.

Hæc sola est spernit quæ *Terra Filia* dici,
Regalique udam quæ pede spernit humum.

3. Huic soli *genitura expers genitalis origo;*
 Vel *Mundi* ipsius qualis origo fuit,
 Cùmque alia *humanâ* concreſcant *inſua curâ,*
Natura hæc sola est *inſua Plania* manu.
4. Hinc & *Serpentum nigra exarmare Venena,*
 Et *Magicos* (*Hominum dira Venena*) sonos,
 Et morbos, (quàm multi!) omnes superare putarunt.
5. Quid mirum? *Herculeum* cui superare datum est.
 Quis magis horribilis? quæ forma *Chymarica Morbi?*
6. Parte sui *Mors* est torpida, parte *Furor.*
 Hoc superat *Monstrum:* tamen hinc quoque poſſe minora,
 Falla quidem fuerat, sed nec inepta fides.
 Credidit antiqui simplex *Infantia Mundi,*
 Nec (puto) tunc ævi notus *Elenchus* erat.
7. Nec modo tutari, Vitam dare creditus olim,
 Fœcundumque Uteri reddere *Viscus agrum.*
 Quid *Sterile* eſſe poteſt plantæ *sine Semine nata?*
 Quid *Glaufum?* quæ vel *Quercum* aperire valet,
 In lucem immani quæ prodit ab *Arbore* aïxu,
 Ut capite exiluit *Diva Minerva Fovis.*

Quòd si priscorum vera est sententia Vatum,
(Et Prisci & Vates sint, dubitare licet)

Non miror, quoniam Cognatio jungit utroſque,
Fraterno si nos *Viscus* amore colit.

8. Ipsi *Homines* olim rupto de Robore nati,
Primus (si fas est credere) *Viscus* erant.

1. Nihil habent *Dryida* (ita suos appellant *Magos*) *Visco*
& arbore in qua gignatur (si modò sit Robur) sacratius : jam
per se roborum eligunt lucos, nec ullà sacra sine eà fronde
conficiunt, ut inde appellati quæque interpretatione *Gracæ*
possint *Dryida* videri. Enimverò quicquid adnascatur illis è
cælo missum putant, signumque esse electæ ab ipso Deo arboris.
Est autem id rarum admodum inventu, & repertum magnâ
religione petitur. — Omnia sanantem appellantes suo voca-
bulo, sacrificiis epulisque ritè sub arbore præparatis, duos ad-
movent candidi coloris Taurros, quorum cornua tunc primùm
vinciantur : Sacerdos candidâ veste cultus arborem scandit,
Falce aureâ demetit, candenti id excipitur sago : tum deinde
victimas immolant, precantes ut suum donum Deus profferum
faciat his quibus dedit. Fecunditatem eo poto dari cui-
cunque animali sterili arbitrantur, contrâque omnia venena
esse remedio. Tanta gentium in rebus frivolis plerumque reli-
giq est, Plin. lib. 16. 45. de quo vide plura ibid. Anglicè
vocatur *Mistletoe*.

2. *Tecusates* & *Hesus* duo maxima Gallorum veterum numina,
quibus humano sanguine faciebant.

3. Omnino satum nullo modo nascitur, nec nisi per alvum
avium redditum, maximè palumbis acturdi : hac est natura,
ut nisi maturatum in ventre avium non proveniat, Plin. ib.
Unde Turdus sibi Malum cacare proverbio dicitur, quòd
ejus acinû *Viscum* fiat irretiendis avium pennis. Sed hoc ma-
nifestè fabulosum est ; nam parte inferiore & pronâ ramorum
aliquando nascitur, ubi adhaerere avium excrementa non
possunt : itaque non ex suo semine hoc modo concocto præpara-
tioneque nasci credibile est, sed ex succo quodam arboris quem
ipsa

ipsa vincere & in naturam suam mutare non valet.

4. De Venenis prius. Veneficia autem averruncare adalligatum cervici ait Clusius.

5. Epilepsiam, Morbum Comitiale, Caducum, Sonticum, Puerilem, Sacrum appellatum, Herculeum autem propter immanes vires violentiamque. Huic morbo Viscum auxiliari apud omnes Medicos in confesso est, itaque omnibus ferè antepilepticis remediis admisceatur. Plinius addit, Si terram non attingit, Comitialibus mederi; eandemque Clusius conditionem requirit: Sed hoc ex Dryidum traditionibus fluxisse arbitror.

6. Nam sensus & motus voluntarius tolluntur, at totum corpus convellitur concutiturque, os spumat, dentes strident, &c.

7. Conceptum foeminarum adjuvare si omnino secum habeant, Plin. lib. 24. 4.

8. Cùm homines è grandium arborum cavis exeuntes, ubi se contra hyemis scrarumque injurias abdidissent, passim in sylvis viderentur, creditum est à primo simplicique saculo eos illinc tanquam ex utero natos prodisse: quem errorem rudis vulgi ridiculum poetarum fabula confirmare sunt conata Virg.

Gensque virum truncis & rupto robore nati.

Juven.

Quippe aliter tunc orbe novo coeloque recenti

Vivebant homines qui rupto robore nati.

Omniū autem bellissimè atque, ut ita dicam, picturatè hanc rem describit Papinius lib. 4. Thebaïd. Non possum me continere quin versus ipsos exscribam, ita digni sunt qui ubique legantur. De Arcadibus loquitur,

—Nemorum vos stirpe rigenti

Fama satos, cùm primà pedum vestigia tellus

Admirata tulit, nondum arva domulque nec urbes,

Connubiisve modus. Quercus Laurique ferebant

Cruda puerperia, ac populos umbrosa creavit

Fraxinus, & foetâ viridis puer excidit orno.

Hi lucis stupuisse vices noctis que feruntur

Nubila, & occiduum longè Titana sequuti

Desperâ le diem —

Chelidonia.

Chelidonia.

3. **A** Spice suffuso flaventia lumina felle,
 Et tincta Iſterico turpiter ora Croco,
 Dilectus nimium ſacri color ille Metallī,
 Ille color pulchræ gloriæ prima Coma;
 Occupat in juſtus cum regna aliena Tyrannus,
 Terrior, ah! Nigro eſt, horribiliſque magis.
 Talem equidem ſonnam, tam ſœdam Mentis Avaræ,
 Tam flaventem Oculis arbitror eſſe Deum.
 Si Mens Auro inhiat, ſi ſolum cogitat Aurum,
 Aurigo eſt; Auro concolor illa ſuo.
 Sed Deus hunc curet, Ratioque potentior Herbis,
 Iſterus Herbarum poſtulat alter opem.
 Neſcio quid faciunt aliæ; mihi credite, noſtram
 Iſterus haud fruſtrâ poſtulat alter opem.
 Non ego me tantæ ſcinerè ingero vana Medæ;
 Ingens ſuſcepti muneris Auſtor adeſt.
 4. Natura ipſius mecum Diploma porto,
 Naturæ ipſius Signa manūque vide.
 In foliis, in caule meo, in radicibus ipſis,
 In toto flavus corpore ſanguis ineſt.
 Felle redundanti ſuffuſam credet, & eſſe
 Jurabit, qui me diſſecat, Iſtericam.
 Interea cutis eſt viridis mihi corpore toto,
 Et bonus, atque Herbam quæ decet eſſe, Color.

Eadem.

5. Dii faciant bona multa tibi, vocalis Hirundo,
 Atque velint Sceleris non meminiffe tui,
 Quod nobis Planta docuiſti nobilis uſus,
 Qui latuere hominum Lumina caeca priuſ.
 A Te pro Cellis ſam Penſio larga tributa eſt,
 Sub tignis noſtræ quas tribuere Domus.

Omnia te picti comitantur germina *Veris* :
Sed nullum utilius, credo, vel ipsa vides.
Scilicet huic debes ipsum hoc quod cætera cernis ;
Hoc te præcipuo germen amore colit,

6. Te veniente alia adveniunt ; non sufficit illud
Officium ; hoc etiam te redeunte redit.
Nos huic plura tamen quam te debere fatemur,
Atque Oculorum aciem restituisse parùm est.
Mille malis vitæ, tormentis mille medetur,
Quæ fortunatæ non pariantur *Aves*.

7. Illius adventu mitescunt Tormina Ventris,

8. Et cessat Dentis *Carnificina* Cavi.

9. *Morbus* & auratis depellitur aureis armis
Nomina qui *Régis* falsa *Tyrannus* habet.

10. Et succrescenti florentia carne replentur
Ulceræ Sentinis exonerata suis.
Et coeunt fraterna per oscula *Vulneris* ora ;
Nec tua tum *Scabies*, foeda *Libido*, manet.

11. Et fugit ambustus *Cancer*, fugit improbus *Hæpes*,
Et rubra offensi bulla caloris abit.

Morborum pigmenta abeunt, atque oscula Selis
Cum nimium memores linquit in ore notas.

Et ridet vitio *Vulcus* purgatus ab omni,
Purior, ac Speculo lævior ipse suo.

O *Patrona Oculi* ! videant ut *Lumina* pulchræ,
Utque simul videant non nisi *Pulchra* facis.

Spectatum veniat, veniat spectetur ut ipsa,
Dupliciter donis *Fœmina* læta tuis.

Te quoque formosi comitantur tempora *Veris*,
Et *Flos humanus* Te veniente venit.

1. *Chelidonium Majus*, à *Χελιδόν* Hirundo, unde & *Hirundinaria* dicitur aliquibus. *Anglicè* Celandine.

2. Decoctum ex *Vino albo* bibitur ad *Icterus*, addito anisi semine. *Matthiolus* etiam plantis pedum suppositum mederi ait *Ictero*.

3. *Aurigo, Icterus.*
4. *Signaturam quam vocant.*
5. *Animalia quoque invenere Herbas, inprimisque Chelidoniam, hanc enim Hirundines oculis pullorum in nido restitunt visum, ut quidam volunt etiam erutis oculis, Plin. lib. 25. 8. Et lib. 8. 27. Chelidoniam visui saluberrimam hirundines invenire, vexatis pullorum oculis illam medentes; inde huic herba nomen inditur.*
6. *Florent adventu hirundinum, discessu marcescunt: Florentibus succus exprimitur, & in arco vase cum melle Attico leniter cinere ferventi decoquitur, singulari remedio contra caligines oculorum. Utuntur & per se succo in Collyriis quae Chelidonia appellantur ab ea, Plin. l. 25. 8.*
7. *Succus illius cum oleo Chamameli calidus umbilico applicatus.*
8. *Lecotho gargarizato, etiam pulvere contactus dens caruus ac putris decidere dicitur.*
9. *Icterus, qui Morbus Regius appellatur.*
10. *Suppurationes, collectiones, sinus ulcerum Chelidoniâ siccantur, vulnera adeo ut etiam pro spodio utantur, Plin. lib. 26. 14. Chelidonii succus exsiccat detergetque valide, adeo ut vetera malignaque ulcera, sinus quoque & fistulas, expurgat, detergat, tandemque persanet, Fernel.*
11. *Herpes, Serpigo, Anglicè Tetter, unde & herba quibusdam dicitur Anglicè Tetter-wort.*

Eruca.

1. **V**OS, ô, legitimo quos jungit fœdere Lectus,
In quo cuncta licent gaudia, cuncta decent,
Nostri nē pudeat foliis cœnare libenter:
Non solum pascunt hæc alimenta famem.
Ista dabunt totâ Convivia dulcia nocte,
Gustatu Corpus ruminat ista novo.

At vos, ô Juvenes casti, innuptæque puellæ,

Atque omnis vacui turba severa tori,
Si sapitis, *Veneri* sacram nè tangite plantam :

Ite ; *Pudicitia* sæva *Venena* fero.

Ipse *Cupido* meâ latitat, velut *Anguis*, in herbâ ;

Et tingit succis igneus arma *Deus*.

Hortorum Præses plus nullum germen in hortis

Et colit, & pulchris donat, & ipse vorat.

Hinc reor æternum pruris, lascive *Priape*,

*Nequitia*que vigent arma parata tux.

2. Me jubet ut vites, qui ponere quæris amorem,

Naso, *Cupidinei* vulneris *Hippocrates*.

Sed, bene si memini, nihil ipse gulosius edit,

Et voluit blando solus amore frui.

Ah vaser ! at cum tu tibi, *Naso*, medeberis ipsi,

Tunc Ego *Læticis* castior esse volo.

Sit donata aliis folii laus frigida casti,

In viduo somnos conciliëntque toro :

Me juvat, ô, fortes Ludo committere *Amantes*,

Temporâque assiduis præcipitare jocos.

Me *Nequam* esse juvat ; juvat indefessa *Libido*,

Et nullo admistus Felle meracus Amor.

Non ego *Morborum* medicamina tristia curo,

3. (Quanquam etiam *Morbos* mî superare datur :)

Grata *Voluptatis* teneræ somenta ministro ;

Tolle hanc de *Vitâ*, *Vitâ*que *Morbus* erit.

Sic ego sum, Lector ; si sic placeo, utere : sed me

Stoicidarum aptam non reor esse *Gulæ*.

Si te crassa juvant tetricorum frigora morum,

Solve, precor, fatuam *Lente Palustre* Famem.

Eadem.

Lena Voluptatis scdæ, discede Libello

(Infamis tecum est quid mihi *Lena* ?) meo.

Nec

Nec castas *Herbas*, castumve offende *Poëtam*;
 Nam nos offendis, *Mæcha*, pudetque tui.
 Cum *Mereatrice* simul veluti *Matrona* videri
 Dedecorique sibi flagitioque putat;
 Sic dedignatur *Nymphæ* volumine eodem
 Conjugi tecum, pallidæque ora rubent.
 Non impunè olim foliis cœnata libenter,
 Tunc cùm *Nympha* fuit, traditur esse tuis.
 Namque illâ *Alcidi* se primùm nocte miscella,
 Te facilem nimium conciliante, dedit.
 Ipse Ego (quis credat) de te dum carmina pango,
 Et tua dum *Mentem* stringit *Imago* meam,
 Nescio quem sensi perrepere in ossa calorem,
 Qualem præmitit mox subiturus *Amor*.
 Ille quidem tali pugnam cum *Velite Flammâ*
 Incipere (heu quondam res mihi nota!) solet:
 Nunc invisus *Amor*, mihi nunc *Insana Libido*
 Dicitur, & didici *Nomina* vera loqui.
 I, fuge, quære alium, lasciva *Eruca*, *Poëtam*;
Lesbia det *Vatem*, sive *Corinna* suum.
 Carmine tu nostro vel prætereunda, vel inter
 Dira *Venenatumum* tandem habitura locum.
 I, fuge; nil opus est vitia irritare molesta;
 Nil *Condimentis* indiget illa *Fames*.
 Inficit accenditque (heu!) nostra alimenta *Cupido*,
 Se miscens ipsis insinuansque *Cibus*.
 Linque *Herbas* saltem nobis, *Medicamina* linque
 Integra *Morborum*, Maxime *Morbe*, *Venus*.
 Germina quæ *Sexu* voluit *Natura* carere,
 Instrumenta operi sunt aliena tuo.
 Hæc tamen ipsa *Venus*, *Venus* hæc convertit in usus,
 (O nimis *Artificem*!) quamquam aliena, suos.
 Quis tantam *viridis Flammam* sub tegmine *Vita*,
 Assiduo passam rore, manere putet?
 Quid mirum est, si densa inter convivia *Regum*
Luxuria regnet certa *Libido* *Comes*?

Illam inter medias latitantem repperit Herbas
Cum Bove Convivâ Pythagoræ Fames.

1. Græcè *Ἐρῦς*, à candiendis opsoniis, Anglicè *Rocket*.
Calida & sicca tertio ordine existimatur. Eruca præcipuè frigorū contemptrix, diversa est quàm *Lactuca natura*, conciliatrix *Veneris*; idcirco jungitur illi serè in cibis, ut nimio frigori par fervor immixtus temperamentum æquet, Plin. lib. 19. 8. Et, *Aviditas coitus* putatur ex cibis fieri; sicut viris *Erucâ*, pecori *Cepa*, lib. 10. 63. Ergo à *Marijale* appellatur *Herba salax*. *Virgil.* in *Moreto*,

— Venerem revocans Eruca morantem.
Colum.

Excitet ut Veneri tardos Eruca Marinos.

2. *Ovid.* Lib. 2. de rem. Amoris,
Nec minùs Erucas aptum est vitare salaces.
3. Eruca semen *Scorpionum venenis* & *Muris aranei* medetur — putant subvitiâ *Erucâ* si foveantur oculi, claritatem restitui — *Tussim* infantium sedari. Radix ejus in aquâ decocta fracta ossa extrahit; nam de *Venere* stimulandâ diximus, tria folia sylvestris *Erucæ* sinistrâ manu decerpta & trita in aquâ mulsâ si bibantur, Plin. lib. 20. 13. *Utinam* sinistrâ manu non addidisset, nè hoc toti fidem deroger: sed *Vir ille*, alioquin incomparabilis, tot *Græcorum* *Magorumque* impudentissima mendacia aliquando intertexit, ut mihi doleat sanè legenti, cum prosâ oratione scripisse, ac non hoc potius modo quo hîc ipsi philosophamur.

Plantarum

P L A N T A R U M

L I B. II.

1. **S** *Acra Bona* celebranda *Dea*: *Procul ite, profani*;
Ite cachinnantes, non pia turba, Mares.
Fœminei secreta chori nescite libenter;
Nescite, aut saltem dissimulate, Viri.
Inspectare nefas generis Postscenia pulchri;
Ingens quæ pascit lumina Scena patet.
Tuque secunda adeò fulgentis gloria Mundi,
Sanctius hîc Fratris numine numen habens,
Tu, Bona Luna, fave, tu cornibus annue totis;
Annue crescenti comiter ore mihi.
Tu lucentem aperis, Lucina, Infantibus horam;
 2. *Vitalisque uteri, Fana, tuere fores.*
 3. *Morbiferi rivos educis, Mena, cruoris,*
Mutatove novo currere Læte jubes.
Tu Sexum regis instabilem, fideique marinæ;
Arbitrioque fluunt Pontus & Ille tuo.
Viribus arcanis quibus humida regna gubernas,
Ingenii tumeant Flumina parva mei.
 4. *Sis Lucina mihi, sis fertilis Ilithyia*;
Et Cerebri curam Parturientis age.
1. *Quoniam hic liber tractat Plantas tantum Muliebres, eoque nomine Bona Dea sacer est, qua Mares omnes à mysteriis abigit.*
 2. *Fanus Solem significat, Fana Lunam, unde illi Diana nomen deductum.*
 3. *Sit Dea Mena quam præfecerunt menstruis saminarum*

August. de Civ. Dei l. 4. 11. Ibi est & Dea Mena, qua menstrui fluoribus præst, quamvis Jovis filia, tamen ignobilis: & hanc provinciã fluorum menstruum in Libro Selectorum Deorum ipsi Junoni idem auctor assignat, qua in Diis Selectis etiam Regina est, & hic tanquam Juno Lucina cum eadem Menã privignã suã cruori præsidet, Id. lib. 7. 2. Hac Luna est qua Minyn Gracẽ dicitur, quia illa menstrua profuvia temperat, quod ad ejus rationem vel moventur vel quiescunt, ut Arist. in Lib. de An. scribit; quæ etiam est Jovis & Latona filia, idẽ privignam Junonis vocat; ignobilis tamen est eo nomine apud Latinos, Lud. Vives.

4. Juno, Jana, Diana, Lucina, Mena, &c. hæc omnia nomina non nisi unam Deam, nempe Lunam, primò designarunt, quæ Εἰλειθυα propriè dicta est, quod ad parturientes veniat, ab εἰλῶθω, unde etiam in Græco Epigr. simplicius Ἐλειθυα appellatur.

1. Mensis erat quem Diva colit pulcherrima pulchrum,
Lætities anni pictæque pompa redit.
Convaluere ægræ, relinquuntque cubilia Plânta,
Atque exire audent Sole jubente foras.
Ut gaudent Cælum Patrẽmque revîsere charum l
Rupissẽ & Tumuli vincla severa sui l
Et Mundum, & dulces circũ spectare Sorores l
Nec Risum immeritò gaudia tanta cient.
Mox operi accingit sese gens sedula, blandis
Incorrupta bonis, officiisque memor.
Pro se quæque opibus contendere strenua summis,
Inque dies densis altiùs ire co nis,
Et folia & pulchros in lucem educere sætus,
Et properè humanis usibus esse pares.
Ut valũere satĩs, mora nulla est; rebus agendis
Intendunt animos, Conciliũque vocant.
Concilium sibi quæque Tribus (quæ plurima Genti est)
Privatim (Genti mos vetus ille) tenet.

F

Sunt.

- Sunt propè mille *Tribus* ; sed quid sit in omnibus actum
 Vix bene ceneno dicier ore potest.
 Nec mihi scire licet ; Gens cauta silentia servat,
 Et sacra *Conventus* occultit acta sui.
2. Sed mea me *Laurus*, quæ jussa interfuit uni,
 (*Illa Gynacis* nomine dicta *Tribus*)
 Edocuit viridis secreta negotia cœtus,
 Et quid quæque *Herba* est, quoque locuta modo.
 Vos, ô *humani* pars blanda & florida *Mundi*,
 (*Res hic vestra* agitur, nec loquor ista *Viris*)
 Vos di&is præbere animos, & credite quicquid
 Nescia fallendi *Delphica Laurus* ait.
3. Splendebat cœli de vertice *Cynthia* summo,
 Atque udo tumidus lumine vultus erat.
Conveniunt Plantæ motis radicibus omnes,
 Nobilis *Oxonii* quas sac. er *Hortus* alit ;
 Omnes sceminei quibus est tutela doloris :
Orpheam credas signa dedisse *Lyram*.
Conveniunt quo bella æquo nitet area circo,
 Et se formoso molliter orbe locant.
4. Prima sedet castæ per honorem planta *Diana*,
 (*Concilii Præses* tunc ea fortè fuit.)
 Deinde *Magistratu* modò quæ præcesserat illam
5. *Optima* non vano nomine dicta sedet.
 Occupat indè locum (casu puto & ordine nullo)
 Arridens lætis blanda *Melissa* genis ;
6. *Thymbræque*, (7) *Serpillumque*, orisque *Abfinthia* torvi.
Asparagûsque, (8) duplex *Abrotonumque* genus.
9. Tu, *Crocæ*, adhuc teneris gaudens servire puellis,
 Nunc hilaris, quondam tristis *Amator*, ades.
10. Quicque magis stulto tabescis, *Amarace*, luctu,
 Nunc causâ exitii suavior ipse tui.
 Candida *Paoniam* comitantur *Lilia* rubram,
 Additur & *Viola* Purpura tincta recens.
11. Séque *Lasæ* foetens tam dulci jungere turbox
 Audet, Virtutis conscia planta suæ.

12. Et plenam portans *Lactuca* sub ubere *Mulcram* 3
13. Et quamvis *Cypria*, *Nympha*, inimica *Dea* :
14. Et grave *Marrubium* bene-olenti (15) *Bacchare* junctum,
16. Atque Uteri madido *Scordias* læta solo:
17. Et *Polium*, & (18) *Calamintha*, habitantia montibus ambo ;
Ambo sed ad frigus vellere rura suos
19. Et bene juncta bonæ vitalis *Salvia Ruta*,
20. Quæque *Arcus* titulum multicoloris habet.
21. Et *Seselis*, *Cervis* *Distamno* gratior ipsa,
22. Ex quoque potens semine *Daucus* adest :
23. *Consolida*, & *Plantago* salubris, germina frugi,
Quæque solent firmis cuncta tenere seris :
24. *Imperiumque* suum regali nomine signans,
Et *Regum* titulis altior *Angelica* :
25. *Spicæque*, (26) *Pulegiumque* accline, (27) brevèsq; *Anemona*;
28. Atque *Epicureæ* nobile *Felis* olus.
29. Atque *Abiga* arrepsit tardo molimine tandem,
Vix humilem terris ausa levare pedem.
30. Venit, nec miror quod venerit, *Anthemis* illuc 3
Per *Lapides* ruptos invenit illa viam.
31. Venit ab *Hispanis* felix *Vettonica* sylvis,
Quæ gentis magnæ gloria sola manet.
32. *Virginibusque* favens pia *Virginis* herba *Minerva*,
33. Et germen venit *Mercuriale* comes.
34. Venit *Erythrodanus*, radicis symmata longæ
Post tergum proprio murice tincta trabens.
35. *Distamnus* venit boreali frigore quamvis
Tardigrada, & *Cretâ* tristis abesse sua.
36. Et nimium immodicis *Cyclaminum* viribus audax,
Et (liceat tandem dicere) *Centum alia*.

1. *Aprilis*, *Aphrodite* sacer, unde nomen obtinet.
Sed Veneris mensem Græco sermone notatum
Auguror, à spumâ nam *Dea* dicta *Maris*,
Ovid. Fast.

2. *Laurus* meritò ad hunc conventum accersum, nam inter
præcipuas

præcipuas plantas laudatur quæ utero dicantur. *Laurus* ex-calsa ærii naturam habet, & foliis & cortice & baccis; itaque decoctum ex his, maximè ex foliis, prodesse vulvis & vesicis convenit.—Prosunt & mensibus sæminarum cum oleo cocta.—Cortex radicis cavendus gravidis.—Bacca menses trahunt appositæ, trita, vel pota.—Sunt qui celeritati parius multum conferre putent radicem acetabuli mensurâ in aquâ potam, efficacius recentem quàm aridam.—*Laurus Alexandrina* sive *Idea* partus celeres facit, secundas etiam pellit, mensesque eodem modo pota, Plin. l. 23. 8.

3. Nox mediæ plenilunii Aprilis.
4. *Artemisia*, Angl. Mugwort. Mulieres quoque hanc gloriam affectâvere, in quibus *Artemisia* uxor *Mausoli*, adoptatâ herbâ qua antea *Parthenis*. Sunt qui ab *Artemide Ilii*niâ cognominatam putent, quod privatim medeatur sæminarum malis, Plin. l. 25. 7.
5. *Aristolochia*, quoniam est αἰγίσκη λεχίσσης optima parturientibus. Anglicè Birthwort.
6. *Saturcia* vulgò.
7. *Thymus* agrestis.
8. *Abrotonum mas*, Southernwood; *Abrotonum* sæmina, *Lavender-Cotten*.
9. *Crocus* puer impatientissimo amore *Smilacem Nympham* deperiens, in florem sui nominis conversus dicitur. Ovid. 4. *Metam.* Hilaris, & propter pulchritudinem floris, & quod hilaritatem generet.
10. *Filius Cinara* Regis Cypri, qui fractâ casu unguenti præciosissimi pyxide præ mærore contabuit, & commiseratione Deorum in hæc herbam bene-olentem conversus est. *Vulgaris Majoranam*, Plin. & *Sampsuchum* vocat.
11. *Laserpitium* (nam *Laser* propriè jus lacryma dicitur) fetidissimum saluberrimùmque germen, cujus gummi *Assa* fetida vulgò vocatur.
12. Ob lactei succi copiam, & quod Lac generet in sæminis.
13. *Nymphæa*, olim *Nympha*. Vide fabulam lib. 1.
14. Anglicè Horehound, *Prasum*, odorem porri reserens.

Bacchar

15. *Bacchar* radicis tantum odorata, à quibusdam *Nardum* rusticum appellatum. Unguenta ex eâ radice fieri apud antiquos *Aristoph.* prisca Comœdia Poëta testis est: odor est ei *Cinnamomo* proximus, *Plin. l. 21. 6.* *Baccar* in medicina usui aliqui ex nostris *Perpensam* vocant — Porio mulieres. ex abortu purgati, &c. *Plin. lib. 31. 19.* Officina *Marrubium* nigrum vocant.
16. Anglicè *Water-Germander*, palustribus libentissimè crescens.
17. *Polium Montanum* dicitur, & in officinis *Calamintha Montana*; utrisque lanuginosa folia caulesque; *Polio* ab eâ causâ nomen trahente, Πόλις, canus.
19. *Rutacum* *Salviâ* sata fugare bufones cateraque venenata creditur quâ salviâ appetunt.
20. *Iris*, *Flower-de-Luce*.
21. Paulò ante partum *Cervæ* se purgant quadam herbulâ quâ *Scselis* dicitur, *Cic. de Nat. Deor. lib. 2.* *Plin. lib. 8. 32.* paulò aliter de *Cervis*. A Partu duas habent herbas, quæ *Aros* & *Scselis* appellantur. Pasta redeunt ad sætum: illis imbui lactis primos volunt succos quacunque de causâ, & lib. 25. 8. *Calep.* dicit à vulgo herbariorum *Saxifragam* majorem nominari.
22. Genus *Pastinaca sylvestris*: Anglicè *Wild Carrots*. Duas differentias facit *Plin. lib. 25. 19.* Semen (inquit) hujus *Cumino* simile, prioris *Milio*; album, acre, odoratum omnibus & servens — omnia hæc & hyeme & æstate sunt intacta quadrupedi nisi post abortus.
23. Anglicè *Confound* & *Plantain*. Duæ plantæ astringentes, & in nimis fluxibus uteri utiliter adhibita.
24. *Imperatoria*, Anglicè *Masterwort*.
25. *Lavendula*.
26. Ob surculos humi recumbentes. *Angl. Penny-royall.*
27. *Αντιόυν* dicta à vento, quo flante spoliatur floribus.
28. *Nepeta*, *Cataria*, *Mentha Cataria*, quòd à felibus avidissimè devoretur, quòdque in eâ corpora volutare ludibundè gestiant, quæ *Epicureæ* dicuntur propter has delicias. *Angl. Catmint.*

29. *Chamaepitys*, Ground-pine, propter aliquam similitudinem
& odoris & foliorum, *Abiga* appellatur ab abigendo partu ;
aliis nominibus dicitur *Thus Terra*, & *Iva Arthritica*.
30. *Chamelon*, *Leucanthesis* Plin. Pellit pota calculos, Id.
Ad calculos efficacissima, Id. Tanta autem esse dicitur ad
hanc rem efficacia, ut si calculus exemptus ex humano corpore
ejus foliis involvatur, brevi tempore dissolvatur.
31. Vid. Lib. I. *Gentis Magnæ*, *Vettonum*, quorum nullum,
quod sciam, memorabilius factum extat, quam quod usum
hujus herba invenerunt.
32. *Parthenium*, *Matricaria*, *Febrifuga*, *Perdicium*, *Leucan-*
the, *Tamnacus*, *Muralium* ; nam abundat nominibus : An-
glicè *Feverfew*. *Vernula charus Pericli Atheniensium* prin-
cipi, cum is in arce templum edificaret, repositusque super al-
titudinem fastigii & cecidisset, hac herba dicitur sanatus
monstratus Pericli somno à Minervâ, quare *Parthenis* vocari
cepta est, assignaturque ei *Dea*, Plin. lib. 22. 17.
33. *Mercurialis*. *Ἐγὼν ὁ βότανον*, à Mercurio invenire, etiam
Parthenium olim dictum.
34. *Rubia Tinctorum*, qua radicem habet ruberrimam longis-
simamque, à colore nomen *Erythrodanum* sortita, tingendis
lanis & coriis magno in usu. *Lemnius Levinus* affirmat ossa
pecudum sandicino colore tingi si vel viventem herbam man-
dunt. Anglicè *Madder*.
35. Vide paulò post.
36. Vid. Lib. I. *Sow-bread*.
1. Multa quoque extremis advecta videntur ab Indiis,
De nostro multum germina quæsta polo.
Sed fama Oxonii, vel utrosque vagata per Indos,
Solatur curas, exiliamque levat.
Hæc inter steterunt æqualibus intervallis,
Et suprâ virides explici ère tholos,
Et genus Arboreum, & Fruticum Pygmæa propago ;
Et viâ est Crenis bella Corona suis.

2. Phæniceos portans *Vermes* pro *Fruſtibus* *Ilex*,
Hesperidum auriferis invidioſa jugis,
 Stabat, ſcæmineis *Morbis* & *Luxibus* apta :
 Quid diſjungo illos ? *Morbis* habendus hic eſt.
 Hanc *Hedera* intexit ditem fallacibus ulnis,
 3. Blanditiisſque malis *Arboricida* necat.
 Stat juxtà invidiam *Cocci* factura ſuperbis
 Murice mox *Floris* nobiliore *Roſa*.
 4. Nec procul extendit ramos *Betula* ſeveros,
 5. Et ſcelere humano ſæpe *Sabina* nocens ;
 Et patulo amplexu, Te dignaque, *Tiſſyre*, *Fagus*;
 6. Quique meretur emi vilis ubique *Rubus* :
Malus & auratis pretioſa *Cydonia* Pomis,
 7. Et *Medicina* homini vulnere *Myrrha* ſuo.
 Poſtremo (indiſta mihi quaſo ignoſcite *Planta*)
 8. *Juniperus*ſque ſerax, ſacraque *Laurus* adeſt.
 Talis erat viridis ſpecies reverenda *Senatus*.
 Nox eſt ; *Ventus* abeſt ; *Concio* tota ſilet.
 Expectant, tacitæque arreſtæ frondibus aſtant :
 9. Se levat, & *Præſes* *Parthenis* orſa loqui.
1. *Hi Galanga, Nux India, Nux Moſchata, Zedoaria, &c.*
 2. Dicitur *Ilex Coccifera*, ut diſtinguatur ab *Illice Glandiſera* communi. Sunt autem hi *Cocci* *Bacca* ſuſcùm purpureum in ſe continentes, qui ſole coctus tranſmutatur in *Vermem* nobilem tingendis purpuris. Hi *Cocci Hesperidum* pomis præſeruntur, cum propter magnos in *Medicinâ* uſus, tum prop-
 ter eximiam tinctura pulchritudinem dignitatẽſque, unde non minùs lucri ex hac *Illice* quàm ſi *Mala aurea* portaret.
 3. *Arboricida*. Verbum fictitium, ſed factis ex analogiâ alio-
 rum. Adjungitur autem *Hedera* quæ ſceminini generis, non ut *Adjectivum*, ſed per *Appoſitionem*.
 4. *Anglicè Birch*. *Severos*, quod ex hac arbore *Magiſtra-
 tum* olim *Fæces*, nunc *Paſagogorum Virga* conficiantur.
 5. Quod aburiſibus procurandis in frequenti uſu ſit.
 6. Propter eximiam vim aſtringendi.

Inciditur

7. Inciditur arbor ut gummi ejus facilius exsudet.
8. Ferax, quia veteribus baccis adhuc manentibus nova subinde subnascuntur.
9. Nempe quæ ante Parthenis dicta erat quàm Artemisia, Præses additur, ut distinguatur à Mairicaria, quæ Parthenis à Minervâ nominabatur, sicut hæc à Dianâ.

Artemisia.

1. **P**ost longa hic, Matres Conscripta frigora tandem
 (Sit felix generi nostra, Hominumque precor)
 In sancto solitoque frequentes adsumus Horto,
 Et sacri Mensis Nox celebranda sacra est.
 Græcia sit tibi, Phœbe Pater ; tibi, maxima Nutrix
 Cynthia, quæ dictis lucida Testis ades.
 Sed Libertatis momenta fugacia curæ
 (Namque dies mox nos orta refiget humi)
 Nec Nihilò, nec nos vano sermone teramus,
 Nec Ludis ; Homines sic sua Festa colant.
 Vivere nunc æquum est verè ; nam frigida Bruma
 Dimidium Vita (Martis Imago) tenet.
 Ergò agite, Utilibus nunc æquum incumbere curis :
 Longa Quiescendi tempora Bruma dabit.
 Quos deleat vobis subigendos Jupiter hostes,
 Et quantum officii sustineatis onus,
 Expertæ multis magnisque laboribus estis,
 Oppressisque piam sæpe tulistis opem.
 Nec certe exiguo generosis Gloria plantis
 Dehuit, & Sexius gratia mollis emi :
 Bella gerenda manent eadem, semperque manebunt
 Dum tumidi Infantes pondera Ventris erunt.
 Bella manent ; sed quò felicius illa gerantur,
 Scire decet nostras, & decet Hostis opes.
 Dicite vos, longus quas edocet usus utrumque,
 Ingenue vestras dicite, & Hostis opes,

Dicite

Dicite Teste Deâ, quæ nos videt aurea, verum ;

Et ferat hæc patriæ quæque Tributa lux.

Et doceat discâtque volens : sit nulla docere

Invidia, & nullus sit didicisse *Pudor*.

Prima mereatur agi quæ nos tam sæpe recursans

Sanguinei exercet Menstrua cura mali :

Fœmineus quo fonte ruens, quo *sidere* frētus,

Fœcundum toties *Nilus* inundet agrum :

Quid *Fluvium* premat immodicum, impellatve morantem,

Et *Bona* quot secum, quantæque *Monstra* vehat.

Pandite secreto *Mysteria* clausa recessu ;

Nec vos rem tanti credite turpiculam.

Dixerat, incipiunt reliquæ, studioque calenti

Propositum (ut doctis mos) agitur opus.

1. Non immeritò in hoc conventu præsidet *Artemisia* (quam honoris, puto, causâ quidam Matrem herbarum appellant) nam omissis aliis virtutibus, quæ non sunt hujus loci, nihil aquè utero parocinatur, Plin. l. 26. 15. *Artemisia* Vulvæ medetur trita ex oleo Irino aut fico, aut cum Myrrhâ apposita. Ejusdem radix pota in tantum purgat, ut partus enectos extrahat. Menses & Secundas cict ramorum decoctum insidentibus ; item folia pota drachmâ. Ad eadem omnia prosunt vel imposita ventri, imò cum farinâ hordeaceâ. Addam unum *Fernelii* testimonium, lib. de Meth. Med. *Artemisia* species dua calida 2^o, sicca 4^o, tenuium partium : sumpta, aut in uteri fomenta vel in secessus accommodata, menses ducunt, secundas scietusque extrahunt, Uteri præclusioni conferunt. Earum quoque succus cum Myrrhâ subactus & admotus, elicit quacunque concluduntur in utero.

Pulegium.

- *Pulegium.*

1. **P***ulegium*, sua quo virtus celet rator esset,
 (Et dicentis odor gratus ab ore venit)
 Explicuisse ferunt, quot tristia damna minetur
 Purpuream sistens *Rivulus* ille fugam.
 Succedunt gravitas membrorum usque tumores,
 Férque luum Corpus non patlenter onus :
 Succedunt placitarum olim fastidia rerum,
 Ipsius & *Vita* Nausea tetra subit ;
 Ulceráque, & putres ruptis fornacibus ignes,
 Et Vomitus misto sanguine terribiles.
 Nunc *Lábor*, atque *Uteri* nequicquam pugna furentis,
 Et *Mortes Animá* mox titubante breves.
 Pectore tardus nunc domito vix *Spiritus* exit,
 Mox omnes artus *Tussis* anheia quatit.
 Ipsa etiam victor scandit *Capitolia Montis*,
 Et *Cerebri* gyros occupat hostis atrox.
 Hinc vigiles *Noctes*, vigiles sed omnia terrent ;
 Veráque *Mens* patitur dum mala, falsa creat.
 Jactatámque diu serus vitam obruit *Hydrops*,
 Atque *Anima* è merlá *Naufraga* puppe natat.
 Ah quoties verno gemmantes flore puellas
 (Multa sagittifero jam meditante Deo)
 Hic ferus exurit subitá rubigine Morbus ?
 Flet deceptus *Amor*, tristis *Amator* abit.
2. Inficit ora virens, ipsa inficit oscula pallor ;
 Tingit ut afflatus *Sulphuris* aura *Rosas*.
 Carbónes Cinerésque vorant gypsúmque tenacem.
 O scæda, & verè jam *Maleuada Fames* !
 Non edit hæc *Virgo*, scelus est dixisse ; sed illa
 In jejunanti *Virgine* Morbus edit.
 Hæc ubi *Pulegium*, (sed multa *pathetica* verbis
 Addidit, humano non referenda sono)

Dicitur, ut miserâ de *Virgine* mentio facta est,
Concilium lacrymis commaduissè piis.

Non aliter currum *Lunâ* fugiente diurnum,
Discessum Domina flet bona turba suæ.

Addidit & causas quâ vi, quo tramite cæco
 Perrepret victrix omnia membra lues.

Ille ferox (ait) *Humor* ad ostia nota secundo

3. *Pulsantis Vena* flumine pronus abir.

Sive illum virtus *Uteri Magnetica* sugat,

Ut *Rex* totius *Corporis* haurit aquas ;

Cynthia seu cursum, rerum *Regina* fluentum,

Dirigat, æquoreas quâ regit arte vias.

Sed clausas *Uteri* si repperit obice portas,

Legitimumque illi foriè negetur iter ;

Tum furit, exacuitque æstum : pars crassior hæret,

Vicinisque movet bella nefanda locis ;

At pars mobilior sursum se attollit, & audet

In *Venas* puri sanguinis ire comes.

Latro Comes roseos corrumpit luridus *Amnes*,

Quâ que fluit, ripâ marcet utrâque solum.

Vitalique *Cava* desertur lethifer alveo,

Obiessioque ferox *Hepate Corda* petit.

4. *Corda* tumens tantis dexter successibus intrat,

Ingenti trepidant funditus illa metu.

5. At *Regio* ulterior *medii* munimine *Septi*,

Et tutam vallo se putat esse suo.

6. Heu mora parva mali ! *Pulmones* occupat ille,

Sentit & arctatum *Spiritus* æger iter.

Indè viâ pronâ parvâque *Propontide* vectus,

Invadit lævi regna remota sinûs.

Quid satis est *Morbo*, cui *Cor* non sufficit ipsum ?

Omnia ni teneat, pauper *Avaritia* est.

Torrentem ingreditur *Fluviorum Regis Aorta* :

Hei mihi ! tum nullo more modò que furit.

Nec siens ætherius *Capiti* est, *Pedibus*ve profundus

Auxilio ; effrænis victor ubique meat.

Scilicet

Scilicet ut toto diffusus Corpore Sanguis,
Diffusa in toto Sanguine Pestis inest.

1. *Pulegium* nomen obtinuit, quòd, ut ait Plinius, *Flos recentis incensus Pulices* necat odore. Γλήκων vel βλήκων *Græc.* dicitur, quòd gustatum à pecore caprisque balatum concitet. Multa diverſaque vires illi attribuntur: de iis quæ ad præſens negotium attinent ſic Plin. l. 20. 14. Ex melle & aceto ſedat menſtrua & ſecundas, vulvas conſerſas corrigi deſunctos partus ejicit. Cui adjungamus *Fernelium*; *Pulegium* caſſacit ſiccâſque ordine tertio, potum extenuando menſes, ſecundas, ſæpiusque pellit; tumores, durities, & uter conſerſiones in ſeſſu ſoluit.
2. *Morbus Virgineus*, *Fædi Virginum colores*, χλωρόσσι qua ſignificat & Viriditatem, eſt enim à χλωά, herba virens, & Pallorem, in χλωρόν δέ & Hom. Ab aliis *Febri Alba* appellatur, quòd plerumque febricula comitetur.
3. i.e. *Arteria uterina*. *Arteria* à Veteribus *Vena* nominabatur, ſed plerumque diſtinctionis cauſa cum epitheto, *Pulſatiles*, *Pulſantes*, aut *Micantes*, σφυκταί φλέβες. Sic Cicero *Arteriam*, quanquam & eo nomine alibi utitur, *Venam* micantem appellat.
4. *Ingreſſitur Ventrículum dextrum Cordis*; unde *Palpitatio Cordis*, frequens in hoc morbo ſymptoma.
5. *Ventrículus Cordis ſiniſter*, qui à dextro, ſepto ſuo nullis foraminibus pervio, ſeparatus, poſſit ab illâ vitiati ſanguinis irruptione tutus videri.
6. Ex lege nobiliſſimæ Circulationis *Herveiana*, è dextro cordis ventriculo *Venam* ingreditur *Arterioſam*, deinde per *Pulmones* transfunditur in *Arteriam Venoſam*, qua tamquam parva *Propontis* exonerat ſeſe in *Ventrículum ſiniſtrum* velut *Pontum ſuum*.

Aſſenſcre omnes; neque enim dubitatur ab ullis
Purpureus Vitam quo roter orbe labor.

Excipere

Exciperent rîlus frondosâque sibila plantam,
Veracem *Hervæum* siqua negaret adhuc.

Dictamnus.

1. **D**ictamnus, quamvis constriquant frigora fauces,
Insectâ properè se levat *Endromide*.
Nam *Declamandi* si se bella offerat ansa,
Quid prohibere potest *Germina Græca* loqui ?
*Pulegiûm*que illi tanti miracula morbi
Rhetoricè visum est explicuisse parùm.
2. Arripuit quicquid cognata reliquerat *Herba*,
Et doctâ sibi met garrulitate placet.
Si nondum infandi quæ sit vis *Æva veneni*
Scitis, dum calido corpore foras later,
Vobiscum reputate precor quid corpore pulsa,
Quid sola, exul, inops, mortua pestis agat.
Illam errore malo gustent hominèsve canèsve,
(Inque *Canes* potiùs tam malus error eat)
3. Protinus humanam invadit vesania mentem,
Et totam incrustat sordida *Lepra* cutem.
4. At *Canibus* rabies succedit hiantibus atra,
Et *Siris* ardentes & *Timor* urget aqua.
5. Illa (nefas dirum!) prægnantibus illita partum
Semihominem jugulat præcipité nque trahit.
Credite nunc pueros tali de sanguine natos;
Sic format foetus, sic alit ille novos.
6. Nec satis hoc; illo seges alma & *Vitis* abortum
Afflatæ faciunt, & sterilescit ager.
7. Ipla etiam, gravida est si fructibus, *Arbor* abortit;
Si *Virgo*, agrotat, si modò nata, perit.
8. Vos, *Hedera*, testor (quis enim pudor acta fateri ?)
Quid vos tum folii vis medicata juvat ?
Téque, *Venenorum* victrix celeberrima, *Ruta*,
Luctantem cogunt tanta *Venena* mori.

Arescunt

9. *Arescunt Autumnali flavedine Plantæ,*
Et mœsta Iſſericus germina tingit Odor.
10. *Ille fugat Cives tactis Alvearibus ægros:*
Et vaga, & iratùm murmurat Exul apis.
Linqvit opes misera auratas, longòsque labores,
Et structa artifice dulcia recta pede.
11. *Nec sua defendunt latitantem dolia Bacchum,*
Languentisque senet prima juventa cadi.
12. *Parva loquor; non se defendit belliger Ensis;*
Sed cedunt molli dura Metalla Lui.
Fit Sanguis toties effusi sanguinis ultor,
Et jam mutatâ vulnerat Arma vice.
Sæpe Viris causa est belli, gladiòsque repòstos
Fæmineum exacuit Forma venusta Bonum.
Fæmineum ergò Malum gladios obrundat eisdem;
Obrundat tanti vel meminisse mali.
Ah! nimium Mulier facie confisa superbit;
Ah! nimio illa nimis se putat esse Deam.
Viribus immodicis, heu! non civiliter usa,
Mittit adorantes sub juga sæva viros.
Tu verò humanas, Dea non purissima, sordes
Respice, & esto memor quid tibi Luna ferat.
13. *Inspice tunc Speculum, quo nunc decepta ferocis:*
Tunc verè quàm sis Pulchra videre potes.
Tunc Corruptiorem corruptis dira nitentem,
Et diuturna tui certaque signa gerit.
Tunc Furia, propriæque Venefica Imaginis audis.
Quanta lues! Umbra pestifera ipsa tuæ!
- Sic ait, utque erat in cursu, parat addere multa:*
Sed totum dicunt obstrepuisse chorum.
Pérque omnes ramos, & per folia omnia circum,
Tanquam indignantum, non leve murmur erat.
Namque ibi fæmineo multùm indulgetur honori,
Et visa est temerè verba prophana loqui.

1. *Diſtamnum* oftendêre (*Capra*) vulnerata *paſta*, ſtatim decidentiſſimis telis : non eſt alibi quàm in *Cretâ*, ramis prætenue, *Pulgio* ſimile, fervens & acre guſtu ; foliis tantùm utuntur. Flos nullus ei, aut Semen, aut Caulis ; Radix tenuis ac ſupervacua. Et in *Cretâ* autem non ſpatioſè naſcitur, mirèque capris expetitur, *Plin. lib. 25. 8.* Præcipua *Diſtamno* vis eſt, Menſes ciet, partus emortuos vel tranſverſos ejicit ; bibitur ex aquâ foliorum obolo ; adeò ad hæc efficax, ut nè in cubiculum quidem prægnantium inſeratur : nec potu tantùm, ſed & illitu & ſuſſitu valet, *Plin. 26. 15.* At *Fernel. Diſtamni radix* (quam tamen *Plin. ſuprà* ſupervacuam eſſe ait) tum pota, tum vel ſuſſitu vel peſſo excepta mortuos jam ſatus educit, & ſolo guſtu partus accelerat, &c. Unde etiam derivari creditur ἀπὸ τοῦ τίνειν, à pariendo. Fas hîc eſſe non puto *Virgilii* *luculentos* de eâ verſus omittere, *Æn. l. 12.*

Diſtamnum genetrix *Cretâ* carpit ab *Idâ*
 Puberibus caulem foliis & flore comantem
 Purpureo, non illa feris incognita capris
 Gramina, cùm tergo volucres hæſere ſagittæ.

Unde ad extrahendum ex *Æneæ* corpore telum ingenioſiſſimè hanc adhibet Poëta. Frigoris eſt impatientiſſima, & niſi maximâ curâ nutriatur foveaturque, hyemem noſtrarum regionum non perfert ; tegumento ei opus eſt contra frigoris injuriâ, unde *Endromis* illi attribuitur, quam etiam caulis ejus ac folia denſâ albâque lanugine reſerunt. Eſt enim *Endromis* hirsutum calidumque veſtimenti genus. *Martial.*

Sordida, ſed madido non aſpernanda Decembri,
 Dona peregrinam mittimus *Endromidem*.

2. *Pulegium* *Diſtamno* cognatum & propter ramorum & propter odoris ſimilitudinem, unde *Diſtamnus* appellatur γλήκων ἄρχια, i. e. *Pulegium* ſylveſtre.
3. Manifeſtâ qualitate nocet, quòd cum moleſtiâ & mordacitate exeat, & conſactu virile membrum excoriet ; Occultâ, quòd ab hominibus hauſtus *Epilepſiam*, *Lepram*, *Maniam*,

Maniam, &c. pariat. In fœminis retentus Uteri suffocationem, Vertiginem, Lipothymiam, &c. in fœtu edito variolas & morbillos, Sennert.

4. *In rabiem aguntur gustato eo Canes, atque insanabili veneno morsus inficitur, Plin. l. 7. 15. Unde affectus ille mirabilis & Canum rabiosorum, & animalium ab iis demorsorum, v. d. p. o. c. i. a. dictus.*
5. *Nè ipsis quidem fœminis malo suo inter se immunibus: abortum facit illis, & omnino si pragnans supergrediatur, Plin. l. 28. 7.*
6. *Sementem arescere, item novellas vites ejus tactu in perpetuum ladi, ib. Sterilescunt tacta fruges, l. 7. 15.*
7. *Moriuntur insita, exuruntur hortorum germina, & fructus arborum quibus insedere decidunt, ib.*
8. *Rutam & Hedera, res medicatissimas illico mori, ib.*
9. *Omnia (hortensia) accessu mulieris menstrualis flavescent, Id. l. 19. 10.*
10. *Præter illa certum est apes tactis alvearibus fugere, Id. l. 28. 7. at lib. 7. Alvei apum emoriuntur.*
11. *Acescunt superventu musta, ib.*
12. *Ferri acies præstringitur, lib. 7. & l. 28. Aciem in cultris tonsorum hebescere, as contactum grave virus accipere & æruginem.*
13. *Speculorum fulgor aspectu ipso hebetatur, Id. l. 7. Eborisque nitor, &c.*

Plantago.

1. **P**lantago assurgit nervo septemplex fulta,
Plantago insignis gloria prima domus.
Styptica gens illi est, quam gentibus Hamatagogi
Insensam virtus ambitiosa facit.
Sed sat habet levibus dictis tenuè ire simulatas,
Et nunquam humano persurit illa modo.

Migna

- Magna (nec invideo) certè laus maxima vobis,
 1. *Gentis Hirudinea* stirps numerosa, datur.
Purpureum meritò depellitis arce *Tyrannum*,
 Ejicitur patriâ jure *Homicida Cruor*.
Formosam imperio vitam premit ille superbo,
 Cogit & insultans multa nefanda pati.
Lurida lethalis circumfert arma *Veneri*,
 Et *Comites Morbos*, agmina longa, trahit.
 Sed quid opus justo superaddere vana timori
Terricula, & magnum magnificare malum ?
 Dum nimium tragicè sævum depingitis hostem,
Horribilis magis est, *Credibilisque* minus.
Heroem minuit fictis quem laudibus augeas,
 Et demit vera gloria falsa fidem.
Geryonem occidit ? Factum memorabile ! at ille
Tergeminus fuerat ; jam dubitare licet.
 Sed facile est vobis *Monstrum* quodcunque domare ;
 Sed nobis *Monstrum* credere difficile est.
 Legisti *Gracos* nimium, *Dictamine*, *Poetas* ;
 Legisti, atque *Artem* te didicisse puto.
 3. At mihi crede tuis quid de *Popularibus* unus
 Dixerit , illorum te meminisse decet.
 4. Sit *Dea Rubigo*, segetem tamen arbitror almam
 Non ità corrumpit *Mensibus* illa suis.
 Et pleno nocuisse cado plus mille *puellis*
 Unius certum est ora bibacis *Anus*.
 Nec furit hoc quisquam gustato sanguine, multos
 Efficit *Insanos* sed locus unde venit.
 Nam curare *Canis* rabiosi vulnera certè
 Ille tuus nimium *Plinius Autor* ait.
Famineum si vitet *Apis* perterrita tactum,
 Nescio ; sed tactum *Famina* vitet *Apis*.
 Fatalem in venis sineret stagnare cruorem,
 A pulso siquidem *Rura* necanda foret.
 Tu quoque deberes melius tibi, *Bacchica* planta,
 Atque *Corymbifero* consuluisse *Deo*.

Nam quod ait rigidos *Gladios ferrumque* retundi,
 Dii bene, si *pestis* summa sit ista bonæ.
 Atque utinam *Facies* pulchra incorrupta maneret,
 Corruptat *Speculum* donec & illa suum.
 Sed quid ago? *latis* hæc miracula *Græca* refellit,
 Fœmina quod tanto non perit ipsa malo.
 Occupat hîc (dictis ut gaudet semper acutis,
 Et *Spinam* in *Lingua* fertur habere) *Rubus*.
 Non tantum his, aliis datur & *Serpentibus*, inquit,
 Ut sua nē noceant sœva *Venena* sibi.
 Nec perimens vultu *Basiliscus* cuncta, periret,
 Si vultum in *Speculo* cerneret ipse suum.
 Subrisere, levique omnes tremuere cachinno;
 A vento credas prætereunte quati.
 Nam *Cynico Frutici* libertas magna dabatur,
 Hanc usu propriam fecerat ille sibi.
Plantago interpellari stomachata resedit,
 Et pulchro incepit protinus ore *Rosa*.
 Dicentisque pudor faciem commendat honestus,
 Gemmantem verno *Flore* rubere putes.

1. Sic dicta per Excellentiam; Græcè Ἀνὸν λωαρον à figurâ foliî. Dividitur ab illis in duas species, Πεντάνερβον Quinquenervia, Angl. Rib-wort, vel Rib-wort Plantago (qua & Plantago Angustifolia dicitur) & Ἑπτάνερβον Septinervia, Angl. Way-bred, Plantago Latifolia. Vix possunt numerari facultates quæ huic planta assignantur. Quæ ad institutum nostrum sufficit, proferam mea usitata testimonia. Plantago apponitur in lanâ in dolore vulvæ, in strangulatu bibitur, Plin. l. 26. 15. Et ibidem, Folia plantaginis pellunt, & apposita, vulvas. Fernel, autem, Plantago refrigerat densâque; hinc sanguinis eruptiones omnes cohibet atque ut alvi profluvia, ita & vulvæ fluxiones compescit & adversus uteri strangulationes ex lanâ subjicitur, & Reliquæ virtutes, ut dixi, tot sunt, ut Themison Medicus integrum volumen de eâ composuerit.

2. *Verbum scilicet ab Hirudine seu Sanguisugâ.*
3. *Kēntes αὐτὸν Ἰέσους, &c. citatum à D. Paulo ex Epimēnide Cretensī.*
4. *Vide Ovid. Fast. 4.*
Flamen in antiquæ lucum Rubiginis ibat, &c.
5. *Inter omnes convenit, si aqua potiusque formidatur à morsu Canis, suppositâ tantum calici laciniâ tali, statim mentum illum discuti, videlicet prævalente sympathiâ illâ Græcorum, cum rabiem Canis ejus sanguinis gustatu incipere dixerimus, Plin. l. 28. 7.*
6. *Hedera.*
Deme meis hederas, Bacchicaserta, comis,
Ovid. Corymbi, baccæ hederaceæ.

Rosa.

1. **T** A M fera femineo quæ toxica sanguine misces,
Cretica (nam nostram tangere nolo *Rubum*)
Aspice quàm vivo saturetur murice vultus,
2. *Quâ nque ardens Cytini fulgeat ore decor.*
Aspice quàm nullus nec Flos nec Flora sit ipsa
Mollior illarum candidiorve cute.
Et ferrugineas juxta simul aspice formas,
3. *Tectâque echinato cortice membra Virum,*
4. *Horrentem dices Violetis crescere Ruscum,*
Plorabisque feris Lilia mixta Rubis.
Sit tibi tum Ratio Judex, sint Lumina Testes,
An pura Impurus corpora Sanguis alat.
At tu Tinctoris vitiatum crede Lebetem
Decolor unde venit, non satur unde Color.
Si nihil hic peccat, dices, justissima nollet
Infonstem patrio pellere Luna solo.
Hic nihil in vitio est, sed Copia peccat, & illum
Publica (quæ summa est Lex) jubet ire satur.

- Sic si fortè olim numerosæ proles abundat,
 Nec populis *Regio* sufficit ipsa suis,
 Haud illi indignum est alias dimittere partem
 Quæsitum terras, *Exiliûmque* pium est.
 Sed plusquam satis est cumulat cur *Fæmina* ? crede,
Natura nunquam *Prodiga Luxuria* est ;
 Contenta est paucis, nec, *Avari* more *Nepotii*,
 Congerit immensas, ut malè perdat, opes.
 Certè opus est *Tactò* quicquid facit illa : quid ergò ?
 Non locus hîc dubio ; *Res* sibi *Testis* adest.
 En toto ut durat *Vindemia Sanguinis* anno,
 Pressus & assiduè dat nova *Vina Chylus* :
 Plena tument semper reparato *Torcula* succo,
 Quem calida & sitiens *Mascula Vita* bibit.
 At *Mulier* de *Fonte* suo moderatiùs haurit,
Frugallisque penum non vorat omne *Calor*.
Vitalem in magnos *Thesaurum* congerit usus,
Naturam humanam decoquere ille vetat.
 Nève ea sufficeret generando *Symbola* nato
 Quam confert misto semine uterque parens,
 5. Ni pia *Mantissam* vellet superaddere *Mater*,
 Perficerétque sui larga *Cruoris* opus.
 Nempe *Cruore Rubens*, at *Candens* *Semine* constat,
 Et pars *Principium* concolor omnis habet.
 Hoc *Ligna*, atque illum *Lapides* præbere putares ;
Vivæque conjunctis surgit utrilque *Domus*.
 Ille *veneficii* reus actus, lethifer ille,
 Cui tu *Nessaum* virus inesse putas,
 (Et mirum est sanè nisi Vestem tinxerit illo
 6. Quà miserum occidit *Deianira Virum*)
 Componit teneri sanguis primordia scetus,
 Et dat per *Menses* blanda alimenta decem.
 Nec satis hoc illi, chara inter brachia *Mætris*,
Hospitis occurrit rursus ad ora sui.
 Mutato occurrit mutatus tramite & ipse,
 7. Secretam emensus qualem *Arethusa* viam ;
Mammarumque

Mammarūque duplex gemino de Fonte refurgit,
Flumine vel ripis candidiore suis.
Potavit tales olim gens aurea rivos,
Fælicis tales reddidit Uber agri :
Simplicitasque virū, candorque & lactea corda
Infantum facili digna fuere cibo.
O iusta & prudens Natura cura Parentū !
Quam propria ætati pabula cuique dedit !
Cū nondum Fecoris perfecta Operaria Cella est,
Matre laboratus pignora Sanguis alit.
Cūque modò ornata novus ignarusque Tabernā,
Vix sua nescit adhuc munia Tyro Calor,
Miserudimentum tingendi murice Lactis
(Discenti pensum quàm puerile !) datur,
Materia victor se tandem exercet in omni,
Gaudet & impensis luxuriare suis.
Dicite nunc tetrum membris cumulare Venenum,
Quo dulces fœtus provida Mater alar,
Propinant duræ pueris Aconita Noverca,
Alma Parens haurit de meliore notā.
Unde sed Infanti tam (quæres) utilis humor,
Tot morbos Matri tantæque damna ferat ?
Ille quidem prodest natali vividus alveo,
Egestus venis exanimisque nocet.
Ille quidem egestus vicino lictore torpet
Naufragus ; efferrī Mortuus ille velit.
Hoc Fortuna negat ? se vindicat ipse relictus ;
Omniâque infesto membra vapore replet.
Sed (puto) maturi sapiant quid ab arbore fructus
Indicium præbent, cū putruere, malum.
Candida sic Vita domus est in Semine puro ;
Semine corrupto Mors stabulatur atrox.
De Vitâ Mors est Testis non æqua, nec ipsum
Crede oluisse Hominem, qualè Cadaver olet,
At tu legitimo labentem tempore rivum,
Cū nullâ vitium traxeris ille morā,

Non minùs affirmas, *Dictamne* severa, nocentem,
 Nec Morbos Morbo ferre, sed *Ingenio*.
 Nè tibi cuncta negem (memoras quæ plurima) *Monstra*,
 (Quæ vel falsa quidem, vel bene rara puto)
 Corpore siqua latent abstrusæ semina peltis,
 (Corpore in humano qualia sæpe latent)
 Unâ eâdemque operâ fugat hæc *Natura*, cruori
 Porta redundanti cùm reſerata patet.
 Hinc forè accipiunt *alienum Menstrua* virus;
 Et *Comites* fraudi est non habuisse bonos.
 Sanguinis hæc culpa est? non sum ipsa *Venefica* siquis
 Cum succo biberit mista *Venena* meo.

Dixit, & ambrosium dictis spiravit odorem:
 Sed multas contrà differuisse ferunt.
Phæbae tandem petitur sententia *Laurus*:
Phæbae Laurus verba habuere fidem.

3. *Rosa*. Inhibet fluxiones mulierum, maxime albas, in poscâ potus (succus) *Plin. l. 21. 19.* Et oleum rosarum ad uteri refrigerationem, & immodicos Menses cohibendos, præscribit *Fernel. &c.*
2. *Cytinus* flos mali punice sativæ, cujus est vividissimus clarissimusque rubor. *Balaustium* silvestris flos est.
3. *Echinus* tegmen spinosum castanearum, *Plin. Armatum* his echinato cortice vallum est, *Lib. 15. 23.*
4. *Angl. Butchers Broom. Virg. Horridior rusco.*
5. *Mantissa*, additamentum rei quæ venit, quasi manu tensum, quia ultra pondus quod exigitur hoc manu datur. *Lucil. Mantissa opsonium vincis. Angl. Over-measure, Vantage.*
6. *Herculem*: Vide *Fabul. Ovid. Met. 9.*
7. *Fons Achaia* notissimus, qui sub terrâ marique dilabens in *Ortygiâ* tandem *Sicilia* erumpere dicitur. Nec minùs mirabiliter hic sanguis (ex communi sententiâ) ab utroque *Venas hypogastricas* in *Mammarias*, perque illas in mamillas ductus, papillis tandem tanquam è fontibus duobus erumpit.

Laurus.

Laurus.

Quæ sors magnorum est, inquit, non rara virorum,
O famose Cruor, contigit illa tibi.

Plus æquo culpantur ab his, laudantur ab illis ;

Nec mediocre Odium est, nec mediocis Amor.

Hic præjudicio mentitur, & ille favore ;

Rumorisque omnes discolor aura ferit.

Diſſamnum auditis ? nullo non scemina mense

Deducit Lunam Saga Veneficiis :

Nec miscere herbas opus, aut fatalia verba ;

Medea esse potest Sanguine quæque suc.

At siquid veri pulchro Rosa protulit ore,

Quæque suo Mulier Sanguine Diva bona est.

Purpurea hinc teneræ suspendit stamina vitæ,

Subtexitque operi iusta alimenta rudi.

Sed, cui chara feror, nisi me deludat Apollo,

Simque sacrum frustra cingere sueta caput,

Nec format talis, nec nutrit corpora sanguis ;

Ne quicquam falsâ laude triumphat iners.

Quæ me multa movent non hic memorare necesse est :

Unum hoc multorum pondus & instar habet.

1. Nam Mulier cunctorum animantium sola reperta est,

Quam Vena immodico mensura fonte rigat.

At pecus omne tamen parit intra viscera foetus,

Vincit & humanum fertilitate genus.

2. Quor (monstrum !) exiguus fertur peperisse simul Mus ?

Paucæque Trojani pondera ridet Equi.

Quantam ô montosus circumfert molem Elephanti ?

Visus & est utero Turriger esse suo.

Fertilitate ruos, Lucina, Cuniculus orbes

Penè æquat ; vix tu sæpius ipsa tumes.

Nec tamen hunc foetum Theſaurus sanguinis ullus

Pascit, Venarum nec reſerata penus.

Nempe

- Nempe in conflictu *Sexus* utriusque jocosus,
Scintilla excuritur corpore *viva Maris*,
 Quam medio tutè latitantem in semine fugit
 Vis *Uteri* sitiens, interiùsque rapit.
 In cellam rapit arcanam implicitòsque recessus,
 Discindentum oculis vix adeunda loca.
 His *Virgo* in *Thalamis Anima Scintilla* recumbit
Fœminea, ac pleno *nubilis* igne viget.
 Jungit utraque *Venus*, & *Connubialia* sese
 Incipiunt mistâ *Puncta* movere face.
 At circum *Rubor* attritu motùque duorum,
 Et *Sanguis*, *Signum Virginitatis*, adest.
 Ut placuit florens, *Inventum nobile*, *sanguis* !
 Et semel inventis addere prona via est.
 Nève augere labor minimum quem eliseris *Ignem*,
 In promptu *Fomes* si satis aptus erit,
 Non opus est alios *Flammarum* inducere rivos ;
 3. Hoc fulvas *tactu* gignit *Elixer* opes.
 Adsit materies, & non dignabitur ulla
 Æternis *Vesta* cedere *Flamma* focis.
 Guttula sic crescit primi generosa *Cruoris*,
 Et spernit *facto* sanguine fortis ali.
Album principio nativi seminis haurit,
 Atque opibus læta est ædificare suis.
 Hæc cum deficiunt, tum *vita operosior* exis,
 Et bene maternam sedula poscit opem.
 Materiam poscit, sed quam sibi præparet ipsa,
 Et puram roseo murice tingat agens.
 Namque *Uteri* plenis hærescens *Lacte* mamillis
 Venarum multo jugiter ore bibit.
 4. Aspice vitales modò natum in luminis oras,
 Quàm promptus *Lactis* nova alimenta petit ?
 Blanditias mammis facit, arridetque papillis,
 Et gaudet *veterem* se reperisse *dapem*.
 An pascet prolem *Natura* cruore tenellam ?
 Proh scelus ! hæc morum *sava elementa* dabit ?

Tale rudimentum quid mirum si genus ipsum
 Efferat humanum, Cannibalésque facit ?
 Non illaudati mirarer facta *Neronis*
 Impia, nec furias, tristis *Orestæ*, tuas ;
 Si *Deus* Infantes materno sanguine nutrât,
 Et primam miseris hæc jubet esse *sui*,

Restat adhuc causam fluxûs aperire rubentis,
 Qui tantâ Fontem Religione tegit.
 Fœmina bruta parit, catulósque in ventre saginat ;
 Nec *Venas* idèò tondere *Luna* solet.
 Pro causâ quærendum aliquid quo sola superbit,
 Quod proprium *Mulier* præcipuûmque tenet.
 Atque hoc occurrit solum mihi multa putanti,
 Quod superat formâ mollitięque *Virum*.
 Non *Equa* vincit *Equum*, non *Taurum* *Vacca* ; sed ista

5. Si digna est *Io*, dignus & ille *Jove* est.
 Si *Leo* tu torvus visu, tua torva *Læna* est ;
 Terribilésque minùs non quatit illa juba.
 Nec magis *Ursa* rudi concinnè lambitur *Ursò*,
6. Nec nitido magis est apta figura polo.
 Fœmina nec *Tigris* maculâ est ornatior unâ,
7. Et *Sus* fulmineo conjuge scœda magis.
 Non *Avi* incultum ridet decorata *Maritum* ;
 Peniculo æquali pingit utrumque *Deus*.
 Mollities candorque idem commendat *Olores*,
8. Nec sexum aspectu *Leda* vel ipsa sciat.
 Quid ? gracilísne magis, vel bella est fœmina *Piscis* ?
 Squammarûmve auro nobiliore nitet ?
 Se satis hîc armat nudo *Venus* improba *Sexu* ;
 Addere nec *Formæ* tela necesse putat.
 Nulla sagittiferis oculis victoria parva est ;
 Rem peragit totam *Conciliator* *Odor*.
 At gentem humanam formosior ignis adurit,
 Nec rationis egens, nec sine *Luce* *Calor*.

Nec

Tal

- Nec facit hunc *Coitus* brevis & cœnosa voluptas :
 Ah ! percant, quibus hæc sola vocatur *Amor*.
Larga venustatem tribuit *Natura puellis*,
 Et nivei blandas corporis illecebras.
Auratâque viros voluit retinere catenâ,
 Et frænare vagos *dulcibus imperiis*.
 Nec solum incestas turpissima pascere membra,
 Sed spectantum oculis gaudia casta dare.
Sanguinis hinc partem, *pressura novissima tandem*
 Quem facit, & *duri vilis amurca Chyli*,
Quæque Pilos abit in tristes *Barbâ*que ferocem,
 Densatæque infert nubila fusca cuti,
 Derivare omnem voluit de corpore pulchro,
 Laxatâsque dedit *Lunæ* aperire vias.
9. Quod si *impura* suis decurrere *Flumina* rivis
 Fors veteret, & magnus digerat illa calor,
 Paulatim formam *mulier solidata virilem*
 Induit, & stupor est qui fuit, *Iphi*, tuus.
10. Sic *Phaëthusa* pilis sibi totum horrescere corpus
 Mirata est, densas & fruticare genas.
 Sæpe manum damnans *Speculum* sibi poscere *Testem*,
 Et *Speculum* damnans sæpe referre *Manum*.
 Ipsa diu proprio est infelix territa *Vultu* ;
 Ipsa diu infelix territa *Voce* suâ est.
- Hæc & plura quidem (sed quis pote cuncta referre ?)
Veridico edocuit *Laurus* amata *Deo*.
 Hinc ærunnosi dura ad miracula partus
 Se via sermoni præbuit ipsa ducem.
11. *Obstetrîxque* loqui iussa est *Funonia* planta,
 Quæ meritum à *Lochiis* *Optima* nomen habet.
12. Arrexit caules, & non invita loquuta est,
 Nec piguit proprium commemorare decus.
1. Solum animal menstruale *Mulier*, inde unius utero quas
 appellant *Metas*, *Plin. lib. 7. 15.*

2. Supra cuncta est Murium satus, hand sine cunctatione dicendus, quanquam autore Aristotele, & Alexandri Magni militibus, generatio eorum lambendo constare, non coitu, dicitur. Ex una genitos centum & viginti invaliderunt; apud Persus verò pragnantes & in utero parentis reperiuntur; & salis gustatu fieri pragnantes opinantur. Itaque desinit mirum esse unde vis tanta messes populetur murium agrestium, Plin. lib. 10. 65. ubi de Mure semina loquens adjectivum adjungit feminini generis; sed usitatus aliter facit. Sic ejusdem lib. cap. 61. Mus marinus in terrâ scrobe effossâ parit ova. Et de Corvis lib. 10. 12. Corvi pariunt cum plurimum, quinos: ore eos parere vulgus arbitratur. Et saepe eodem modo, unde ad ejus exemplum sequitur Elephantus Montosus, & Turriger; quamquam Plautus adjectivum femininum Elephantio Femina addat in Striebe, Solere Elephantum Gravidam perpetuos decem esse annos. Sed putant Gravidam regi à verbo subintellecto, nempe Femina.
3. Elixer verbum est Arabicum, sed in rebus quas Romani ignorârunt necesse est ut vocabulis utamur non Latinis, & ridiculè superstitiosus est qui id vitio vertit.
4. Umbilicalium.
5. Iô in Vaccam; vide Fab. Metam. 1. Jupiter in Taurum, Met. 2.
6. Callisto à Junone in ursam commutata, à Jove in cælum translata, efficit Ursam Majorem quæ Arctos dicitur, Fab. Met. 2.
7. Apro.
Fulmen habent acres in aduncis dentibus Apri;
Ovid. & passim alii.
8. Utpote quæ cum Olæ concubuerit, notitiâque habuerit.
9. Alii enim Morbi Morsque consequuntur.
10. Pithei Abderita Conjux, quam refert Hippocrat. lib. 6. Epidem. cum antea secunda fuisset, viro exulante mensibusque subsistentibus, toto corpore hirsutam factam esse, barbam erupisse, vocemque asperam & virilem effectam; idemque

idémque Nemisa Gorippi conjugii contigisse.

11. *Aristolochia Junoni Lucina sacra* : Nominis causa quod sit ἀρίστη τῶν λοχίαις, non ἀχέουσις, ut in Plin. legitur, optima parturientibus: Vel à Lochiis, i.e. purgamentis omnibus post partum, quæ saliciter expellit,
12. *Habet enim caules humi arrepentes.*

Aristolochia.

1. **E**T Florem, & Baccas virides, & Semina fundo,
Patronamque Uteri non sterilem esse decet.
Sed magis est altè mea summa recondita virtus,
Et Fructus Radix maximus ipsa mihi est.
2. Hanc Natura Uteri signavit cauta figurâ,
Nec passa est vires dissimulare suas.
Indè vocor Terra Malum; tam nobile Malum
Non ipse Hesperidum lucidus Hortus habet.
3. Dignius hoc tolli (tu Nupta fatebere) cursum
Quàm quod tardavit, pulchra Atalanta, tuum.
Hinc proprio sovet amplexu, nec pondera tanti
Aula est Arboribus credere Mater Humus,
Nève in me partus solventem molliter omnes
Mirandus Terra est Omniparentis Amor.
Non falsus fuit ille animi qui carmine dixit,
Præsentem monstrat qualibet herba Deum.
4. Nec falsa Ægyptus coluit sanctissima quondam
Florenti virides quæ pietate Deos.
6. Roma, quid indulges Rhonchis? Nascuntur in Hortis,
Nascuntur campis Numina densa tuis.
Quid Seges est nisi flava Ceres, & Vitis Iacchus?
Vestiturque Deis religiosus ager.
Et Lucina Ego sum; valvis bipatientibus arctas
Laxato vitæ cardine pando fores.
Ignoscas precor ô temerè mihi, una, loquuntur,
Impia si mihi vox excidit ore pio.

In me Tu Numen, Tu in me Lucina moraris,
 Et sub personâ te tenet Herba Deam.
 Claudis & exiguo nostræ Radicis in Orbe
 Virtutum partem quas tum Orbis habet.
 Ingentes refero victrix de morte triumphos,
 Armis usa meis, Viribus usa tuis.

7. Sum præfecta Viis, totumque in corpore purgo,
 Pertuncta & Edilis nobile munus, iter.
 Dilato angustum nimis, obstructumque recludo,
 Et latè præceps omne quod obstat ago.
 Nulla objecta mora est Animaque Animaque Ministris;
 Nè possint puras ire redire vias.

8. Sentinas etiam exsicco, sordasque paludes,
 Hæreat in medio nè vaga turba luto.
 Sed mihi mandata est curâ propiore tuenda,

9. Ducit ad ætherias quæ Via Sacra plagas.
 Cimmerias Patriæ tenebras cum linquere vellet,
 Et nova cognatum cernere Vita diem,

10. Thermopylas Uteri nè Mors prius occupet obflo,
 Præcludâtque arctum nè vigil hostis iter.

Mireris (nam, mirorum ditissima Mater,
 Nil Natura magis prodigiale facit)

Quo materna modo pondus malè mobile possint
 Tantillo tantum claustra tenere sinu ;

Quo moles tam magna modo, quo fulmine adacta,
 Transeat angustæ Limina clausa foris ;

Compages Uteri quo dura reciprocet æstu,
 Quo sese evolvat, quo replicetque modo ;

11. Quid laxet nodos, quâ vi solida ossa dehiscant,
 Quâ subeant iterum vincula nota fide.

Non opis hoc nostræ, nec quicquid ubique potentum
 Herbarum est, quotquot maxima Terra parit.

Ipsaque Vosque meæ, non segnis turba, Sorores,
 Instrumenta operis parva, sed apta, sumus.

12. At peragit Deus (ut facile est agnoscere) primas ;
 Nam dignus tanto Vindice Nodus adest.

- Ille jubet crescenti *Uterum* decedere *proli*,
 Crescentique *Utero* cedere *Membra* jubet :
13. Et *concurrentis Symplegados* ora resolvit,
 Atque aperit molli *saxea claustra* manu.
 Interea forti conatu industrius *Infans*
14. Et capite audaci *fissile* tentat *iter* :
 Interea magno *Mulier* disrupta dolore,
 Commotum totis artubus urget onus :
 Et meus instigat penetrabilis ardor utrumque,
 Et rarecentes cogit hiare plagas.
 Sæpe iura miseræ funebria viscera *Matris*,
 Heu ! nondum proles nata, sepulta jacet.
 Incestat *Patrias Vita Mors* impia sedes,
 In tam *fecundo Fertilis* ipsa loco.
 Spargit lechiferos inclusum *Funus* odores,
Sarcophagumque suum (*Monstra !*) *Cadaver* edit.
 Quis credet ? *Matrem* tollit præposterus *Infans* ;
 Et *Tumulum Vivum Mortuus* ipse necat.
 Prodigium castæ *Dii* tantum avertite genti ;
 Nec nisi *Adulterio* sit *Labor* ille datus.
 Quà licet auxiliior ; putridum salvâ arbore fructum
 Stringo ; concussus molliter ille cadit.
 Gaudeo, nè tantâ præceps eat ipsa procellâ,
 Quassatæ *Merces* præcipitare *Ratis*.
 Sæpe fugit vinculis proles temeraria ruptis,
15. *Exuvias* linquens *Sarcinulâsque* suas.
16. Linquitur & *Chorion Tunica*, atque *Subucula* ralla
Amnios, & turgens lacte *Placenta Penus*.
Lucinam implorat *Mulier* recidiva secundam,
 Nec miseræ ad *Partum Parturisse* sat est.
 Hic etiam miseræ succurro, *Uterumque* repurgo :
 Nec facilis, purus nec nimis ille labor.
 Quas ibi sustineam fortis detergere sordes
 Scitis ; sed nullus *Vir* (*precor*) ista sciat.
 Si sciat, amittet multum *Venus* improba juris,
 Et minùs incipies esse, *Cupido*, ferox.

17. Sed quævis arcana in me *Chirurgica virtus*
 Infixa ex alto vulnere tela trahat,
 Non tua, blande *Cupido*, revellere spicula conor ;
 Heu ! malè tunc *Uteri* dicta *Patrona* forem.
18. Una in me vis est, quam certè miror & ipsa,
 (Ah quæ se poterit noscere *Planta* satis ?)
Omnia sunt *Tenebra* ; multos meditata per annos,
 Quod feci toties quâ faciam arte rogo.
 Nam tanta *humana* quæ præbeo commoda *vita*,
Piscibus exitium, nec sua fata, fero.
 Ut me libârunt, patrias *Anima* nda sub undas,
*Vitæ*que cum nullo murmure *morta* fugit.
 Unde hoc fluctivagis bellum cum gentibus ortum ?
 Nam nec eas novi, nec nocuere mihi.
 Et *secunda* magis vivunt animalia nusquam :
 Persequor hæc odio *Fertilitatis* *Amans*.
 Exerit *Effectus* sese, præbètque videndum ;
 Sub Terrâ *Radix* *Causa* profunda latet.

1. *Angl. Birth-wort. Plurimis modis Aristolochia prodest ;*
nam & Menses & secundas ciet, & emortuos partus extrahit
myrrhâ & pipere additis, pota vel subdita : Vulvas quoque
proidentes inhibet foru, vel sustitu, vel subjectu, maxime
tenuis, Plin. lib. 26. 15. Nostri Malam Terra vocant, &
quatuor ejus genera servant — omnes colore buxæo, caulibus
parvis, flore purpureo ; serunt bacculas parvas ut Capparis.
Valent Radice tantum — Odor omnium medicatus, sed ob-
longa radici tenuiori que gravior — Oblonga in summâ
gloriâ est ; si modò à conceptu admota vulvis in carne bubulâ,
marcs figurat, ut traditur, Plin. lib. 25. 8. Quod postremum
dignius erat hoc poemate quàm opere Philosophico inseri ;
imò nè hoc quidem dignum. Libet adjungere Fernel. Aristolo-
chia utraque menses, secundas, & sætus cum myrrhâ &
pipere pota pellit ; subdita eadem præstat, & Uteri sordes ex-
purgat.

2. *Crollius, qui in Signaturis Plantarum multus est, hanc*
similitudinem

similitudinem inter figuram Uteri atque radicis Aristolochiae rotunda observavit, ut arbitratur, primus. Quantam vim habeant haec Signatura rerum nescio; Poëtica non malè conveniunt.

3. Notissima fabula: vide Metam. 10.

4. * * * * *

5. Allium Cepasque inter Deos in jurejurando habet Ægyptius, Plin. lib. 19. 6.

Potrum & cepe nefas violare aut frangere morsu,
Juv. Sat. 15.

6. A Romanis irridebatur hac superstitio Ægyptiorum, quanquam omnigenum Deorum avidissimis, ut patet (præter multa alia) ex illo notissimo scommate Juv. Sat. 15.

O sanctas gentes quibus hæc nascuntur in hortis
Numina! —

7. Aristolochia, præsertim Rotunda, calida atque sicca tertii gradus initio, adeoque validè Cerebri & Pulmonum lentam crassamque pituitam expurgat, ut Epilepsia ab utero, tussi & asthmæ conserat, & interiores rumpat abscessus, & abortum quoque provocet, Fernel. lib. 5. Meth. Med. Et, Aristolochia utraque amara & subacris, abstergit & digerit, sed rotunda crassos humores validius extenuat, & ab iis nasæ obstructions promptius expedit; hinc asthmaticis, suspiriosis & pleuriticis auxilio est, cap. 20. Aristolochia multo validius Lienem obstructione liberat, laterisque doloribus auxiliatur, cap. 24.

8. Putrescentia sanat & sordida expurgat, Fernel. Ibid. Et, Aristol. utriusque radix strenuè abstergit, sed rotunda potentius; putredines sanat & exest, ulcerum sordes expurgat, vermesque necat & extrahit, Id. lib. 10.

9. Uterus, membra muliebria.

10. Celeberrima angustia montium in Græciâ, quas Leonidas Rex cum quatuor millibus occupavit, & numerosissimo Persarum exercitui adjutum in Græciam intercludere ausus est; dicta à πύλας, Portæ, i. e. angustia montium, & aquis calidis scaturientibus, quæ cum cervice uteri non malè conveniunt.

In

11. In partu ossium commissura, nempe synchondrosis Coxendicis cum osse sacro & pubis, & coccygis synsacrofis, solvuntur & mollescunt.

12. Nec Deus interfit, nisi dignus vindice nodus Inciderit, —

Horat. Hic autem contra regulam Horatianam non peccatur.

13. Symplegades Insula, vel potius Scopuli, in ostio Ponti Euxini, quas inter se concurrere poeta sinxerunt. Vide Valer. Flacc. lib. 4. Et singularis in usu est Συμπληγάδες, Mart. Si constringantur geminâ Symplegade culi.

14. Omnia animalia naturaliter in caput exeunt; obliqua autem, vel in pedes, contra naturam, Aristot. Hist. Anim. l. 7. 8.

15. Secundas.

16. Exterior Membrana fœtum in utero circumvestiens Ἐξωτερὴ, interior Ἀμνιὸς dicta est; unde hac Subuculam, illa Tunicam refert. Placenta uteri, vel Hepar Uterinum, vel fortasse rectius Mamma uterina, unde infans per vasa umbilicalia partem nutrimenti haurit.

17. Aristolochia utraque surculos & spicula extrahit, squamas ossium illita educit, Fernel. ib.

18. Piscatores Campania eam qua rotunda est Venenum Terra vocant, coramque nobis contusam immistâ calce in mari sparsere: advolant pisces cupiditate mirâ, statimque exanimati fluitant, Plin. l. 25. 8.

Lentiscus.

EXcipit hic oriunda Chio Lentiscus; & inquit, Nunc quod adest, non hoc temporis huius opus. Ut lubet in Pisces (non hoc erit, Optima, frandis)

Et sævi, & totum depopulare Mare.

Viderit hoc Glauci quæ reddit in æquora Pisces,

Viderit & Equoreas quæ facit Herba Deos.

H

Parva

Parva queri piget, o, quando hic, hic aula Sabina est
 Inter tot plantas stare scelestas pias :
 Aula sacros aditus, & non violabile Templum,
 Vivificosque Uteri cæde replere Lares ;
 Impatiens sceleris Spem nudam occidere Vita,
 Et Designatos aula necare Viros,
 Infantem tenerum maternis abripere ulnis,
 Extremus belli est immodicusque furor.
 Hic intuta (nefas !) clausi custodia Ventris,
 Præsidii que parum Viscera Matris habent.
 At tantum Natos civili tollitis irâ,
 Arma Novercalis tarda, Aconita, manūs.
 O ignara mali, simplex & rustica Colchis,
 Flagitiique Artes erudienda novas !
 Medeam erudiet pueros Medea Sabina
 Doctius & citius dilacerare suos.
 Ingeniosa parum es, vindictæque inscis Progne :
 Grande moræ pretium est ; hic sine vivat Irys.
 Concumbasque fero quamvis invita Marito,
 Spemque novam Tereo, ventre tumente, feras.
 Tunc matura odio, tunc nostram adanitte Sabinam,
 Funestasque utero præparet illa dapes.
 Ore calecentes avido Vir devoret ossas,
 Et sua visceribus Viscera rapta tuis.
 Quem Vindicta facit, generosum est crimen Abortus ;
 Nunc faciunt nugæ deliciæque leves :
 Ut vultum famæ componat Adultera castum,
 Nè ferat indicium cruentum, ipsa sui ;
 Ut vitet sumptus, & sit Ventus impia frugi,
 Nè tua sit nimium laxa, Libido, domus ;
 Monstrando Ventri rugarum ut dedecus absit,
 Et Matronales (res inhonora) nota.
 Omnibus his causis æquæ officiosa Sabina est,
 Nobilis ingenii sedulitate mali.
 Si conspirarent homines cum germine tali,
 Mox cultor vasuo nullus in orbe foret.

Vos brutis oculis spectacula vana daretis,
Materies vestrae tota deesset opia.

3. At vos, quæ rapidum sufflamine stringitis ævum,
Et *Parcis* dulces nectitis arte moras,

4. Utque estis pictæ florentia *videra Terra*,
Jure *Homini* Vitæ *fata* Necisque datis,
Vos, ô, Infantum *viva* *incunabula* fœdè

5. Vexamen, *Arboream* *Ramam* abolete *Strygem*.
Hostem *Natura* sceleratam tollite, & ipsum.

6. Ter madidâ *Lauri* ritè *piate* locum.

7. Se *salcem* *Creta* teneat natalibus arvis,

8. *Pasiphaës* uterum digna subire gravem.

Corporis hîc duplicem unius fecisset *Abortum* :

O iterum nullo palma futura die !

Sed, puto, maternâ nunquam voluisset in alvo

Tam magna *Monstrum* dilaniare *spei*.

9. Nam pueros septem forti faustoque quotannis
Ore voraturus *Semivir* ille fuit.

Curre, *Sabina*, redi in patriam ; nec fortè queremur

10. *Dictamnus* tecum si *Popularis* eat.

His dictis divisi animi ; varioque tumultu,

Murmure & incerto *Concussio* tota fremit.

At frondes commota *Sabina* erexit acutas,

Ut viso arduentes hoste *Lexia* jubas :

11. Cuique prius *ternos* mater *Natura* *Calores*

Attribuit, *Calidam* jam *quater* ira facit.

1. *Lentiscus*, *Anglicè* *The Mastick Tree*, *Græcè* *Ἰνδὸν*, & *bacca ejus* *quidam*. Nomen *Latinum* sortassis à *Lentore* *lacrymæ* & *folii*. Omnes *fluxiones*, non solùm *Mensum*, cohibet. Merito ei hæ partes contra *Sabinam* attribuuntur ; non solùm enim *abortum* prohibere creditur, sed & ipsa semper *fecunda* est, ut ex *Ciceronis* versu discimus.

Jam verò semper viridis sempérque gravata

Lentiscus triplici solita est grandescere *scetu* ;

Ter fruges fundens tria tempora monstrat arandi.

Hujus arboris gummi Mastiche dicitur; optimum genus in Chio nascitur magnâ copiâ.

2. Vid. Fabul. ultimam 13. lib. Metam. Cùm pisces in ripâ explicuisset, illi contactâ quâdam herbâ in profundum profuerunt: admiratus vim herba Glaucum eam degustat, seque eodem modo in mare projiciens Deus marinus factus est. Prou. Grac. Γλαῦκος παῦρον πῶας οἰκᾶν ἐν θαλάσσῃ.

3. Machina quâ currus descensu prono rapidus stringitur, i. e. retinetur.

Ipse rotam stringit multo sufflamine Consul,
Juven. 8. Unde Augusti dictum, Haterii Ingenium sufflaminandum esse.

4. Eodem jure fortasse qua Cæli sidera.

5. Nocte volant, puerosque petunt Nutricis egentes,

Et vitiant cunis corpora rapta suis:
Carpere dicuntur lætentia viscera rostris,
Et plenum poto sanguine guttur habent.
Est illis Strigibus nomen, &c.

Ovid. Fast. 6.

6. Ritum antiquum lustrandi.

— Cuperes lustrari, siqua darentur

Sulphura cum tædis, & si foret humida Laurus.

7. Ubi magnâ copiâ crescit, & unde in alias regiones provenisse creditur. Quidam Creticam Cupressum appellant, teste Plin.

8. Qua Minotaurum peperit,

Semibovémque hominem, semihominémque bovem.

Gravem, i. e. gravidum: sic Quintil. Gravis fructu vitia.

9. Minos victis Atheniensibus hanc jussit esse partem stipendii quam penderent, ut septem nobiles pueros quotannis in Cretam mitterent Minotauro obijciendos.

10. Dictamnus Popularia, ejusdem patria, nempe Cretica. Dictamnus autem mirè efficax creditur ad expellendum embryonem.

11. Vulgò dicunt Calidam tertio gradu.

sabina

Sabina.

1. **T**une, *miselle frutex* (his turbida vocibus infit)
Tune inimicitias, ambitiose, meas?
Tu celebrem Mundo maledictis stringere plantam,
Et multâ notam laude, *miselle frutex*?
2. Tu, Dentis medicina cavi, quam sede remotâ
Vix in Tonsistrinis ultima Theca capit?
I nunc, votivas circum suspende *Tabellas*,
Atque onerent ramos parva *Trophæa* tuos.
Inter tot titulos monumentâque tanta laborum,
Pars *putridi dentes* maxima laudis erunt.
An quoniam flentes tua *Lacryma* dura *Catarros*,
Et decurrentes lignea sistit aquas,
3. *Naturâ*ne putas tenui constringere vinclo,
Conceptusque *udam* posse inhibere *fugam*?
Non ita; sed *Nomen* fallaces Vana per artes,
Et magno vilis planta licere, cupis.
Quod non es simulas, famæque imponere queris:
Non Ego sed quæ sim dissimulare volo.
Confiteor nondum natos me avellere fœtus:
Uttere confessæ commoditate reæ.
Confiteor; nec Tu, *Matre* indulgentior ipsâ,
Lacrymulis poteris hoc prohibere tuis.
Te comedat, totam te prægnans allinat alvum,
Junge & cum lentâ macula thura pice;
4. Et *Lapidem* gestet (labor hic est *Hercule* dignus)
Herculeum; vires, credo, habet ille tuas.
Scilicet ille hominis primordia ferrea duri,
Invisâ retinet fortiter ille fide.
- 5.6. Adfint *Coraliumque Smaragdorûmque* *Cylindri*,
Et circum digitos plurima *fassis* eat;
7. Indomitæque *Adamas*, & proles *Unio* *Conchæ*,
Quæ sese & prolem claudere docta suam.

8. Ante omnes *prænantem Etiten* ferre sub ulnis
 Sit memor ; imò illi consule ferre duos.
 Nil gerit in gravidâ *sobolem* constantius alvo ;
Æternum sobolem providus ille gerit.
 Omnia cùm faciet, faciet tamen omnia frustra,
 Attingat succos si simul illa meos.
 Confiteor ; neque ero Naturæ ingrata benignæ,
 Nè tibi displiceam quæ mihi nulla places.
 Hoc *Natura* dedit, puto Te sapientior, ipsa,
Arboreus quamvis tu videare *Cato*.
 Non in proliferam soleo subrepere furtim,
 Aut *Dominâ* invitâ vi penetrare domum.
 Mallem ego formoso formosa virescere in horto,
 Atque illibatas integra ferre comas.
 Discerpor, tundor pilis, cædémque coacta
 Sum *facere* indignam, sed prius *Ipsa* pati.
 Jure quidem summo sceleratam *Colchida* damnas :
 Numquid & in *Cultrum* transit, Inepta, scelus ?
 Quid *Nemus* omne tibi nisi, *Non es sobria*, dicer,
 Quando reas *Vites Ebrietatis* ages ?
 Vim *Deus* hanc tantum dono mihi non dedit ; illam
 Sed majora sequi dona necesse fuit.
 Nam *Menses* Utero cunctatricisque *Secundas*,
 Membræque mortiferum mortua pondus ago.
 Et per me liber nativo carcere foetus
 Attonito ignotum suspicit ore diem.
 Sed nihil, ah ! tanto dignum videt ille labore :
 Vellet & in *Tenebras*, credo, *redire* luas.
 Optaret venisse meum maturius haustum,
 Cùm nondum vivum perficeretur opus.
 Quod *scelus* appellas, gravis autor, & esse fatebor ;
 Sed, *Lenisce*, *Hominum*, non *scelus* esse *Meum*.
 Hoc emeret quanti primis sub mensibus *Infans*,
 Si sciret quod mox esset iturus iter ?
 Ah ! minimè prorsus decuit producere talem
 Angustam in mundum difficilénque viam.

Ad Cælum ire putes magnis conatibus ægrum ;
 Cum pœnâ ad pœnas nascitur innumeras.
 Nixibus in lucem prodit letalibus Infans ;
 Ipse dolor Partûs Omina Mortis habet.
 Ah ! quanti Veneris fallacia gaudia constant !
 Quam carè Matris nomina Mater emit !
 At tu dilecto cruciata Puerpera morbo,
 Quam vivum torquet (*Vipera dulcis*) onus,
 Carpe meum properè solium, nè carpere differ ;
 Et crede in succo *Nectar* inesse meo.
 Protinus impulsu referantur claustra potenti ;
 Exitus è Mundo vix magis ipse pater.
 Protinus à ramis maturus decedit Infans,
 Et plorat tantùm, *Matre tacente*, Puer.
 Illa rudi gaudet vagitu oblita doloris ;
 Ausa animo *Venerem* mœx agitare novam.
 At tu legitimæ cui desunt tempora *Luna*,
 (*Noctem Uteri Princeps* humida *Luna* regit)
 Tu solium nè carpe meum, nè carpe, monebo ;
 Sed longè, quanquam pondere tarda, fuge.
 A me concussus totâ pluit arbore *Fœtus*,
 Atque cadit, vel si *Fructus acerbus* erat.
 Hoc Ego prædico, nè me post damna petita
Lentisco dicas imposuisse tibi.
 Scilicet innocuæ non peccant spontè Puellæ,
 Nulla volens unquam vel *gravidata* fuit.
 Sed si Ego non essem, credo, committere tantum
 Nulla quidem posset (da voluisse) nefas.
 Ad centum præstant operam bona germina eandem ;
 Exiliûmque ideo si meruisse putor,
 Exilii comites video non defore nostri ;
 Ibimus in *Cretam* quàm bene magna cohors ?
 Ibis, *Myrrha*, simul necum, *Virgo impia* quondam,
 Nunc *pia*, supplicio nunc pretiosa tuo.
 Sed labefactûs neque tunc, licet impia, fœtum :
 9. Quem *Fœtum* ? & crimen quem peperisse fuit.

Et

10. Et *Panaces* magno *Mortem* quod nomine terret,
11. Cúmque *Ammoniaco Galbana* flava suo ;
12. Divitibusque *Laser* planta inficienda *Cyrenis*,
Ni simul & *Lucris* dulcis adesset *Odor*.
13. *Ibis*, *Thus* *Terra* (nec *Thura* *Sabaa* moramur)
14. *Ibis* tu *Luto* quem, *Croce*, tinxit *Amor*.
15. *Ibis* *Ereuthodanum*, & *Colocynthis* fellea, mecum,
16. *Picta*que quæ varii terga *Draconis* habes :
Eminus & tacitis *Cyclaminus* noxia telis,
Nec temero gravidis transilienda pede :
17. *Antidotus*que aliis, sed *Fætibus* ipsa *Venenum*,
In cœtu nulli *Ruta* secunda pio.
Quid memorem reliquas ? *Agmen* sumus ; ipsa quoque *ibis*
Quæ meritum à *Lochiis* *Optima* nomen habes.
Sed neque tu tandem, *Præses* veneranda, manebis :
Surge, age, & *Exilium* concomitare meum.

Finierat ; favor orantem plaususque sequuntur ;
Nec causam dubium est obtinuissè suam.

18. *Parthenis* incepit ; reverentia *Præsidis* omnem
Compressit motum, conticuitque locus.

1. *Herba Sabina*, *Brathy* appellata à *Gracis*, duorum generum est, altera *Tamarici* similis folio, altera *Cupresso* ; quare quidam *Creticam Cupressum* dixere — partus emortuos apposta extrahit & suffitu, *Plin. lib. 24. 11.* *Anglicè* *Savin* dicitur. *Crollius* in eâ signaturam *Venarum Uteri* vidit, mirâ (ut mihi videtur) perspicacitate. *Sabina* (inquit *Fernel*) tertio est gradu calidorum & siccorum, acris & validè digerens. *Menses*, siquid aliud, provocat ; fætum etiam viventem enecat & mortuum ejicit.

2. Nempe *Mastiche*, *lacryma* ejus, in doloribus densium vulgariissimum remedium. *Mastiche* laudatissima *Chia*, candida, *Plin.*

Ad firmandum fætum atque uterum in iis qua abortui sunt

3. obnoxia nihil frequentius à *Modicis* quam *Mastiche* & intus
& extrâ adhibetur.

Lap

4. Lap. Herc. i. e. Magnetem, ob admirabiles vires sic dictum. In manu gestet grvida (qua abortum timet) Magnetem, vel umbilico apponat: Brachio alliget, & sub alis gestet Lapidem Aquila, vel qui in utero Cervæ aliquando reperitur: Corallia item, Jaspidas, Smaragdas, Adamantas, Sennert. Alique passim eadem.
5. Claudian. dicit,
— Vellitque Corallia Clotho;
& Gracæ scribitur *κοράλλιον* cum o: sed his prævalere debet Ovidii autoritas, qui bis in Metam. 4. & 15. habet *Cōrallium*.
6. Cylindros ex iis (samaragdis) facere malunt quàm Gemmas, quoniam est summa commendatio in longitudine, Plin. lib. 37. 5.
7. Margaritarum etiam pulvis passim præscribitur.
8. *Ætites* Lapidēs ex argumento nominis magnam famam habent; reperiuntur in nidis Aquilarum: aiunt binos inveniri, Marem & Fæminam, nec sine iis parere quas diximus aquilas, & ideo binos tantum — Huic est in alvo lapis qui vocatur *Callimus* — *Ætita* omnes gravidis adalligata mulieribus vel quadrupedibus in pelliculis sacrificatorum animalium continent partus, non nisi cùm parturiant removendi, alioqui vulva excidunt; sed nisi parturientibus auferantur, non pariunt, Plin. lib. 36. 21. Est Lapis iste pragnans; intus, cùm quasias, alio velut in uero sonante, Id. lib. 10. 3. Suprà alligatum (inquit Lev. Lemnius de Occult. Nat. Mirac.) fœtum retinet: ad femora applicatus attrahit, partumque facilem reddit: & hoc usu quotidie in Galliâ comprobatum esse.
9. Nempe ex patre conceptum. Vid. Fab. Metam. lib. 10.
10. Panaces ipso nomine omnium morborum remedia promittit, Plin. lib. 25. 3. *ἀπὸ τοῦ πᾶν ἀνῆν*. Vocatur & Panax & Panacæa, & propter eximias vires, Panax Herculeus. Virg. appellat Odoriferam Panacæam. Est autem Panaces neutrius generis, sicut *Cacoëthes*, *Nepenthes*, *Hippomandës*. Anglicè vocatur All-heal. Ab hoc exsodat *Opoponax*, qui succus cum multis potestatibus & hanc obinuit abigendi partus.
Galbanum,

11. Galbanum, gummi Ferula Syra, Ammoniacum Cyrenaica.
 12. Propter odorem foetidum. Planta ipsa Lasepitiium proprie dicitur, succus Laser, i.e. Asa foetida, Catul.

Lasepitiiferis jacet Cyrenis.

Plin. lib. 19. 3. Lasepitiium, quod Graci Σίλαριον vocant, in Cyrenaicâ Provinciâ repertum, magnificum in usu medicamentis.

13. Abiga, Ground-pine, de quâ suprà. Nec Thura Sabæa moramur, quia scilicet contraria virtutis existimantur, unde Sabina modo,

Junge & cum lentâ mascula Thura pice.

14. Allusio ad versum Tibulli,

Sed nimius Luto corpora tingit amor.

Lutum, vel Luteum, vel Lutea, (λυσμαχρον quibusdam) herba erat croceo colori tingendo in usu. Virg.

— Croceo mutabit vellera luto.

Crocus amore Smilacis contabescens in florem sui nominis conversus esse fingitur.

15. Erythrodanum, Anglicè Madder, de quo priùs. Alia est Erythrodanus, quam aliqui Ereuthodanum vocant, nos Rubiam, quâ tinguntur lana pellésque perficiuntur, &c. Plin. l. 24. 11. Rubia radice atq; semine pollet, calida ordine secundo, sicca tertio, eximiâ detergendi facultate insignis, quâ jecur, lienem, venes atque uterum exquisitè purgat: Nam Ictcrum sanat, Lienem absunit, urinam crassam atque copiosam, nonnunquam & cruentam, movet, Menses ciet, appositâque Secundas ac fœtum detrahit, ut proinde minimè sit tuta pragnanti, Fernel. l. 5. Meth. Med.

Colocynthis, vel Cucurbita sylvestris, appellatur etiam Fel Terra, propter amaritudinem, & Mors Plantarum, quia Herbas qua propè crescunt aut necat aut amarescere facit. Anglicè Coloquintida, vel Bitter Gourd. Nec puerorum nec senum nec pragnantium (fœtus enim vel supposita enecat) sed atate duntaxat florentium & robustorum Medicamentum est, Fernel. l. 5. Meth. Med.

16. Dracunculus, Dracontium, Serpentaria à quibusdam, Anglicè

glicè Dragon, à caule maculoso instar Draconum. Semen
Dracunculi fervens mordaxque, tantumque inesse ei virus,
ut olfactum gravidis abortum inferas, Plin. l. 24. 16.

17. Quacunque autem Ruta & per se pro Anidoto valet,
foliis iritis & ex vino sumptis, contra aconitum maxime &
viscum; item fungos & serpentium ictus, utpote cum mustela
dimicatura cum his rutam prius edendo se muniant. Valent
& contra scorpionum ictus & araneorum, apum, crabronum,
vesparum aculeos, & cantharidas ac salamandras, canisve
rabiosi morsus, &c. Plin. lib. 26. 13. Sed addit tandem, Præ-
cavendum est gravidis abstineant hoc cibo, necarà enim partus
invenio.

18. Artemisia. Vide qua prius.

Artemisia.

Cum te, chara soror, viridis Respublica peller,
Ire relegatæ non dubitabo comes.

Si nos foeminei luimus scelera omnia Sexûs,

1. Næ nostra Ecbolica stirps miseranda domûs.

Sit capiti iphus siqua in sua viscera sævit;

Nec pars, sed totum Mortis agatur opus.

Intempestivâ cur nos accersimur horâ?

Illa dies nostra est cum bona funo venit.

Impia & infælix, Virtutis tempora tantæ

In magnum impatiens anticipare nefas!

At semel admissi non nôrunt otia succi,

Otia non nôrunt torpida; semper agunt.

Nec labor est magnus tabulata revellere nondum

Vel bene fixa solo, vel bene juncta Domûs.

Spreturam Vento cum sint retinacula firma,

Nunc dubiam abripiet quælibet aura Razem.

Quid non evertit primordia frivola vitæ?

Nec mirum; Vita est integra penè Nihil.

Nunc

3. Nunc perit, ah ! tenui pereuntis odore *Lucernæ*,
Et *Fumum* hunc *Fumus* fortior ille fugat.
Totum *Aquilis* *Caesar* rapidis circumvolet *Orbem*,
Collegamque sibi vix ferat esse *Jovem*.
3. Quantula res quantos potuisset inepta *Triumphos*,
Et magnum nasci vel prohibere *Deum* !
Exhærecâset moriente *Lucernula* flammâ
4. Tot *Dominû* *Mundum* *Numinibûsque* novis.
Tu quoque tantilli, *Juvenis* *Pellæ*, perisses,
(Quam gratus terris ille fuisset *Odor* ?)
Tu tantum unius qui pauper *Regulus* *Orbis*,
Et propè *Privatus* visus es esse tibi.
5. Nec Tu tantum, idem potuisset tollere casus
Têque, *Jovis* *Fili*, *Bucephalumque* tuum.
6. *Dormitorque* *Urbem* malè delevisset *Agaso*
Bucephalam è vestris, *Indica* *Fata*, *libris*.
Vix credenda quidem tam nugatoria *pestis*,
Mollitia hæc *Uteri* ni mihi nota foret.
Ingratos scitis quantum aspernetur *Odores*
Arcanâ *Olfactûs* *Tetricitate* sui.
7. Vix bene prudenter, mihi credite ; nam locus aptum
Deliciis tantis non habet ille situm.
At contrâ, totis bene-olentia sensibus haurit,
Occurrîtque illis, interiûsque trahit.
Nec facile affectus causam indagare latentis,
Nec docti satîs hanc explicuere viri.
Tentemus siquid melius possimus & ipsæ ;
Ultima nam cursus tempora *Luna* terit :
Et quæ de *Partu* miracula mille supersunt,
Conventum poscunt discutienda novum.
8. Edita tu proavis, *Cynareia* *Planta*, *Tyrannis*,
Jam tandem offensi gloria summa *Patriæ*,
9. Jam *Sacra*, jam *Divûm* gratissima naribus *Arbor*,
Atque iterum *Virgo*, *Virgo* perennè manens,
Tu bene sceminei mysteria *Famina* mundi
Commemorare potes, nam *Meminisse* puto.

10. Téque olim *Patria* natam inter aromata dulcis
 Præclarè fas est noscere quid sit *Odor*.
 Quinetiam infelix cùm te *Ratione* minori
 Tentantem frustra vincere vicit *Amor*,
 In medio longæ miseram discrimine pugnæ,
 Ah ! sæpe *Hystericam* decubuisse ferunt.
 Ergò agè, quæ tandem tua sit sententia pande :
 Quid dubitas, nimum *Myrrha* modesta, loqui ?
 Quid fles ? quid rupto dimanant cortice guttæ ?
 Illa vetus nil jam culpa pudoris habet.
 Fælices culpæ, *Lacrymas* producere tales,
 Et tantum terris quæ potuere bonum !
 Nulla unquam merita est tantum *Virtutibus* ipsis
 Fœmina, Tu quantum crimine, *Myrrha*, tuo.

1. *Planta* que sætum imperfectum aut mortuum ejiciunt.
2. *Miseret*, atque etiam pudet, astimantem quàm sit frivola animalium superbissimi origo, cùm plerumque abortus causa fiat odor à *Lucernarum* extinctu. His principiis nascuntur *Tyranni*, his *carnifex* animus. Tu qui corporis viribus fidis, tu qui fortuna munera amplexaris, nec te *Alumnus* quidem ejus existimas, sed *Partum*, tu qui te *Deum* credis aliquo successu tumens, tanti perire posuisti, atque etiam hodie minoris potes, *Plin. lib. 7. 7.*
3. Divisum imperium cum *Jove Cæsar* habet.
4. *Imperatoribus Romanis*, qui post obitum in *Deorum* numerum plerique relati sunt.
5. Ad eundem odorem *Equæ* dicuntur abortire.
6. Id est, Si *Agaso* (qui curam *Equorum* agit, A Groom) dormitans fortè in stabulo *Equæ Bucephalo* prægnantis extremitatem candela fatentem reliquisset, in causâ forsitan fuisset cur abortum faciente *Equâ*, *Bucephala Urbs* (in memoriam illius celebris *Equi* adificata) nunquam condita fuisset.
7. Inter *Vesicam* & *Rectum Intestinum* positus.
8. *Myrrha*, filia *Cynara Regis*.
9. Quæ adoleatur *Diis immortalibus* *Thuris* modo.

Panchaia.

10. *Panchaia.*

— — — — — sic dives amomo,
Cinnamâque costâque suum sudatâq; ligno
Thura ferat, florêque alios Panchaica tellus,
Dum ferat & Myrrham, &c.

Ovid. Metam. 10.

Myrrha.

AT tandem abstergens fletum *Cynareis* odorum,
Diductis leviter frondibus ora levat.
Incipit, exactoque calet mox *Lingua* pudore;
Mox nullâ ut pergat sollicitanda prece.
Sic prima est *Cochlea* dura exantlatio siccae;
Mox densum pleno flumen ab ore vomit.
Nota quidem res est, aliis longè omnibus unam
Plura *Gynacitin* fundere verba *Tribum*.
Inque illâ longè reliquis plura omnibus unam
Fundere, siqua olim *Planta Puella* fuit.
Ergo hic *Historiam* contexit origine ab ipsâ,
Quâque licet, molli *mîtigat* arte suam:
Quâm longùm illicito pugnavit fortis *Amori*,
Et mala nè faceret, quàm mala sæva tulit:
Quâm sit sæpe suâ conata arcessere dextrâ
Mortem, dum potuit *Myrrha* pudica mori;
Impar cum sævo congressa *Cupidine Virgo*,
Sub juga qui magnas mittit ævena *Deas*.
Multâque præterea quæ *Mens* mihi dicere non est,
Cum melius *Naso* dixerit illa prius.
Tum verò innumeros *Uteri* (haud ignara) labores
Flebilibus fertur quæstis fuisse modis.
Vix ego, si ora mihi dentur *Muliebria* centum,
Et detur pulmo roboris instar habens,
Tot genera & formas & nomina sæva malorum,
Tot varii vultus *Monstra* referre queam.

Quæ Superum invidia est tam multo *militæ Moris*
 Ipsius *Vita* velle replere *domum* ?

Quid tutum est homini, tua dulcia regna, *Voluptas*,
Metropolimque tuam si *Dolor Hostis* habet ?

Sed mihi præcipue *Laurus* mea rettulit illam
 Hysterici incursus ingemuisse mali.

Væ miseræ (dixit) totius *Corporis Urbi*,
 Si *Castellum Uteri* vis inimica tenet !

Eminus hinc dirum jaculatur ubique vaporem,
 Fit fuga vasta Animæ quâ Vapor ille subit.

Spirituum turbas intercipit ille volantum,
 Ut procul incautas tetet *Avernus Aves*.

Si *Stomachum* attingit, *Stomachus* collabitur æger,
 Pensæque *Venarum* semilperaeta jacent.

Immemor officii dulces avertitur eas ;
 Friget & extincto *cruda Culina* foco.

Cor petit ? ipsa tremunt labefacta palatia Cordis ;
 Vitale excusso sanguine turbat opus.

Intransesque novos suspendit ad *Ostia* fluctus ;

1. Territa vel retrò cedere Vena juber.

2. Et Cava vel dubio, vel nullo, *Tympana* pulsu,

3. Significant Animæ prætereunda iter.

Splendida *Lætities* afflatu extinguitur atro,
 Et Spes, & quicquid pectore *Lumen* habet.

Ut dicunt, *Stygiis* olim apparencibus *Umbriis*,
 Oppressa tremulas luce perire faces.

At subeunt *Luctusque Metusque Odiumque* diei,
 Et formis horret *Scena* maligna nigris.

Mox in processu fauces crudeliter ipsas
Carnifices stringunt *Vincula* læva mali.

Ætheriâ infelix aurâ non vescitur ; *Ignis*

4. Sola alimenta sui *Vita pyralis* habet.

Sæpe & in alta volans Caput occupat impigra pestis,
 Ardentemque Animi fertque rapitque domum.

Barbarico trahitur *Ratio Captiva* Triumpho,
 Nunc religata *Oculos*, nunc religata *Manui*.

Scilicet

- Scilicet hanc hilaris miseram dementia ludit,
 Et risu effreni viscera moesta quatit.
 Et (yigil ab frustrá!) præsentia somnia narrat,
 Miraturque suos non placuisse jocos.
 Cuncta tremens pavet hæc, & cunctis illa minatur,
 Ac *Miseranda* jacet *Terribilisque* simul.
 Hinc vanis irarum ardescunt ignibus ora,
 Atque illi vanis imbribus ora madent.
 Mortis Imago alias premit exactissima, quâcum
 Collatus, *Vita* *Somnus* *Imago* foret.
 Constringit sensus torpor solidissimus omnes,
*Arborea*que *Anima* non magis alta quies.
5. Nec levis aura potest tenues impellere pappos,
 Siqua ex ore venit; sed, puto, nulla venit.
Defunctam *Hysterica* conjunge, jacere putabis
*Defunctas*ve duas, *Hystericas*ve duas.
 Hoc tanto in morbo (quis credat? sed tamen æquum est
 Credere quam longus perdocet usus opem)
 Subjice sopitis grave-olentes naribus auras;
 Huic retro cedit tetrior ille Vapor.
6. Perdicum plumæ variæ suffimina sunt,
 Humanæque comæ, quadrupedumque pili,
7. Cornuæque coriûmque boum, & quæ plurima quondam
 Verruca ægroti crure tumescit Equi.
 Nil Virtutis eget: Quis casus repperit istam?
 Aut tantum *Ingenium* *Casibus* unde fuit?
- 8.9. Ure simul *Petrelas*, & *Mare*m *Sulphur* *Odor*em,
 10. *Virosam*que *Assam*, *Castoreum*que grave.
 Hæc per mille poros, nervosque, viasque micantes,
 Descendunt acie densâ, Uterumque petunt.
 Ille omnes adytus contrâ munire supernè,
 Et claustra aggeribus firma tenere bonis.
 Ergo in se magnis contractus nixibus ipse
 (Nam spatio in magno vis malè fusa perit)
 Humoresque supervacuos fœdôsque vapores
 Emittit tristes inferiore viâ.

Non jam cura manet longinqua invadere regna ;
 Tutari cura est sēque suōsque Lares.
 Nec tandem *Hannibali* nova sufficit agmina, possit
 Ut procul *Italia* frangere victor opes,
Romanas Aquilas & pila minantia circū
Carthago ē muris cū videt ipsa suis.
 His *Nares* ; *Uterum* contrā suffire memento
 Quo placas magnos largus odore *Deos*.

11. *Cinnamāque* (12) *Ladanūque* illic supponē caprinum ;
13. Et *Costum*, & *Stacten*, si lapis, adde meam,
14. Sudorēque sacrum *Zibethi*, (15) *Vomicāque Gazela*.
16. Ignotūque homini te genus, *Ambar*, habens,
 Et mea quod spirat *Panchaia* ditibus hortis,
 Atque *revictura* quod *Rogus* halat *Avia*.
 Nec tu *Thura* bonis dubites avertere *Divis* :
 Dii bene concedent usibus illa piis.
 Tum membra obscuro cernes undantia motu
 Experrecti Animi lucida signa dare.
 Tum cava non solito fremere Intestina tumultu,
 Disjecti que Hostis tota sonare fugā ;
 Subter & obsceno stillare Venena canali,
Sanguinesque iterum lenē micare *vias*.
 Et se sēpe levant oculi, cælūque requirunt,
 Purpureūque redux floret in ore calor.
 Ultima constrictas referant suspiria fauces ;
 Ad *Vita* expirat *Morbus* & ipse modum.

Quod tibi, dulcis *Odor*, cum membro à nare remoto,
 Et Nari inviso, quod tibi *Fædus*, *Odor* ?
 Tu quoque quā causā, *Fætor* spurcissime, bello
 Tam clara & longē dissita regna petis ?
 Quā vos, quā celeres emititis arte *sagittas*,
Nasus ubi, vester tam procul *Arcus*, abest ?
 Ergo aliqui ad *Cerebrum* credunt pertingere solum,
 Quā via sub celso fornice nota pater ;

- Cognatòque *Utero* mox impertire *Cerebrum*,
 Aut triste aut lætum quod ferat *Hospes Odor*.
 Nec sua sæpe *Uterus*, sed gaudia gaudet *Amici*,
 Et læsi læsus sæpe dolore dolet.
 Quod *Cerebrum Pyladen*, *Uterum* delectat *Oresten*;
 Quod fugit & *Pylades*, noster *Orestes* fugis.
 Non equidem inficior nodum quo jungit utrosque
 Naturâ simili conciliatus amor.
 Conceptusque suus, suus est & *Partus* utrisque,
 Atque ambo *Fœtus ora* Parentis habent.
 Quid, quod inest nunquam satiata libido creandi?
 Magnorumque capex, arctus utrisque sinus?
 Multa jure prætereo (concurrunt multa in utrisque)
 Scilicet hæc *Matrix Corporis*, illa *Animi est*.
 Sed tamen hæc isti propria est ac prava facultas,
 17. Nec Caput & Nares semper, *Agæne*, rogat.
 18. Surgere conantem atque urgentem vincula frustra
 (Sæpe rebellantem vincula nulla tenent)
 Suppositus revocat (*Naso* ignorante quid actum)
 Et firmat grato glutine blandus *Odor*.
 At descendentem devexo pondere eundem
 (Nam proprio imbellis pondere sæpe labat)
 Suppositus fugat occursum, fursumque repellit
 Horrenda intentans arma molestu *Odor*.
 19. Sic cum tota suis gens olim excesserat arvis,
 (Ingens finitimis undique terror agris)
 Invitam ad Patriæ semeruta tecta relictæ
 Reppulit obstanti major ab Hoste metus.
 Ergo alias alii causas; sed nulla relatu
 (Nam legistis eas, sat scio) digna novo.
 Quid potero ipsa novi? mihi tu, doctissima *Præses*,
 Fare aliquid, dicis; *Res* ait ipsa, *Tace*.
 Fas parere tibi; *Verum reperire Deus* me
 Fortè vetat, *Verum querere* & ipse jubet.
 20. Longius hæc Ratio, *Puteo*que petatur ab imo:
 Haurio si lentè, da veniam, *Alta* latent.

Liber Secundus.

116

Admiranda vides, & Bella & Fœdera rerum ;
His constat *Mundi Muscæ* ille tenor.
Hæc qui haurire velle noto de *Fonte quaterno*,
Gnaviter *Insanus* cum *Ratione* foret.
Causarum hîc varii se pandunt undique *Rami* ;
Sed *Causis Radix* omnibus una lubest.
Namque ea quæ vulgò jam quatuor esse putantur,
Non sunt immensi *Semina prima Globi*.
Thesauros Elementorum congestit in illis
Verorum, in promptu *Numen* habere volens ;
Principia unde suos depromere posset ad usus,
Et *Mista æternùm* suppeditare nova.
Infinita Favis latitant *Elementa minutis* ;
Infinita Homini, sed numerata *Deo*.
Nec magis antiquus claro *Calor* insidet *Igni*,
Famosùmque suæ *Frigus* inhæret *Aquæ*,
Quàm vel *Amarities*, *Dulcedo*, *Albôrque Nigrôrque*,
Atque omnis, variæ copia naris, *Odor*,
Vel nostræ *Ecbolita vires*, vel *Styptica virtus*,
Propria *Materiæ Puncta* habuere suæ.
Terris cuncta, & *Aquis*, *Flammis*que *Animis*que coarctæ.
Quid parè & timidè dico? *Priora* volo.
Nam quæ *Terra* & *Aqua*, *Flamma*que *Animæ*que vocantur,
Ex his compositum corpus habere reor.
Quippe—Sed oblatus subitò vocem abripit horror,
Nam longè versâ *Janua* clave sonat.
Intrantemque ipsum *Cultorem* nobilis *Horti*
Vidit *Ruta* procul ; vidit, & intremuit.
(Nam nulla in terris distantia longiùs *Herba*
Purgatrix Oculi quàm bona *Ruta* videt)
Et fugite hinc properè submissâ voce susurrat ;
Cultor adest *Horti*, diffugiamus, ait.
Nondum erat orta *Dies*, sed luce afflata propinquâ
Luna iter admissis præcipitabat *Equis*.
Nec se more suo tam matutinus agebat,
Sed casu è somnis excitus ille novo.

Nam subitis Uteri lacerata laboribus *Nxor*,
 Inclamabat opem, *Funo* benigna, tuam.
 Ille autem, qui vel centum *Funonibus* Horti
 Prætulit attonitus germina multa sui,
 Quæsitum huc properè *Cyclaminum* forte cucurrit,
 Quo lentum excuteret Parturientis onus.
 Ut procul aspexêre Virum, sese ocyùs omnis,
 Sed furtim, & nullo murmure, Turba levat.
 Et breviter *Præses*, Nunc *Missâ* est; Ite, sorores:
 Interruptum aliàs perficietur opus.
 Dilcedunt, nullòque sono nullò,ue tumultu
 Areolas repetunt Germina quæque suas.

1. *Vena Cava* ubi ingreditur dextrum Cordis ventriculum.
2. *Arteria.*
3. *Sanguinis*, vel *Anima* in *Sanguine*.
4. In *Cypri* arariis fornacibus ex medio igne majoris muscæ magnitudine volat pennatum quadrupes, appellatur *Pyralis*, à quibusdam *Pyrausta*: quamdiu in igne est, vivit; cùm evasis longiore paulò volatu, emoritur, *Plin. l. 11. 36.*
5. *Pappus*, Lanugo florum (proprie papaveris) *Lucret.*
 ——— *Papposque* volantes.
6. *Pluma* avium auxiliantur, imprimis *Perditum*, combusta, *Sennert.*
7. Imprimis utiles sunt & à pluribus commendantur ut præsentaneum auxilium, & quod momento quasi *Mulieres* suffocatas revocent, *Verruca* quæ tibiis equorum adnascuntur, si in furno siccentur, & in pulverem redigantur, & sumus ex coenaribus obijciatur injecto carbonibus, *Idem.*
8. *Περύλαον*, quasi oleum petrarum, ex quibus odore validdissimo extillat.
 Ex *Chymicorum* sententiâ, quæ sanè probabilis est.
9. *Grave-olentem*: sic *Plin. Virus alarum*, & *Mustelarum*
10. *virum exitio* est, i. e. odor. *Colum. Virus paludis*, *Virg.*
 — *Virosaque* Pontus
Castorea ———

Statim tamen eo in bonam partem utitur.

— Arque omne benigne

Virus odoriferis Arabum quod crescit in arvis.

Ubi Virus significat rem Multum, non Male, olentem.

11. Ἀνδανον Herodot. sed Ionice, nam communiter Ἀνδανον scribitur, & corrigitur à Marcello.
12. Arabia etiamnum & Ladano gloriatur, fortè casu hoc & injuriâ fieri odoris plures tradidere, Capras, maleficum aliis animal, odoratorum autem fruticum appetentius, tanquam intelligant pretia, carpere germinum caules pradulci liquore turgentes, distillantemque ab his casus misturâ succum improbo barbarum villo abstergere, hunc glomerari pulvere, incoqui Sole, & ideo in Ladano Caprarum pilos esse, Plin. l. 12. 17.
13. Sudant (Myrrha arbores) sponte priusquam incidantur statim distam, cui nulla praesertur.
14. Zibeth vocatur odoramentum quoddam pingue, crassum, nigri saponis facie, quod sudor est animalis cui Felis est figura. Qui liquorem illum esse ejus semen arbitrantur, ineptiunt; Strigmentum enim est, non, ut putabas, humor extractus è loculis genitalibus, Scal. Exerc. 211. 2.
15. Gazela Vomica, cujus excellentiam probant Persae, si odorantibus sanguis è naribus eliciatur, Id. Exerc. 211. 6. — Gazela tibi ignota non fuisset ex quâ Moschus: est autem Gazela tota capreoli facie, &c. Ibid. Vide etiam Exercitat. 21.
16. Graeci recentiores (Vetres enim non noverant) Ἀμβαρ appellant, quidam Ambarum, alii Ambram: quidam Balana semen esse putant, alii gummi arborum in mare delapsum, alii genus bituminis. Scaliger Fungi speciem esse.
17. Ut Minister in sacris Agonalibus.
Semper Agatne rogat, nec nisi jussus agit,
Ovid. Fast. 1.
18. Galeni motus autoritate nonnunquam putavi Uterum nihil aut perexiguum è suâ sede dimoveri: at agrotarum mulierum modò querimoniâ modò precibus adductus, hunc saepe tactu deprehendi instar globi cujusdam in ventriculum effertur, eum-

que graviter opprimere; hinc & saepe manu depressus est, manifestoque in propriam sedem propulsus: neque id sane magis alienum videri debet quàm ejusdem prolapsus quo totus fere procidit, Fernel. Alii tamen hunc ascensum uteri negant.

19. Helvetii. Vide Histor. lib. 1. Comment. Caesar.

20. A notissimâ Democrisî sententiâ, Veritatem in profundo Putco latere.

FINIS.

1.
2.
3.
4.
5.

Nè malè diluto fugiant pigmenta colore,
Tu prohibes Oleo mista perire tuo.

1. Nostri qui nunc sunt Herbarii Elelispheon Græcè, Latine Salviā vocant, &c. Plin. lib. 22. 25. Sed puto Ἑλεσφαίων unam tantū speciem σπᾶν, i. Salviæ, esse, fortè sylvestrem. Salvia cerebrum idcirco juvat & corroborat, quòd illi totius substantia similitudine familiaris sit, Fernel. Id. lib. 5. de Meth. Med. Salvia calida primo, secundo: qua angustiore folio, efficacior habetur; ea leniter astringit, & emanantem sanguinem cohibet, Ventericulum atque Cerebrum corroborat, torpentem appetentiam excitat; peculiariter autem Nervos firmat, eorūque vitiis omnibus medetur, in idque vires obtinet Castoreo finitimas.

2. Quia inter præcipua medicamenta habetur qua Memoriam confirment.

3. Memoria, Musarum Matri merisò dicta.

4. Salvia confortat Nervos, manuūque tremorem
Tollit———

Salernitan. Iidem honorificentissimè de hâc herbâ, &, pro talibus Poëtis, etiam Poëticè, rogant,

Cur moriatur Homo cui Salvia crescit in horto?

5. Agrippa eam sacram herbam appellavit, & scripsit Leana eam manducare ad partus facilitatem. Aëtius dicit, Gravidæ Mulieres si fluidæque laxæque sint, eâ utilissimè vescuntur; nam Conceptum retinet, & vitalem reddit. Aiunt in Copto Ægypti post sævas pestilentias ab his qui supersuerunt ad ejus succum bibendum Mulieres coactas fuisse, plurimosque fructus inde productos, Heurnius.

Melissa.

1. I T E procul Cura, (nimium mihi Turba sodalis)
Ite; venit Vati læta Melissa suo.

Lata

Lata venit, Sertisq; volens me cingit odoris :

Me cane (sit,) Merces ipsa Canentis ero.

Jamdudum insolito juvenescunt corda sereno :

Agnosco afflatum, nobilis Herba, tuum.

2. *Jure tuam frondem signaris imagine Cordis ;*

Te solet inter opes Cor numerare suas.

Vultibus impressum veluti Regalibus Aurum

Partis & Effigiem Principis ipsa geris.

Te fugiunt Pluvix, te Venti & Nubila Mentis,

Auratūq; aperit pax inopina diem.

Nec Bacchus plus ipse juvat, cum rore superbo

Fervidus in venas purpureisq; fluit,

Dulcis mortalis portans oblivia sortis,

Spemq; renidentem, Divitiisq; breves.

Nescio quid plerūq; bonis turbatur in illis,

Visus & impure est surgere fonte Lepos.

Nec sævum occidit Bacchus, sed vulnerat Hostem ;

Viribus iratis fortior ille redit.

At tua lenè fluit, sine vi, sine fæce, Voluptas,

Nec pungunt Caudis Gaudia sæva suis ;

Nec nimum Melli vicinus Aculeus hæret :

3. *Blanda Melissa, tuas non imitaris Apes.*

O Munus cœleste datum mortalibus ægris !

O Numen, Cura si medicamen habes !

Infestant alix pestes, hæc possides Orbem,

Hoc uno ægrotat quisquis ubique Malo.

Gaudeat innumeris & abundet Floribus ætas ;

Hæc Flores ipsos tingit Amarities.

Circumfert humana suum Natura Venenum,

Atque opus Ansidoro Vita habet ipsa tuo.

1. *Melissa, Meliphyllum Virg. Melissophyllum & Melittis*

Plin. quibusdam Apiastrum, quorum eadem omnibus origo

nominum, quod sit herba apibus gratissima. Citrargo etiam

dicitur, ab odore. Citrargo, quæ & Melissophyllum, calida sic-

caque recessu primo, demulcet quoque atram bilem ; con-

fers

fert ad timores & tristitias quæ occasione nullâ ex atrâ bile suscitantur, lætæque facit somnia, simul quoque aliquantum deterget, Fern. Et idem alibi, Melissophyllum Syncepen ex frigidâ causâ, mærorem tristitiâque excutit. Rases (referente Heurnio) ait, Melissa animi hilaritatem, coloris amœnitatem & jucunditatem, bonâque coctionem creat, & canitiem retardat. Quâ de causâ vino indi solet. Multis aliis facultatibus celebris est, sed hæc de hæc unâ agitur. Anglis Baume.

2. Qui Signaturas rerum consulantur, observant Melissophylla Cordis figuram referre.
3. Melissophyllo sive Melitide si perungantur alvearia, non fugient Apes; nullo enim magis gaudent flore: copiâ istius examina facillimè continentur. Idem præsentissimum est contra ictus earum vespariarumque & araneorum, item Scorpionum, &c. Plin. lib. 21. cap. 20. Unde Virgil. alvearia illini jubet;

Huc tu jussos insperge saporis,
Trita Meliphylla & Cerinthæ ignobile gramen,
Georg. 4.

Cochlearia.

1. **E**ST Morbus, nomen Scorbuto Saxones indunt, Arctos latè qui populatur agros.
2. Fælix barbar cum quæ ridet Gracia nomen!
Ah fælix quod non cultius ipsa dedit!
Monstrum atrox! nullum quo misit tetrius unquam
Prædatum in terras vindicis ira Dei.
3. Centum illi horribiles, centum (mirabile!) Formæ,
Bis centum armatas arbitror esse Manus.
Inter limosas Abdominis ille paludes,
Sulphureas inter nascitur Hydrus aquas.
Illum & Desidia, & nimii peperere Labores;
Illum et Luxuries, & Dolor ipse parit.

Sæpe etiam *Febris* defunctæ lævior *Hæres*;
 E *Cinere* & sicco profilit ille *Rogo*.
 Nascitur exiguus, facilique domabilis *aræ*.
 Hei mihi! quam parvo tempore *Magnus* erit?
 Sic stupet ingentem *Nilus Crocodilon* ab *Ovo*,
 Vix tantum immerfis *Ipse* stupendus *agris*.
 Humore obscæno & salibus nutritur adultis;
Ipsi illum *Flatus*, atque alit ipse *Vapor*.
 Ille nec in *Cunis* tentat nihil improbus *Infans*,
 (*Desidia* & *Proles desidiosa parum*!)
Herculei citius non inceperet *Labores*;
Monstrorumque Hostis Monstra imitantur opus:
 Qui modò natus erat, jandudum membra fatigat
 Insultans; ipsa *lassa Quiete* labant,
 Et languent, paréntque *Anima* non læta moventi,
 Nec nòrunt ubi sit, cum sit ubique, *Dolor*.
 Pectore deducto vix æger anhelitus exit,
 Sanguine vix ripæ prætereunte tument;
 Mox latè dat signa sui fidentior *Hostis*,
 Damna nec *Autorem* tanta latere sinunt.
 Tetra situ putri, fraudatæque dentibus *Ora*,
Mortis Odor fœdus, *Mortis* ubique *Color*;
 Nauseæque, & Vomitus, & clausi tormina *Ventris*,
 Et ferrugineis *Crura* inhonesta notis;
 Offusæque *Animo* *Tenebræ*, *Sensûsque* ligati:
 Quicquid & ut sibi sit *Vita* odiosa facit.

Hoc *Monstrum* mihi tale dedit *Natura* domandum,
 (Namque *Herbis* non est *Monstra* domare novum.)
 Sic *Taurum* vigilémque *Draconem* vicit *Iâson*;
 Non memini siccis usus an *Ille* meis:
 Sed vicit, rediitque potius *Virgine* & *Auro*.
 (Eveniant *Medicis* talia sæpe, precor.)
 Gaudebam quòd dura mihi provincia cessit:
 Quò major, certè *gratior* *Hostis* erat.

Sz

C

Ipsa

Ipsa (fatebor enim) capior dulcedine I. audis,
 Et juvat in Medicis nomen habere libris :
 Invidetque illis quas magni charta Galeni,
 Aut Coi celebrant scripta verenda Senis.
 Invidit meritò Juvenis Pellaus Achilli :
 Dissimilis questus nec mihi causa fuit.
 Cúmque aliæ Græco florent nomine Plantæ,
 (Námque honor in Græco nomine summus inest)
 5. Tunc ego litoribus crescebam inhonora Britannis,
 (Terra Britanna quidem tunc inhonora fuit)
 Crescebam infelix Gothici procul accola Ponti,
 Nec fuerat foliis vilior Alga meis.
 Nunc decet obscuræ damnum deforme Juventa,
 Tam longas Fama nunc reparare moras
 Et decet, & facio : nunc inclyta gloria nostri est,
 Et nota in terris omnibus Herba legor.
 Quis meruisse negat, cùm nostro Marte Tyrannus
 Vincitur Arctoo qui vagus orbe furit ?
 Dicite Io Paan ! ter Io sonet ultima Thule,
 Ter resonent Gothici litora vasta Maris !
 Ille ferox Morbus manibus post terga revinctis,
 (Dicite Iol) currus ducitur ante meos.

1. Cochlearia à figurâ Cochlearis nomen mutuatur, peculi-
 ter Scorbuto dicata, & providentiâ Divinâ in tñ regione
 abundè crescens ubi hic Morbus grassatur. Quem inferi
 Saxonia incola Scorbock, aut Scorbuck, à torminibus
 tris appellant, unde Nomen Scorbuti. Angl. Scurvy, & hoc
 Scurvy-grasse.
2. Licet Græcis innotuisse videatur hic Morbus, nam
 exatè describit Hippocrates in Lienis morbi ; tamen ita
 frequens fuit in Græciâ, ut proprium ac peculiare
 nullum nactus sit.
3. Tanta morborum & symptomatum sarrago in hoc m-
 concurrir, ut vix aliud sit tam πολύμορφον, & qui
 morbo

morbis speciebus latet. Sennertus eum autem sic definit :
Est prava quadam corporis nutritio vel Cachexia ab humore
melancholico peculiari modo corrupto orta, conjunctam habens
crurum debilitatem & maculas, gingivas tumidas & san-
guinolentas, dentium laxitatem, & plura alia symptomata.

Cochlearia facile primas inter ista medicamenta tenet, &
malo huic peculiariter adversatur, ut longa experientia do-
cuit; Sale enim volatili acri cum amaritudine conjuncta
abundat, unde aperit, penetrat, crudos illos & crassos humores
volatiles reddit, discutit, per urinam & sudores expurgat,
viscera roborat, Id.

Eadem esse creditur à quibusdam ac Britannica Plinii,
quod abunde in hac Insula nostrâ crescat.

Cassythia.

N E C Folium, Cassythia, tibi est, nec Caulis egenz,
Nec Radix ? Vita pensilis ortus ubi est ?

Tota quidem Magica es : nec jam Miracula miror

Plurima quæ facias ; grandius ipsa mihi es.

Herbarum ut capias vires, tua Retia Temet

Tendis, Venatrix & simul ipsa Plaga .

O animatum & Enigma ! tuæ mysteria plantæ

Qui cantu celebret Vase opus Oedipode est.

Non tu vicinas sine causâ amplecteris herbas,

Cum tibi sint Corpus Brachia sola tuum.

Stamina larga quidem tibi nent vitalia Parcæ :

Sed nec Subregmen, Tela nec ulla datur.

Fallor ? an hinc gaudes Filum præsentia Lina

Non scrutabilibus complicuisse modis ?

O bene dilectæ Conjux fidissima Plantæ !

Quo nullum exemplum clarius edit Amor.

Jam pudeat lascivam Hederam memorare, Cupido :

Illius amplexus sola Libido facit.

- Corpore perfruitur placito : Divortia rebus
 Apparent aliis ; Res habet illa suas.
 Sunt vires frondelæque alix, nec Fructus & ipse,
 Testis Adulterii, Conjugis ora refert.
 Et Radix aliis satiatur libera succis,
2. Et vel adhuc nomen Nuptia Parentis habet.
 At bona de solo pendet Cassytha Marito ;
 Nil habet illa suum, sed nec habere velit.
 Illius & succo nutritam, & stipite sultam,
 Et folio ornatam se putat esse satis.
3. Gaudet & illius quodcumque est sumere Nomen,
 Et fieri cunctis una eadẽque modis.
4. 5. Tali animo Alceste fuit, & Capaneia Coniux,
 Et paucæ eximius quæ celebravit Amor.
 Et puto te, Cassytha, mori pro Coniuge Lino
 Velle ; sed eveniant prosperiora tibi.
 Hic Viventis Amor ; claram post funera reddit
 Altiùs humana Nomen Amicitia
6. Quam Fecori præstas Splenique si eliter ægro,
 Quos recreas victos obsidiõque levas.
 Unde, precor, tantas tantillo in corpore vires,
 Unde, precor, Planta pauperis Uxor, habes ?
 Quis fore crediderit Jecur ut Medicamine tali,
 Tam miserâ tantum Viscus egeret ope ?
 Utere vel Minimis : nec dedignare superbus
 Quod servant homines Parva ; Minora necant.
1. Καρύδνα (quæ veteribus Græcis ignota) à καρύω Con-
 suo, quia quasi filis quibusdam herbas implicat; unde & Epi-
 linum (quæ maximè celebris est Cassytha species) vocatur
 Λινόστυα, Vinculam Lini. In officinis Cuscuta dicitur.
 Angl. Dodder. Cassytha primo ordine calida, sicca secundo,
 amaroris astrictionisque particeps, Melancholiam tum herbâ
 tum semine propriè incidit atque detergit, obstructum Lie-
 nem expedit, deinde & Jecur, arquatũque nigrum. &
 febres lentas diuturnasque pellit, quandoquidem venas om-
 niãque

niâque vasa à putridis humoribus expurgat, servato Ventriculi & reliquorum viscerum robore, Fernel.

2. Neque enim nomen mutuatur ab arbore quam amplexatur, sed ubique nomen Hederae retinet, quod Cuscuta non facit.
3. Quæ Thymo se implicat Epithymum vocatur, quæ Thymbræ Epithymbrum, quæ Urticis Epiurtica, quæ Rubo Epirubus, &c. nec tantum nomen adsciscit plantæ cui inhaeret, sed & virtutes ejus participat.
4. Cum Apollo à satis impetrasset ut Admæto Regi produceretur vitæ terminus, si quis pro eo diem obire vellet, Uxor Alceste conditionem accepit, vicemque ejus ipsa subiit.
5. Evadne Martis & Thebes filia, quæ sese in mariti sui rogam projectit.

Turbine quo sese charis projecerit audax
Ignibus Evadne, fulmenque in pectore toto
Quæserit —————

Statius.

6. Hepatis & Lienis infarctus expedit, ussam ex bile melancholicam eluit, &c. Heurnius.

Absinthium.

1. **I**Nfaustum Pueris & detestabile germen
Credor, & à Furiis Persephoneque legi.
Insanire putant Medicum, vel ludere certe,
In me si succum dicat inesse bonum.
Sed neque fæmineo scio me placuisse palato,
2. Multa licet Sexus debeat ille mihi.
Et puto vix paucis tristem arridere saporem:
Hei mihi, quàm paucos Jupiter æquus amat!
Dulcia sola placent; sed dulcia quantus amaror
Consequitur, serò post sua damna vident.
Longa Voluptatis subeunt fastidia curæ,
Dilectæque nimis Nausea fœda dapis,

- Corpore perfruitur placito : *Divortia* rebus
 Apparent aliis ; *Res* habet illa suas.
 Sunt vires frondēſque alix, nec *Fruſtus* & ipſe,
 Teſtis *Adulteri*, *Conjugis* ora refert.
 Et *Radix* aliis ſatiatur libera ſuccis,
2. Et vel adhuc nomen *Nupta* *Parentis* habet.
 At bona de ſolo pendet *Cassytha* *Marito* ;
 Nil habet illa ſum, ſed nec habere velit.
 Illius & ſucco nutritam, & ſtipite ſultam,
 Et folio ornatam ſe putat eſſe ſatis.
3. Gaudet & illius quodcunque eſt ſumere *Nomen*,
 Et fieri cunctis una eadēque modis.
- 4.5. Tali animo *Alceſte* fuit, & *Capancia* *Conjux*,
 Et pauca eximius quæ celebravit Amor.
 Et putō re, *Cassytha*, mori pro *Conjuge* *Lino*
 Velle ; ſed eveniant proſperiora tibi.
 Hic *Viventis* Amor ; claram poſt funera reddit
 Altiùs humana *Nomen* *Amicitia*
6. Quam *Fecori* præſtas *Splenique* ſi eliter ægro,
 Quos recreas victos obſidiōque levas.
 Unde, precor, tantas tantillo in corpore vires,
 Unde, precor, *Planta* pauperis *Uxor*, habes ?
 Quis fore crediderit *Jecur* ut *Medicamine* tali,
 Tam miſerâ tantum *Viſcus* egeret ope ?
 Utere vel *Minimis* : ne c dedignare ſuperbus
 Quod ſcruent homines *Parva* ; *Minora* necant.

1. *Κασσύθα* (quæ veteribus *Græcis* ignota) à *κασσία* Conſuo, quia quaſi filis quibusdam herbas implicat; unde & *Epilinum* (quæ maximè celebris eſt *Cassytha* ſpecies) vocatur *Λινόςτικον*, Vinculum *Lini*. In officiis *Cuscuta* dicitur. *Anſl.* *Dodder*. *Cassytha* primo ordine calida, ſicca ſecundo, amaroris aſtriſtionisſque particeps, *Melancholiam* tum herbâ tum ſemine propriè incidit atque detergit, obſtructum *Lienem* expedit, deinde & *Fecur*, arquatūque nigrum & febres lentas diurnâſque pellit, quandoquidem venas omniâque

niâque vasa à putridis humoribus expurgat, servato Ventriculi & reliquorum viscerum robore, Fernel.

2. Neque enim nomen mutuatur ab arbore quam amplexatur, sed ubique nomen Hedera retinet, quod Cuscuta non facit.
3. Quæ Thymo se implicat Epithymum vocatur, quæ Thymbræ Epithymbrum, quæ Urticis Epiurtica, quæ Rubo Epirubus, &c. nec tantum nomen adsciscit planta cui inharet, sed & virtutes ejus participat.
4. Cum Apollo à fati impetrasset ut Admeto Regi produceretur vita terminus, si quis pro eo diem obire vellet, Uxor Alceste conditionem accepit, vicemque ejus ipsa subiit.
5. Evadne Martis & Thebes filia, quæ sese in mariti sui rogam projecit.

Turbine quo sese charis projecit audax
Ignibus Evadne, fulménque in pectore toto
Quæsierit

Statius.

6. Hepatis & Lienis infarctus expedit, usiam ex bile melancholicam eluit, &c. Heurnius.

Absinthium.

1. **I**Nfaustum Pueris & detestabile germen
Credor, & à Furiis Persephonéque legi.
Insanire putant Medicum, vel ludere certè,
In me si succum dicat inesse bonum.
Sed neque fæmineo scio me placuisse palato,
2. Multa licet Sexus debeat ille mihi.
Et puto vix paucis tristem attridere saporem :
Hei mihi, quàm paucos Jupiter æquus amat !
Dulcia sola placent ; sed dulcia quantus amaror
Consequitur, serò post sua damna vident.
Longa Voluptatis subeunt fastidia curæ,
Dilectæque nimis Nausea fœda dapis,

- Dat stomacho pœnas, quem læserat antè, *Palatum* ;
 Odit & optatos, cùm rediere, *Cibos*.
3. Tum grayis inferno spirare *Mephitis* ab orbe,
 Mœstâque *Lernaus* surgere in ora *Vapor* :
 Tunc primùm succos non fastidire *severos*,
 Tunc & *Amaritiem* dissimulare meam.
4. Nec frustrâ ingredior stomachum, nec inutilis *Hospes* ;
 Sed fero præsentem, Numinis instar, opem.
 Non aliter *Solem* recreor sentire tepentem,
 Cùm mihi post hyem̃is frigora longa venit.
 Illic sæpe mihi *Stabulum* purgare nefandum,
5. Et libet *Herculei* ferre laboris opus.
 Pondere discusso repetit sua munia lætus,
 Et vivo *Stomachus* percoquit igne *cibos*.
Purpureamque avido *Tincturam* devorat ore,
 Nec venis operam dat *Chylus* ille gravem.
 Paulatim roseum depingit gratia vultum,
 Purgato roseus spirat ab ore vapor.
 Quid præstet mea planta boni *Venus* ipsa fatetur ;
 Nec *Dea* tam dulcis *Dulcia* sola probat.
 Illa meis prudens aspergit gaudia succis,
6. Et cum *Latitiis* miscet *Amara* suis.
 Scindimur herbosæ studia in contraria *Gentes*,
 Atque habet *Authores* *Fas*io quæque suos.
 Sunt quæ defendunt *Epicuri* dogmata *Plantæ*,
 Quæque *Voluptatis* læve sequuntur iter,
 Et gaudent dulces populariter edere *Fructus*,
 Et cingunt lætum florea sarta caput.
 At pars *Zenonis* rigidam colit altera *Scetam*,
 Virtutumque ferax & malè culta cohors :
 Nec pompas amat aut vana oblectamina sensûs ;
 Fecisse officium, non *Placuisse*, juvat.
 Et nulla in terris magis est me *Stoica* planta,
 Cauliculo fulca est *Porticus* ipsa meo.
Pelescent aliæ, nostra est *Prodesse* *Voluptas* ;
Gratia tarda quidem, sed mihi longa venit.

Utilis est *Censor* corruptæ asperrimus Urbi :

Talis Ego, & talis tu, *Caro* noster, eras.

Nec feritate tamen nec vindice fulminor irâ ;

Prudentem Irasce cùm *Schola* nostra veter.

Nulla magis nostris compesco crimina regnis,

7. Et fugit aspectum *Bilis* amara meum.

Me simul ac videt ingressam stomachoque receptam

Acria non humili bella parare modo,

Nec Venis nec mille remotis ausa latebris

Fidere, postico territa quærit iter.

Et sequor & fugienti insto ; Vestigia *sumant*,

Et *via* fervet adhuc quâ serus hostis abit.

Nec minùs undantes exhaurio corpore fluctus,

Avena *Diluvium* cùm meditatur *Hyems*.

Nec magis obscuras *Belga* exsiccare paludes,

Aut cursum obstantis vertere doctus aquæ.

Sæpe etiam obstructis Renum canalibus arctis

Ad Fontes refluunt *Flumina* salsa suos.

Prodigium infelix ! vicinis undique membris

Turbatur, totis & trepidatur agris.

Quid vos ignavæ (sic increpo) sistitis undæ ?

Mecum ite, en vobis rumpere claustra paro.

Rumpo ; patent ; notasque suus vehit alveus unda.

Lætantur magno membra levata metu.

8. *Cannibales* toto pello de corpore *Vermes* ;

Iustaque cum scedâ prælia gente gero.

Vermis edax, certus post funera corporis hæres,

Differ adhuc epulas (nec mora longa) tuas.

Visceribus gens illa ferox pinguescere gaudet

Infantum, & tenero læta cruore tumet.

Expectare piget donec *Mors* præparet elcas :

Præripiunt avidâ fercula cruda fame.

Quid de *Pulicibus* ? *vita* salientia *Puncta*,

Pulvereosque hostes enumerare piget.

Vix mihi majores vacat enumerare triumphos,

Et latitant numero multa *Trophæa* suo.

Sæpe vagum toto dispergitur æthere Lethum,
 Atque Elementa terox occupat ipsa Lues ;
 Ægrotat Tellus, ægrotat luridus Aer,
 Ægrotant alveis Flumina leata suis :
 Et miseros vastis Mors una amplectitur ulnis ;
 Vitalis Vitam (quis putet ?) Aura rapit.
 Auxilia in tantis Numen non pauca periclis,
 Nec minimum è multis me dedit Auxilium.
 Et sæpe una feror (nec sum quoque maxima) planta
 Bella Elementorum sustinuisse trium.
 Non igitur frustra, nec, credo, sine Omine sacro,
 Cuncta subacturæ Genti in honore sui.
 9. Ipse triumphalem Victor Certaminis haustum
 Germine de nostro (præmia magna) tulit.
 Nobilibusque tenens spumantia pocula guttis,
 Clamavit, Merces ista ulcere dabit.
 Nec quod sit gustu minus illa placebit amaro ;
 Per quem jam Vici sic Labor ipse fuit.

1. Absinthii genera sunt plura : Santonicum appellatur à Gallia civitate, Ponticum à Ponto, ubi pecora pinguescunt eo, atque ob id sine felle reperiuntur ; neque aliud præstantius, multoque Italico amarum : sed Medulla Pontici dulcis. De usu ejus convenit dicere, herba facillima atque inter paucas utilissima, &c. Plin. lib. 27. 7. ubi totum caput enumerandis ejus virtutibus impendit. Fernel. breviter in hunc modum : Absinthium calidum primo gradu, siccum secundo, astringens, amarum & acre, excalfaciens pariter & detergens, roborans & desiccans : ejus decoctum stomachum corroborat, bilem ejusque inhaerentem pituitam detergit, vacuatque tum per alvum tum per urinas. Hinc morbo regio correptos sanat, malaciam stomachi & inflationes discutit, appetitum excitat, nauseam arcet, lumbricos pellit. Coma, folia & semen usurpantur ; sed succus stomacho insensus, &c.
2. Urinam ac Menses cient tres quatuorve ramuli cum Gallici Nardi radice unâ cyathis aqua sex — Menses priva-

tim cum melle sumptum & in vellere appositum, Plin. Ib.
Abstergit etiam uterum.

3. Puitor ex corruptis aquis.

4. Astringit stomachum, bilémque detrahít — Malaciam stomachi & inflationes discutit cum Sili & Nardo Gallico, aceto exiguo addito — Fastidia abstergit, concoctiones adjuvat, cruditates detrahít, cum ruta & pipere & sale — Stomachum corroborat, & ob hoc sapor ejus in vina transfertur, Plin. Ib.

5. Qui Angia stabulum purgavit.

6. — Non est Dea nescia nostri

Quæ dulcem curis miscet Amaritiem,

Catul.

7. Absinthium quod in venis biliosum est per urinas expurgat, Fernel.

8. Ventrís animalia pellit, Plin. Ib. unde & Anglice nomen obtinet.

9. Sacris Pop. Romani celebratur peculiariter : siquidem Latinarum Feriis quadrigæ certant in Capitolio, Victórque Absinthium bibit. Credo sanitatem pramio dari honorificè arbitratís majoribus, Plin. Ib.

Nymphæa.

1. **N**um me cœnosas consentam habitare paludes,
Et mistam plebi spernis Arundinea?
Non ego de Vulgo viridi, neque Filia Terra;
Incolo cognatas nobilis hospes aquas.
Nympha fui, Dea postremæ non infima classis;
Venit Amor; quid tum profuit esse Deam?
Flammipotens jubet Ille: accendor in Hercule viso,
Tôtque Triumphorum pars Dea parva fui.
Mirabar famam Herois, fulgentiæque acta,
Membræque mirabar vel Patre digna Jove.

Et

Et me paulatim subiit scelerata cupido,
Ferre Virum totum qui tulit ipse *Polum*.
 Verum equidem fatear, *Noctem* mirabar & illam
 Quinquaginta Animas quâ genuisse ferunt.
 Nunc pudet, atque *Herba* tam toedos odimus actus :
 Sed fuit eximiae Nox ea *Nequitia*.
 Ille meos (quid multa ?) ferus decerpfit honores,
 Ille meae *Florem Virginitatis* habet.
 At vagus ille *Jovem* falsus levitate *Parentem*,
 Noluît unius tædia *ferre tori*.
Monstra subacturus, peiorâque *Monstra Tyrannos*,
 Percurrit *Vindex* sedulus omne solum.
 Sed semper *Monstri Merces* fit *Virgo* subacti,
 Sed semper *Natas* ille *Tyrannus* habet.
 Fœmineûmque genus mihi jam pro *Pellice* totum est,
 Nec caruere ipsæ suspicione *Deæ*.
 Nè valeam, sed & has mihi *Sirius* hauriat undas,
 Et possim exusta sicca palude mori,
Junonis nomen fuerim nisi tortâ per ipsum,
 Crediderimque Odium ni simulare suum :
 Forsan & ille meos (dixi) jam ridet amores,
 Pellicibûsque feror *Fabula* læta meis.
 Vexant ira, dolor, pudor, indignatio mentem ;
 His tamen invitis omnibus hæret *Amor*.
 Visum est æterni nisi solâ morte doloris,
 Ad finem certâ quærere morte viam.
 Fata obstant, sors obstat *Amantûm* dura *Dearum* ;
Infractum urget *Vita* perennis onus.
 Interea lacrymas fundo noctemque diemque,
 Hâc mihi *Clepsydrâ* tempora longa fluunt.
 Fit *Lacus* è denso tandem mirabilis imbre,
 Et collecta meos alluit unda pedes.
 Siqua fides (magni quæ gloria tetra doloris)
 Gaudebam *Luctus* fertilitate mei.
 At tandem ætheriis serò miseratus ab oris
Jupiter, Ipsa tædas incole, dixit, aquas.

Jussit abire *Dea* macro de corpore formam :

Jussa abiit ; multum dempsit antè Dolor.

2. Descendit terram *Radix nodosa* sub altam,

Et nimium *Clava* me meminisse facit.

Perpetuumque bibunt folia insatiata liquorem,

Ad Dominam lacrymæ jam rediere suam.

3. Candor adhuc veterisque manent vestigia formæ,

Pallor adhuc nostro pristinus ore sedet.

Nunc equidem totos dego genialiter annos.

Crede mihi, *Planta* turba beata sumus.

Nos sapimus melius *Solem* & cœlestia dona ;

Nos *Zephyri* mulcent & tepida aura fovet.

Nectareos nobis calices *Aurora* ministrat,

Ambrosias nullo terra labore dapes.

Certè hominum miseret, quos mille incommoda vitæ,

Et ferus exercet, *Maxima pestis*, Amor.

Non ignara mali, veterumve oblita dolorum,

4. Extinguo *Flammas*, sæve *Cupido*, tuas.

Victoremque meum tandem vicisse triumpho,

Injusta has justum est *Regna* subire vices.

Nè te mireris victæ cessisse, *Cupido*,

Me meus *Alcides* vincere *Monstra* docet.

Et nè fortè tuo credas, *Hilarissime Nequam*,

Non nisi *Deformes* posse carere jugo ;

5. Ipsius & Vultus nostræ medicamen in herbâ est,

Et se formosam spontè pudica videt.

Et faciem *Veneris* tribuo morèsque *Diana*,

Atque in Tutelâ *Numen* utrumque meâ est.

Sed nè fortè suas alieno nomine *Flammas*

Occulter sævus (nec caret arte) *Deus* ;

6. Institui nullos non debellare calores :

Odi omnes ; Hostem me *Calor* omnis habet.

Seu furialis, uti superâ in regione *Cometas*,

Occupet insanum flamma inimica Caput ;

Sçu vaga perrumpat Ventris fornacibus jmi,

Et fumos corpus spargat in omne suos ;

Seu Phlegetontæ accendat sulphure Venas,
 Seu stringat summam mitior illa cutim :
 Qualiscunque meis metuit concurrere succis,
 Përque poros omnes exanimata fugit.

Quid nictas ? quid dimidio me lumine spectas ?
 Sentio, vim Radix nostra Soporìs habet.
 Et puto tam longus Somnos inducere possit
 (Si vis illa absit) Sermo. Viator, abi-

1. *Nymphaa Heraclia* Plin. *Mater Herculana* Apuleio, aliis *Alga palustris*, *Papaver palustre*, *Clavus Veneris*, in officinis aliquando *Nenuphar*, Anglicè *Water-Lily*. *Nymphaa* nata traditur à *Nymphâ Zelotypiâ* ergà *Herculem* mortuâ, quare *Heraclion* vocant; aliqui *Rhopalon*, à radice *Clava* simili, &c. Plin. l. 25. 7. Nescio quâ autoritate ductus *Calepinus* hanc *Nympham* *Dejaniram* fuisse asserit, sic enim ait, Quod *Dejanira* audiens, (nempe mortem *Herculis*, cujus ipsa autor innocens fuit) dolore percita *Herculis* *Clavâ* se interfecit, ex cujus sanguine postea nata est herba quæ *Nymphaa* & *Heraclion* dicitur. Hæc ille; quem secutus non sum, cum quòd *Ovidius*, cum mortem *Herculis* narrat, istius fabulæ non meminit, tum quòd vix satìs convenire cum *Plinii* verbis videatur: nam *Dejanira* neque propriè *Nympha* appellari potest; neque *Zelotypiâ*, sed dolore mortuâ est. Utcunque se res habet, licere mihi existimavi fabulam pro voluntate meâ concinnare.
2. *Marcellus* eam *Clavam Herculis* appellat.
3. Duo sunt genera, quorum unius flos luteus, alterius candidus est.
4. Eos qui biberint eam duodecim diebus coïtu geniturâque privari, Plin. ib. *Venerem* in totum adimit *Nymphaa Heraclia* semel pota in quadraginta dies. *Insomnia* quoque *Veneris* à jejuno pota & in cibo sumpta. Illita quoque radix genitalibus inhibet non solum *Venerem*, sed affluentiâ genitura; ob id corpus alere vocemque dicitur, Plin.
5. Illita maculas omnes & vitia tollit — Alopecias emendat

- emendat *Nymphaeae* & *Cicutae* radix, si una trita illinantur, Id.
 6. *Nymphaeae* tota refrigerat ordine secundo, ejus radix atque semen exiccat, flos humectat; isque naribus ac fronti admotus, capitis ex bile dolorem lenit, somnum conciliat, sumptusque omnem extinguit ardorem, Fernel.

Asplenium.

1. **N** E C *Caulem* Natura mihi, nec *Floris* honorem,
 Nec mihi vel *Semen* dura Noverca dedit,
 Nec me *Sole* fovet, nec cultis crescere in *Hortis*
 Concessum, & *Foliis* gratia nulla meis.
 Herba invisâ Deis poteram cœloque videri,
 Et spurio Terræ nata Puerperio.
 Gens hominum specie rerum captatur inani,
 Atque *Oculis* *Mentem* tradit inepta suis:
 Pauperibusque *Horti* nunquam patet area plantis;
 Scilicet his regnat picta *Tulippa* locis.
 Non ita *Dii*: *Phœbus* me præfert mille *Tulippis*,
 Et *Cœus* *Phœbo* proximus arte *Senex*.
 Nam cum *Membra* suis divisit finibus *Autor*,
 Imperiūque *Herbis* certaque regna dedit,
 Tum mihi præ reliquis *Provincia* dura tributa est,
 2. *Moribus* ille ferox indomitūque *Lien*.
 Comprimo luctantem, sævōque humore tumentem.
 Aggeribus crebris obstruit ille vias,
 Nequicquam; perrumpo aditus, commercia reddo,
 Et via per *Splenem* libera tota pater.
 Ni faciam, sine more furit, dirūque vaporem
 Victor & horribilem spargit ubique luem:
Purpureos *Animæ* crudeliter inficit *Amnes*,
 Dēque *Venenato* *Flumine* *Vita* bibit.
 Et summa immundi depascunt corpora morbi,
 Et facies *Lethi* concolor *Omen* habet.

Hinc

Hinc lacrymæ curæque malæ vigilæque labores,
 Et dolor, & præcox Carnificina Metus :
 Hinc Laquei deformis Amor, præceptaque Fato
 Mors placet ; hinc vitæ tædia longa brevis.
 Monstra piz, precor, avertat tam turpia genti
 Jupiter, atque Herbæ vis operosa meæ.
 Non malè Trajanus Fisco assimilare Lienem
 Consuevit ; Corpus, cùm tumet ille, macrum est.
 Quid rides ? num Romana quodd nescia non sim
 Historia ? Stipes, non ego Planta forem,
 Tempore tam longo si tot Doctoribus usa,
 A tantis possem nil didicisse Viris.
 Et didici, & proferre tibi miracula possem
 Plurima ; sed nunquam garrula planta fui.
 Propositum ut repetam ; Multis animalibus ipsa
 Immodici absumo triste Lienis onus.

3. Creta quidem Mendax, sed & illi credite, grates
 De Porcis referat cùm mihi Creta suis.
 Splene tumente gravis durisque laboribus impar,
 Implorat nostram pauper Asellus opem.
 Ille meâ pastus (miseris nam Pauperis) herbâ,
 Assuetum repetit lætus & acer opus.
 I nunc & vanos Florum mirare colores,
 Deliciasque breves, Purpureamque fugam.
 Formosi lætisque virent (quis denegat ?) illi ;
 Nos tristes Formam Lætitiâque damus.

1. *Asplenium* multis nominibus notescit. Græcè Ἀσπλήνιον
 (quodd splenem diminuat) Σπλήνιον, Σκολοπένδριον,
 (propter similitudinem Scolopendrea vermis) Ἡμιόνιον, &
 Theophr. Πτέρυξ (quodd ex filicum genere videatur esse)
 Lat. Splenium, Scolopendrium, Scolopendrea, Mala Herba,
 & Ceterach pharmacopolis. Anglicè Spleen-wort, Milt-wort.
Asplenium sunt qui Hemionium vocant, foliis orientalibus
 multis, radice umosâ, cavernosâ sicut filicis, candidâ, hir-
 susâ. Nec Caulem nec Florem nec Semen habet. Nasceitur

in petris parietibusque opacis, humidis; laudatissima in Cretâ, Plin. lib. 27. 5.

2. Hujus foliorum jure in aceto decocto per dies quadraginta poio Lienem absumi aiunt, Ib. Ille dubitanter; audacius Fernel. Nullâ saporis insuavitate folio solo Lienem diebus quadraginta absomit, sedâque ex obstructione colorem detergit, atque calculos etiam in vesicâ comminuit. Et alibi; Syrupus Scolopendrii crassam terrenamque Melancholiam extenuat, mollit, fluxamque reddit, Lienem obstructione liberat, tumentemque solvit; Melancholia, quarianis diuturnisque febribus apprimè utilis.
3. Vitruvius ait in Cretâ, ubi magnâ copiâ nascitur Asplenium, Porcos ἀσπληνας, i. e. sine splene, inveniri. Dicuntur & Asini splene laborantes eodem sese curare.

Lactuca.

1. **A**ugustum sanasse olim quod diceris ægrum;
 Quidam inter laudes hoc posuere tuas.
 Nasone infamem pulso & Cicerone necato
 Certè ego te nollem restituisse Virum.
 Sed puto tu neutrum nôsti, Mundique Tyranno
 Non miror si sis gratificata libens.
 Utilis ipsa quidem es cunctis Medicina Tyrannis;
 Et rabies sacro frigore tacta fugit.
 Cinge, precor, Caput illorum meliore Coronâ,
 Inque illis Mundo, si potes, asser opem.
 Ipse tuo quondam iussa de corde perusto,
 Ipse Tyrannorum Maximus exit Amor:
 Falsus Amor; neque enim tentas expellere Verum,
 Qui titulum iusti Regis amandus habet.
 Invisus meritò est tibi Sirius ille Cupido,
 Qui necat Igne Herbas, & sera Monstra parit.

Eadem.

ἀσπληνας
 ὁπλον,
 ὁπλον, &
 ὁρῆς)
 Herba,
 t-wast.
 talibus
 â, hir-
 ascitur
 in

Eadem.

Adde Oleum Panemque mihi, nec deinde queraris
 Pauperiem æstivis mensibus esse gravem.
 Has epulas habuit teneri Gens aurea mundi,
 Et Cæna ingentis tunc Caput ipsa sui.
 Scindeumque meo creverunt corpora succo,
 Materiam tanti sanguinis ille dedit.
 Tunc neque fraus nota est, neque vis, neque fœda libido
 Hæc nimii proles sæva Caloris erat.
 Sit sacrum illorum, sit detestabile nomen,
 Qui primi Servæ regna dedere Gula.
 Hinc vitiis patefacta via est, Morbisque secutis
 Se Lethi facies exeruere novæ.
 Ah ! fuge crudeles Animantum sanguine mensas,
 Quasque tibi opsonat Mors inimica dapes.
 Posces tandem Eger, si Sanus negligis, Herbas.
 Esse Cibus nequeunt ? at Medicamen erunt.

1. Divus certè Augustus Lactucâ conservatus in agritudine fertur prudentiâ Musæ Medici, Plin. lib. 19. 8.
2. Lactuca rum admota tum sumpta cum cibo acres demulcet humores, desipientiam sedat, vaporisque suavitate somnum conciliat, idque blandè & citra offensionem ullam, Fernel. Et alibi, Frigida est initio tertii, humida secundo, idque simpliciter, citra astringentem aut ullius qualitatis excessum, crudâque estur ; aqua frigida modo refrigerat, ventriculi & praeordiorum æstum compescit, bilem fervidioremque sanguinem frænat : neque tamen ut aqua emollit, aut ventriculi praeordiorumve robur solvit ; sed nullâ offensione pro succo fervido temperatiorem profert, eumque benignum ac probum. Eâ temperatione somnum accersit, Veneris insomnia coercet ; ad quæ etiam ejus semen usurpari solet.
3. Quidam Eunuchion vocant, quia hæc maximè refragetur Veneri.

Veneri. Est quidem naturâ omnibus refrigeratrix — Peculiares earum vires somnum faciendi, Venerémque inhibendi, æstum refrigerandi, stomachum purgandi, sanguinem augendi, &c. Semine trito ex vino potu libidinum imaginationes in somno compeſci, Plin.

Euphrasia.

Ingredere, ô, *Oculos*, *Hospes dulcissima*, nostros ;
 Ingredere, & *Vati grata medere tuo* :
 Si bene de vobis merui, si carmine in isto
Plantarum stabili Flore perennat honos.
 Talibus orabam recubans in gramine mœstus,
 Cum subito ad nostros astitit illa pedes.
 Mirabar *Funginum* ortum tam nobilis *Herbæ* ;
 Nam nec eam vidi, nec, puto, ibi antè fuit.
*Dodrantal*is erat fusco velamine *Caulis* :
Crenatæ frondes subviridèsque tegunt.
 Stipite de medio lepidè *Flos* emicat albus,
 Quem flavi tractus purpureique striant.
 Agnosco *Euphrasiam* bello cum nomine bellam ;
Patrona arrident *Lumina* læta suæ.
 Prodigium, ecce, novum ! mihi *Flore* & stipite toto
 Annuit, & viridi talia voce refert,
 Submissè ; namque est *Herbis* mos ille modestus,
 Nec rauca *Arborea* murmura gentis amant.
 Florentis *Vates* (sic incipit) *Unice Mundi*,
 Fortia frondosæ qui canis acta domûs,
 Non cuivis voces *Herbarum* audire tributum est :
 Hoc tibi *Planticolâ* pro pietate datur.
 Non *Hominum* ingratos imitamur *Germina* mores,
 Queis *Vatum* æternus nullo in honore labor.
 Vellem equidem *Radix* possit tibi nostra mederi ;
 Nec dubium est *Cruces* hoc quoque velle meas.

- At si *Naturæ* culpa immedicabilis obstat,
 Heu ! nihil *Herbarum* natio tota juvat.
Naturæ nobis haud iussa infringere fas est :
Servimus ; Domina est ; quod lubet illa facit.
 Gaude siqua dedit, nè irascere siqua negavit :
 Crede mihi, *parcâ* est illa *benigna* manu.
 Sed cùm debilitat *Morbi* vis improba *Visum*,
 Aut *Vinum*, aut cæcus, *Luminis* olor, *Amor*,
 Aut crapula, aut curæ vigiles, aut putridus aër,
 Aut quæ præterea millia multa nocent ;
 Tunc *Ego* non frustra poscor : quot fundimus hostes,
 Quas serimus pugnas si numerare velis,
 Ante bonus verâ me proluet *Hesperus* urnâ,
 Et requieturos *Nectare* pascet agros.
2. Sæpe ferox *Capitis* decurrit vertice *Flumen*,
 Et se *salsum* *Oculi* *dulcibus* addit aquis.
 Qui solet esse alibi lacrymarum fertilis autor,
 Hic *Dolor* à *Lacrymis* nascitur ipse suis.
3. Sæpe tument albæ peregrino sanguine *Venæ*,
 Et domus accensa est *Hospitis* igne novi.
 Ah ! cave nè subito parvi *Sol* occidat *Orbis*,
 Lumine sanguineo cùm furiale rubet.
4. Sæpe obversantur Fumi Muscæque vagantes,
 Et nebulas inter ludicra Monstra volant.
 Fume, quid hîc facias ? nullos præpè cernimus *Ignes* :
 Quidve (malum !) hîc sibimet *Musca* molesta velit ?
5. Sæpe *Nivis* *falsa* obruitur caligine *Visus*,
 Atque induta *Albam* *Nox* venit ipsa *togam* ;
 Distantùmque olim simulachra fidelia rerum
 Sæpe alio, nullo sæpe colore micant.
- 6.7. Quid memorem *Ægilopas* & *Carcinnomata* scæda,
 8.9. *Phlytanâs*que graves, aut *Epicauma* ferox ?
 Innumeraque ipso metuendas nomine pestes ?
 10. Et te cui *Nomen* *Fistula* dulce nimis ?
 Hæc *Ego* cuncta domo : quâcunque iter æthera purgo ;
 Nubila dissipant, subsequiturque dies,

Et ridet lætus diffuso lumine vultus.

Quantum, ô, Lærities illa decoris habet ?

1. Scis nostrum *Arnoldum* (si *Arnoldum* legeris unquam)

Vel *Cæcos* opibus restituisse meis.

Restituit certè, & mea multùm cognita virtus

Prodigio in tanto debet habere fidem.

Ille quidem foliis (bene miscens utile dulci)

Tingere *Vina* jubet (*Tingite Vina*) meis.

Illæ dabunt verè tibi *Lucem* & *Pocula sacra* ;

Illæ dabunt *Munus Lætitiàmque Dei*.

Illæ puer trullâ fundat tibi *vina capaci* ;

Posce, & *Amicarum Nomina* tota bibe.

Et, *Bene vos Oculi*, dicas, *Oculisque propines* ;

Illi (crede mihi) pocula nostra bibent.

Sed nimium cessamus : Abi ; non immemor esto ;

Et mea victûro carmine dicta refer.

Dixit, & avertens festina evanuit *Herba*.

Lector, habes verâ dicta relata fide.

1. *Anglicè Eye-bright. Veteribus ignota erat. Herba Oculorum usibus, iisque (quod sciamus) solis à Naturâ destinata : eos autem mirificè & super alia omnia juvans.*

2. *Epiphora, sive salsus & acris humor è vertice & scincipite lacrymarum specie defluens.*

3. *Ophthalmia, sive Lippitudo Celso, Inflammatio adnata tunica à sanguine acris & bilioso orta, cum rubore, ardore & lacrymis, & magnâ distensione Venarum.*

4. *Suffusio, ὀφθαλμία, Humoris præter naturam vel in pupillâ vel inter Rhagoidem Tunicam & Crystallinum humorem concretio. Principio Fumi tantum & vapores obversari ante oculos videntur ; postea Muscæ & alia simulachra, pro diversâ figurâ suffusionis.*

5. *Leucoma, Albugo, alba macula in Corneâ, tandem totam occupans & obsecans.*

6. *Tumor inter majorem oculi angulum & radicem nasi, qui nondum ruptus Anchilops vocatur, ruptus Ægilops.*

D 2

Carcinomata,

7. Carcinomata, Cancri, tumores duri, inaequales, cum dolo (quo distinguuntur à Schirris) ab atrâ bile nati, qui aliquando in ipso oculo oriuntur.
8. Vesica parva aquâ plena ab acri & seroso humore orta, ferventis aqua bullis, qua *φλύκταινας* vocantur, similitudinis causâ nominata, qua in corneâ & adnatâ tunicâ frequenter ebulliunt.
9. Velut ex igne facta crustulosa ulceratio nigro oculi adveniens.
10. *Σύριγξ, κόλπος*, sinus angustus & longus in quo fistulam repraesentat, *Ægilopa* consequens.
11. Arnoldus de Villâ novâ, Libr. de Vinis.

Vesicaria.

1. **S**Æpe mihi (ut mos est) tacitæ non pauca putanti,
Et pudor & mentem nobilis ira subit.
Plantarumque genus (nisi queis præcordia Titan
Effinxit paucis de meliore luto)
Indignor non posse hyemem nec frigora ferre,
Sed plusquam humanâ vivere mollitie.
O frustra *Patre Sole & Terrâ Matre* creatas !
Semper & hæc fixa est, semper & ille *viger*.
Mirum delitiis ni cedant *Tempora* nostris,
Pellaturque *Anni* finibus exul *Hyems*.
Nos *Deus Elysiis* mirum ni conferat *Hortis*,
Nè stringat teneras aura molesta comas.
Scilicet *Halcyones* sumus, & producere foetus
Haud lubitum est, toto ni sit in orbe quies.
Nec tantum hæc parvas ignavia possidet *Herbas*,
Nec *repi* semper dedecus illud humi :
Patricias Ulmos, *Quercus*que effeminat ipsas,
Atque *Anima* in duro *Cortice* mollis inest.
Nec pudet hæc *virides Sibaritica vita Gigantas* ;
Æ stæte in cœlos scandere velle putæ.

Eia ! actum est, illis Tergum si verterit *Annus*.

Eia ! sub terram *Vita Gigantis* abit.

Hic Facet, ingenti possis inscribere *Trunco*.

Proh pudor ! *Hic Faceas* : sit tibi terra *gravis*.

Ast Ego, quæ *Frusciis* vix ausim assumere *Nomen*,

(*Quamquam* illud dederit *Plinius* ipse mihi)

Provoco terribilem pulchro certamine *Brumam* :

Impavidam feriet si *Polus* ipse ruas.

Bruma venit, Ventique mihi pluvixque minantur;

Armata innumero Milite *Bruma* venit :

Tunc *Fructus* produco meos ; ante ora *Tyranni*

Expono, & dico, *Nunc age, siquid agis*.

Funde tuos *Imbres* ; saturatas murice *Baccas*

Incocto nullis diluit *Imber* aquis.

Funde *Nives* ; *Nivibus* renitescit *Purpura* junctis,

Et rubrum in puro *Vase Toreuma* placet.

Sic prodest *Labris* albi vicinia *dentis*,

Sic decorat roseas candida forma *genas*.

Hiscæ rudimentis *Morbos* victura rebelles

Virtutem induro consoli loque meam.

Sic didici immenso perrumpere *Saxa* labore,

Et *Tyrocinium* mite fuit *Glacies*.

Non etenim solas (cùm de malè fortibus *Herbis*

Hoc faciant aliquæ) vis mea pellit *Aquas* :

Sed *Lapides* duros *Silicūmque* obstacula rumpo :

Vix penetret tales *Hannibal* ipse *vias*.

Ah nimium infelix *Scopulum* qui impingit in istum,

Jaçtatúrque suis *Naufragus* *Æger* aquis !

Ah miser, *Indigenæ* qui urgetur pondere *Saxi*,

Et dignus quem vel *Sisyphus* ipse flect !

Ah quantum *Extinctis*, quantum invidet ille *Sepulchris*,

Impositus tantum cùm premit *Ossa* *Lapis* ?

Huic Ego non ferrem auxilium ? mihi *Terra* dehiscat,

Sitantum dicar non miserata *malum*.

Tunc ego de durâ genitam me rupe fatebor,

Et *Silicūm* venas *Caulis* habere loco.

Sed miseresco equidem, molémque liquore resolyo
Caucaſeam ; impulſu diſſilit illa meo.
 Obſtructumque diu prono ruit impete *Flumen*,
 Et ſecum adyerſæ fragmina *Rupis* agit.

1. *Veficaria*, *Halicacabus*, *Alkakengi Arabibus*, *Angli*
Winter-Cherries. ſiqua planta ſignaturam officii ſui à Na-
 turâ impreſſam gerat, hæc proſectò illa eſt, cuius fructus
Veficam & *Calculum* in eâ concludum manifeſtè refert.
 autem è *Solanorum* (σπύχων) genere: Quorum alter
 (inquit *Plin. lib. 21. 31.*) cui acini coccinei, granofi
 liculi, *Halicacabum* vocant; noſtri autem *Veficariam*, quæ
 niam *Vefica* & *Calculis* proſit.
2. *Frutex* eſt ſurculosus veriùs quàm *Herba*, folliculis mag-
 ſiſque & turbinatis, grandi intùs acino, qui matureſcit
Novembri mēſe, lb.

Rorella.

1. **P**OL tibi ſe præbet nimiùm *Natura* benignam,
 Et *Vitæ* tempus dapſile mollis habes.
Flos micat *Argento*, tegitur *lanugine* *Corpus*
Purpurâ, & *Venis Aureis* humor ineſt.
Nec non in *Calicem* folium tibi quodque cavatum eſt ;
 Et potu nunquam non tunc ille *Calix*.
Exſiccare illum non *Comeſſator Apollo*,
 Non acris *Potor Sîrius* ipſe valet.
Arentes circum deſpectas turgida campos,
Fluminibùſque ipſis invidioſa mades.
 Et bibis, & rides ſitibundos improba *Menſes* :
Hydra rebullit aquæ prodigioſa novæ.
 Te tunc irrorat *Nîlus* de *Fonte ſatenni*,
 Et jubet invito *luxuriare Jove*.

De Eâdem.

Abjectis hinc sume *Hederis* tibi, *Bacche*, *Coronam* ;

Hæc est temporibus dignior *Herba* tuis:

Copia quam diti perfundit lubrica *Cornu*,

Hæres perpetuum *Copia* facta tibi.

Sic tu, *Bacche*, bibis, sic non fru, aliter hauris,

Exhaustusque tibi se *Cadus* ipse replet.

Sic tumet eporus renovato *Nectare* *Crater*,

Ambrosias celebrat cum *Jovis* aula dapes :

Nec labor est *Phrygio* calices implere *Ministro*,

Succurrit libimet pro *Ganymede* *Calix*.

2. Sic bina anseri pulcherrima *Pocula Cordis*

(In quibus ipse *Animus Vitam Animamque* bibit)

3. *Pocula divinum divini opus Alcimedontis*,

Purpureo spumant semper onusta mero.

Natura absomit sine damno prodiga censum ;

Vena micans aufert, *Vena* quieta refert.

O *Radicalis* plantæ prædivitis humor !

Quid mirum si tu languida corda foves ?

Corpora quid mirum sitabescentia sistis,

Membræque non vano glutine firma tenes ?

Quid mirum dubiæ nictantem *Lampada Vitæ*

Tam vivaci *Oleo* si renovare datur ?

Quid mirum si grata venis *Pulmonibus* *Herba*,

Et nunquam exhaustæ *Spongia* gaudet aquis ?

Grata ades & *Veneri* meritò, quæ plena caloris

Intus, & externo tosta calore, mades.

Hæc duo sunt *Elementa Libi* linis ipsa, *Calorem*

Illa Anima, *Humorem Corporis* instar habet.

1. *Rorella*, *Ros Solis*, *Rorida*, & corruptè apud vulgus *Rosa Solis*, *Anglicè* *Sun-dew*. Quæ nomina sortita est quòd, magno natura miraculo, *Rorc* semper madescat, & cum maxime

maximè cum Sol ferventissimus est, quasi ab ipso sole Ros in eam dilaberetur: itaque meridie colligi jubent. Alio nomine Anglicè Lust-wort appellatur, quia pecudes ex illius esu incendi libidine credunt. Veteribus nota non erat, itaque Graminum (misella) nomen non habet. Ex eâ liquor ille fit sat vulgaris, multique usus, Rosa Solis dictus; nam & omnibus affectionibus Cordis ac Pulmonum auxiliatur, & corpus ta-
 besceus reficit restauratque. Folia illi rotunda cavâque, sub-
 viridia, sed opera lanugine purpureâ, pediculo etiam rubro
 & lanuginoso inhaerentia, semper liquore vel lentore potius
 quodam tincta, interque ea parvuli rubicundi caules exsur-
 gunt, quasi clavos quosdam candidos pro flore ferentes, in qui-
 bus semina continentur; radix capillaris. Aqua ex eâ stilla-
 titia flavi coloris est, eoque argentum tingit, si immergatur.

2. Duo Ventriculi Cordis.

3. Virg. Eclog. 3.

————— Pocula ponam

Fagina, cœlatum divini opus Alcimedontis.

Quod nomen Ἀλκυμέδοντος non minùs quàm Ὀψιμέ-
 δοντος, quod Homero frequens est, Deo convenit.

Cyclaminus.

1. Sanguine stillantem Naris quæ occludere Venam,
2. S Posticæ partis Venam aperire soles,
3. Nec rationis egres; nam jure Patulcius hujus,
 Alterius debet Clusius esse loci.

Eadem.

4. Ecce superbit ovans generosa Vitis fugatâ,
 Et Capite inflato vile tumescit olus:
 Vlttricem Regum debellat rustica Plantam
 Brassica; sed prope Te stare misella nequit.

Nemp

Ros in
nomin
esu in
e Gra
fit sati
mnibu
pus ta
e, sub
n rubr
e poti
exsur
in qui
stilla
ygatur

Nempe *Cibum Medicamentis* decedere fas est ;
Inscrui Morbis Ille, sed ista *fugant*.
 Non alias Herbas morésve imitatis avara
 Humanos, quorum *Mors* benefacta facit.
 Ipsa tuâ frueris Virrute, & viva vidénsque
 Exerces ; *Horto Tu Medicina* tuo.

Eadem.

5. Docta mihi dederit cum *Gracia* nomen honestum,
 Quod meruit Folii bella figura mei,
 6. Gens inimica novum cuderunt *Pharmacopolæ*,
 Quæis *Græcæ* vocis nec sonus ipse placet.
 Fœdorumque (nefas !) Animantum injuria nostros
 Indigno titulos stigmate inulta notat.
 Non ego tam *Porci*, quàm vobis præbeo *Panem* ;
 Vos estis *Porci* quos Ego semper alo.

↓quæ

Eadem.

7. Ulcera desicco putri manantia tabo,
 8. Mollitiésque cuti non *aliena* redit.
 9. Nec mihi duritie *Vari* (10.) *Pan*ique resistunt,
 11. Nec se munit *Aquâ*, nec satis *Ignem* tumor.
 12. Non *Ambustorum* patior vestigia fœda,
Vibicum infames nec remanere notas.
 13. Nec florere diu picta *Exanthemata* possunt,
 14. Nec turpes latè crescere *Lenticula*.
 15. Et *Vitiligo* fugit, fugiunt & (16.) *Ephelides* ipsæ,
 A nostro quamvis ortum habuere Deo.
 Nec patior vultu quicquam apparere puellæ,
 Quò minùs in *Speculo* gaudeat illa suo.
 17. Fallor ? an & mollem forsan minùs obligo sexum,
 Quòd miseræ relevo *Parturientis* onus ?

Nemp

Eadem.

Eadem.

18. Igne meo falsum Iſſerici consumitur Aurum;
(Vix equidem Vero plus nocuisse datur.)
19. Per me posticis ductus canalibus ater
Sanguis abit, foeda dignus abire via.
20. Flaventem Bilem, Pituitam pellimus albam;
Frustra & uterque color chara Metalla refert.
21. Pellimus ex Oculo Nubem & Meteora maligna,
Et parvo obscurat quicquid in orbe diem.
22. Pellimus Articulis sævi mala semina Morbi,
Quæque habet infelix uida Elementa dolor.
23. Pellimus & Spinas, infixæque corpore tela
Tracta stupent nullâ se remeare manu.
24. Parva loquor; Membris depellimus omne Venenum,
Et Mors possit cedere iusta domo est.
25. Duræque crescentes in Vitæ incommoda Fœtus,
Ac nondum Miseros, pellimus ex utero.
O scelus! exclamant omnes; num Morbus habendus
Hoc ipsum Nasci? Credite, Morbus hic est.
Si volumus verè rationem ducere, Vitam
Restaurare minus, quàm Prohibere, bonum est.

1. Κυκλάμιον; Ἰχθυόδηρον (quod pisces devoratum ne-
cei) Cyclaminus, vel Cyclaminum, Tuber Terra, Rapum
Terra, Umbilicus Terra, Malum Terra (quod nomen Ari-
stolochia frequentius attribuitur) Rapum porcinum, Orbi-
cularis, & in officinis vocatur Cyclamen, Panis Porcinus,
Artamita, Angl. Sow-bread. Folia habet minora quàm be-
dera, nigrioraque, & tenuiora, sine angulis, in quibus albi-
cant macula, caule exiguo, inani, floribus purpureis, radice
latâ, ut rapum videri possit, cortice nigro. Nasцитur in um-
brosis: nostris Tuber terræ vocatur, in omnibus serenda do-
mibus, si verum est, ubi sata sit, nihil nocere mala medica-
mentis.

menta. Amuletum vocant, Plin. libr. 25. 9. Et, In vepribus nascitur Cyclaminum; Flos ejus Colossinus in coronas admittitur.

2. Sistit profluvium Naris, atque ejusdem aperit Venas Hamorrhoidæ succus in Lanâ applicatus.
3. Nomina Fani, Ovid. Fast. 1. Quod,
Omnia sint ejus clausa patenteque manu.
4. Ipsum olus quo Vitis fugatur adversum Cyclamino arescit, Plin. lib. 24. 1.
5. Ἀπὸ τοῦ κύκλου, à circulo, quia & folium & radix rotunda sunt.
6. Panis Porcinus, quod à porcis mirè appetatur.
7. Cyclamini radix vel per se vel ex aceto vel cum melle sanat manantia ulcera, & contra steatomata efficax, Plin. l. 26. 14.
8. Qualis est ulcerum mollities.
9. Vari, tumores duri & exigui ex frigido crassoque humore quasi in callum concreti.
10. Panus, Phlegmone in adenum locis emergens.
11. Neque ex pituitâ, ut Oedemata (quorum etiam quadam Hydroa vocantur) neque ex Bile proveniens.
12. Ambusta sanantur radice Cyclamini cum Aîzoo, Plin. 26. 12.
13. Pustula, Variola, Morbilli.
14. Subnigra aut fulvæ faciei macula.
15. Angl. Morpew; cujus tres species, Albus, Melas, Leuce.
16. Ἐφελῖς Celso cum e scribitur, & significat asperitatem quandam mali coloris; hic autem intelliguntur Ἐφελῖδες Galeni & Hippocratis, quæ sunt macula à Sole, ab Ἡλίῳ.
17. Gerardus nostras, Herbarius diligentissimus, dicit se experientiâ comprobâsse, folia Cyclamini pudendo immissa facilem partum reddere: Alii, Radicem etiam adalligatam id præstare.
18. Icterus sanat, qui & Aurigo dicitur, & Morbus Regius, fortè ab Auro Rege Metallorum. Cyclaminus calida & sicca tertio gradu; radix in usu est; Incidit, terget, aperit digerit resolvitque, Lienis durities & tumores foru aut illitu persanat:

persanat : rum recens tum aridus arquatum sistit, & biliosum
sudorem ciet, Fernel.

19. *Hæmorrhoidas aperit.*
20. *Bilem & pituitam purgat.*
21. *Ad Hypochysin & caliginem Cyclaminon in pastillos diluunt, Plin. lib. 25. 12. Meteora, nempe Albuginem, qui crassus est & albus in corneâ Meteori instar concretus humor; item alia mala Oculorum, quædam frigidorum, alia calidorum Meteororum similia. Cum melle infunditur.*
22. *Medetur Podagra, & membris luxatis, & perionibus, &c. Plin. Ib.*
23. *Cyclamini radicibus cum melle omnia corpori infixæ extrahuntur, Plin. lib. 26. 14.*
24. *Ex vino bibitur denariorum duum pondere contra serpentes omnes, Id. lib. 25. 9.*
25. *Suum tamen venenum ei est, traduntque, si prægnans radicem transgrediatur, abortum fieri, Ib. Succus ventri illitus alvum subducit, sed Fætum interimit, Heurnius.*

Lens Palustris.

INgentem Ranam conditam Lente palustri,
Esse dapem dignam vel Fove jurat Anas;
Et quod tam lautam si doctus Apicius escam
Novisset, vel adhuc viveret ille libens.
Non sumus ergo nihil, nec pondus inutile stagni:
Sed (mihi crede) Anasis non ego nata gulæ;
Nec virides constrahit aquis Natura Tapetas,
Futilibus Ranis gratificata parens.
Nascor ad humanæ non vilia commoda vitæ,
Quæ latuere diu, nunc quoque multa latent.
Currit in exiguo Doctorum industria Circo;
Et spatium angustè clausa recurrit idem.
Germina quid memorem vastum dispersa per orbem?
Quæ scitur, pars est quàm propè nulla mei?

Curtum

Curtum aliquid scitur; majoraque dicere vellem,
Sed Phœbus, sed me Fata filere jubent.
Pauca loquar: Tosto liventes sanguine Cancros,
Et flavæ prolem Bilis Erysipelas,
Corporis & fissi parvas extinguimus ~~Æ~~tnas,
Quocunque erumpat fomite flamma vorax.
Frigore natali & genitalis viribus undæ,
Quo sim nata loco, quaque parente, probo.
Cumque dolore truci & subiecto corporis igne
Articulorum *Ollis* clausa rebullit Aqua,
Frigida se ventem compescit nostra Lebesem,
Et Rore aspersus detumet ille furor.

1. *Lenticula palustris. Anglice Ducks-meat. Est & palustris Lens per se nascens in aquis non fluentibus, refrigeratoria natura, propter quod collectionibus illinitur, & maxime Podagrâ, & per se & cum polentâ, g'utinat & interanea procidentia, Plin. lib. 22. 25. Lentic. Palust. frigida & humida ordine secundo, collectionibus calidis, podagrâ, & igni sacro commodè illinitur cum polentâ, Fernel.*

Rosmarinus.

De Morfu Tarantulæ.

- 1.2. **S**edula, nec telis vel adhuc cessura (3) Minerva,
Impendens operi viscera & ipsa tuo,
4. Unde Lepos oritur tibi, Arachne Daunia, lævus?
Unde vacas tristi ridiculôque malo?
Unde vel ingenium mœstæ jocularare nocendi,
Seria vel Mortis ludicra pestis agis?
Ille fuit quicumque tuo vix tangitur ictu:
Vulnera vix sentit, sed tamen ille furit.

Exiguusque

- Exiguâque *Atomus* non percipienda *Veneri*
 Mox victrix toto corpore vasta sedet.
 Occupat arcanis Mentem in penetralibus ipsam,
 Et captam miseris raptat acerba modis.
 Hic filet, ille altis clamoribus æthera rumpit ;
 Hic stolidè astantes verberat, ille timet ;
 Solvitur hic *Lacrymis*, quassatur & ille *Cachinnis* ;
 Mille habitus idem, mille habet ora furor.
 Omnes una tenet *Saltandi* dira voluptas,
 Nec datur ulla quies ; nocte diè que tenet.
 5. Nam pulsus simul atque resulset *Musica* chordis,
 Aut magicos reddat *Tibia* plena sonos,
 Saltat *Anus tristis*, saltat *Lethargicus ager*,
 Saltat inæquali *Claudus* & ipse pede.
 Ipse potest, *hilaris* correptus membra *veneno*,
 Saltando *Satyros* penè necare *Senex*,
 O misera, & *Cantus Sirenum* digna *Chorea*,
 6. Cùm faciat furiis *Mens* agitata *Modos* !
 7. O *Designator Ludorum* pessime *Morbe* !
 8. O quantum hæc inus *Pyrrhica* pondus agit !

- Talem ego, & ignoto causarum fonte fluentem,
 Quid taciâ, *Medici*, tollere iussu laem ?
 Nam ne ita me calidius juvet & conservet *Apollo*,
 (Qui sanctum & vobis & mihi *Numen* habet)
 Obicuri (nè vera negem) sum nescius ipse
 Æ uè vobiscum quæ sit origo mali.
 Sea *Cordi* & *Cerebro* (mihi quæ provincia cessit,
 Scitis, nec vobis dicere falsi juvat)
 Agmina *Spiritus* sæpe auxiliaria mitto
 Nostros, & firmo milite c. stra novo.
 Multa ne se comites tanti bona germina belli
 Jungunt ; nec sub me, cre. o, merere pudet.
 9. Ista *Meliphylia*, & *Serpentum Ruta Venenum*,
 10. *Centaurea minor*, (11) *Coryciis*que *Crocus*.

12. Tūque à pellendis nomen sortita *Secundis*,
Quæ renuis vinctos carmine habere pedes.
13. *Medica* nec mihi *Malus* opem tulgentibus armis,
14. Nec mea chara *Soror* & *alvia* ferre negat.
15. Nec *Lauri* *Myrtive* aut frondiferæ *Tamaricis*,
Aut *Hedera* baccæ, *Juniperive* negant.
16. *Celtica* nec *Nardus*, nec dulcis (17.) *Amaracus* auræ;
Nec negat *Abrotonum*, nec negat *Angelica*.
18. *Plantago*, & sacro cognomine *Carduus* adsunt;
Utilis *Abfinthi* clarus amaror adest.
19. Semen adest *Daucique*, *Anisique*, albique *Cumini*;
20. Caste tuum *Vitex*, pulchra (21.) *Nigella*, tuum.
22. *Scorzonera* venis sæclo non nota priori,
Tormentilla venis, & *Rosa* rubra venis.
Allia nec pudet, & graveolentes jungere *Cepas* :
Has ego *Dux* acies instruo; *Signa* canant.
23. Indignor stomachoque unum, quod *Musca* mollis
Arroget hanc laudem præcipiatque sibi.
Ut sunt *Mendaces*, dicent verum esse *Pœta*,
Gratiâque hæc *Domina* facta libenter erit.
At fovet *Insanos*, non curat, (testor *Amantes*)
Et dat *Stultitia* longa alimenta brevi.
Hic debellando blanditur inepta *Tyranno*,
Magnaque pars *Morbi* est quod nimis illa placet.
Pars *Morbi* est vano quod jactant membra labore;
Pars *Morbi* est; casu sed *Labor* ille juvat.
Nulla quiescendi loca sunt nec tempora pesti,
Moribus immolice exagitata fugit.
Nos quoque *Naturæ* se jam relevare paranti
Adjumus auxilio, porrigimûsque manum.
Hoc aliquid certè est; sed *Casus* scilicet ipse
Fit *Medicus*, *Morbus* fit *Medicina* sibi.

1. *Epiphanim Ferdinandus*, qui in hujus admirandi *Morbi*
naturæ & curatione diligenter laboravit, quinque remedia
experientiâ comprobata commendat, quarum secundum est

Quinta